

NAKO EA KOTULO

 Ke a u leboha, Moena Williams. Lumelang hoseng, metsoalle. Ke monyetla ho fihla mona hoseng hona. Le ho fumana selelekela se tjena, e sa ntse e nnyenyefatsa. 'Me ke a . . . ke ile ka leboha haholo ka ho fuoa monyetla ona ho tla, hoseng hona, Phoenix.

² Ke hopola khetlo la pele ha ke fihla Phoenix, ke batla ke le lilemo tse leshome le metso e supileng. Ehlide e holile ho tloha mohlang oo. Kastle hoseng hona moo re keneng kahar'a Phoenix, ha re a khona ho khetholla moo re siileng Tucson re kena Phoenix. E batla e matahane 'moho, libaka tse ngata hakana li ropohile. Litulo tse ngata tseo re ne re tloaetse ho tsoela mona re matha lehoatateng, 'me joale ke limotele le mavenkele, le lintho tse joalo. 'Me, ehlide, hoo ho a ntsofatsa.

³ 'Me ke lutse lephakong la moena oa ka ea lōkileng mona, Moena Valdez, 'me ke—ke itse, "Be, moena. . ." Re ntse re qoqa, ka re, "Be, ehlide, ke a tsafala." Ka re, "Ke elelloa seo, limaele tsa ka li a phaellana." Ka re, "Ema ho fihlela u tšoara lilemo tsa ka," kapa ntho e kang eo. Ka mpa ka—ka mpa ka makatsoa ho tseba o moholo ho 'na ka lilemo tse ka bang leshome le metso e 'meli. Ka hona, ke, eaba ke ikutloa hantle ho feta. Ka re, "Moena Valdez, ke batla uena . . . U rerile Evangelie nako e kae?"

A re, "Lilemo tse mashome a mahlano."

⁴ Be, ke le ngoana e monyenyanne mohla a ntseng a rera. Ka hona ka re, "Ekare u ka nka tšebeletso hoseng hona, Moena Valdez." Ka re, "Ke—ke mohlankana," ka re, "ha ke batle ho ema mona ke ntse ke leka ho bua," ka re, "baholo ba ka."

⁵ 'Me a itšehele feela, ho re, "U nahana ke qhobile ka lebaka lefe ke theohela mona?"

⁶ Ka hona ke leboha haholo ka Moena Valdez. O mpoleletse ka ho phomola lapeng kastle mona. Hoo—hoo ho tle ruri. Ke ananela seo. Ho 'memela ho tsoa le ho ba etela khetlo le leng. 'Me ke kastle mona pel'a New River. Ha ke tsebe haeba mang oa lōna a tseba moo e leng teng, kapa che. Ke a kholoa, haeba leloko la Valdez le e tšeheletse, e itōketse.

⁷ Ka hona, nako le nako ha ke fihla sebokeng, ka tloaelo ke kōpana le motho ea—ea folisitsoeng litšebeletsong kapa se seng. Eare ke sa eme mona tafoleng hoseng hona, khaitseli ea theko e thata a lutse mona, ea bitšoang Erb, o tsoa mona Michigan. Mora oa hae ke seboholi mona khasong ea Bokreste. A ntse a mpolella a ne a etetse kōpano motšeо koana Flint, Michigan. A fuoe setlankana sa thapelo, a ntse a leka ho rapelloa, a mpa a hloleha. 'Me o hlile o kula haholo. 'Me hantle mona hoseng

hona, ke kholoa Molimo a folisitse mosali, a eme hantle mona lephakong la sebaka.

⁸ Ka re, “Nako e kakang joale! Ekaba lilemo tse leshome le metso e ’meli, tse leshome le metso e mene tse fetileng, ’me joale motseng o bitsoang Phoenix, Phoenix ke ntho e hahuoeng—hahuoeng ho tsoa tšenyehong.” Ka re, “Be, ntho e tšoanang e u hlahetse hoseng hona. Molimo o u hahile, ke a lumela, hoseng hona, ho tsoa e—e ’meleng o katlehileng ho fetela ’meleng o atlehileng.”

⁹ Ke utloile maobane mantsiboea, ho kena mehala, e mengata. Joale ke moahisane oa hao, ke phela Tucson ’me mehala e le mengata hoo ke sitiloeng ho e fihlella eohle, ka hona ka ba rapella ka fonofono feela. ’Me bao, ka hona, ba tlameha ho siea linomoro tsa bona feela.

¹⁰ ’Me leleiti mono, la lilemo tse mashome a robeli le metso e supileng, Mokreste oa khale, a ile a lahleheloa ke kelello nakoana. A le seterateng, a hooletsa, a bitsa lepolesa, ka hore motho o mo amohile lesea. Lilemo tse mashome a robeli a metso e supileng, le a bona, a lahlehetsoe ke kelello ea hae. ’Me e le mosali ea holileng ea lōkileng. Ke eso mo tsebe bophelong ba ka. Eaba Billy o a letsa, le ho re, “Kena thapelong ka potlako,” ho re, “leleiti le maqakabetsing, ’me ba hopola a tla shoa.” Ho re, “O mpa feela...ha a iphumane.”

¹¹ Eaba ke beha mohala fatše, ho kena phaposing le ho rapela. Metsotsong e ’maloa, keha a khalehile. A phaphama, a phetse setloaeling, a ja sophoro e tletseng ea nama ea khoho, le lebejanapo lohle le kuku, ka morao. Yaa.

¹² Le a bona, Molimo o ikemetse. Ke sebele ruri, O ka khona... Ha u a tlameha ho ba tulong eo; feela—feelaa ho kōpa sena.

¹³ Ke lumela moetapele oa rōna mona, hoseng hona, kapa motho e mong, kapa ekaba Moena Valdez thapelong ea hae, o itse, “Ha re na letho hobane ha re kōpe. Ha re kōpe hobane ha re lumele.”

¹⁴ Ke ananela ’mino oa bacha bana mona. Moena Valdez, rōna batho ba holileng, re ntse re tšoaela ka botšepehi ba bopaki ba mohlankana eo, ka hore o ne a tseba Jesu.

¹⁵ Joale re tseba re fumana, khafetsa, lik’hotete tse nyenyane tsena le ’mino, ke...lena ke lentsoe la moreri e mong, Moena Valdez o itse, “Ka linako tse ling ba tla ka boikhakanyo.” Hobane, ekare ho joalo, kajeno, ke—ke boipontši sebakeng sa e—e khethetho le botšepehi boo mapentekosta a kileng a bo rua.

¹⁶ ’Me botšepehi ba bashanyana bana, ke—ke ile ka ananela seo. Morena a le hlohonolofatse lōna bashanyana. ’Me ke ne ke...

¹⁷ Ha ke tšehetse thelebishene hakaalo. Joalokaha le tseba, ke hlile ke khahlano le eona. ’Me ke hlile ke rentile tulo tlase Tucson ho fihlela tulo ea rōna e lōkisitsoe, moo lehae la rōna le tlang ho

hlongoa teng, ha Morena a ratile. 'Me leleiti le rentisang ntlu, ke motsoalle ea lōkileng oa Mokreste, empa o ne a kentse ka tlung e—e—e thelebishene. Be, ke na le bana ba banyenyane, 'me le tseba kamoo ba leng kateng, ka hona ba e seohela. Ka hona, meso e 'maloa e fetileng, ha ke tsoa leetong la ho tsoma le Moena Stromei . . . Ha ke tsebe haeba Moena Stromei a le teng hoseng hona, kapa che, ke mopresidente oa khaolo Tucson. Morali oa ka e mocha, ea lutseng morao mona, o ile a mpitsa ho shebella, ho re, "Re tla bulela thelebishene, lik'hotete li ntse li bina," kapa ekaba e ne e le eng.

¹⁸ Be, joale, ke moseholli e motle, 'me ke—ke masoabi ka hona, empa nke—nke—nke ka ba letho haese seo ke se entsoeng. Ha nka sebetsa khahlano le mopo oa ka, ke moikaketsi. 'Me pel'a batho ha ke batle ho ba seo. Ke—ke batla ho ba seo ke leng sona feela, le tla be le tseba kamoo re emeng kateng. 'Me ke—ke a kholoa ke batla ke nyatsa haholo.

¹⁹ Empa pelōng ea ka keha ho lutse ho nyatsa ntho eo, hobane ho 'na e bonahetse e le boipeho ba mofuta ba Hollywood, boitšoaro ba mofuta. E bonahetse e sa fupa bokhetheho bo e tšoanetseng. 'Me ba binne lifela tseo ka—ka mehla ea rock-and-roll, ba roetse liselepere tsa gauta. 'Me na ho fihlile moo Evangelie fetohileng boipontši? Hobaneng, ke, haeba ho le joalo, ha ke—ha ke batle ho amana le eona ka letho. Ke batla ntho ea makhonthe le ea sebele, 'me re batla ho e baballa joalo.

²⁰ Joale, ke—ke lumela ke fapanyetsa lintho tse peli tsena hantle mona, baena. Seo, na le nkutloa betere joale?

²¹ Joale, Moqebelo o hlahlamang hoseng, ha Morena a ratile, ke fumana monyetla o moholo ho bua khaolong, khetlo la ka la pele, mane Flagstaff, Arizona. Moena mona, ke lebala lebitso la hae feela, ke mopresidente. [Moena o re, "Chester Earl."—Mohl.] Chester Earl, Moena Chester Earl. Ke fuoe monyetla oa ho kōpana le eéna hoseng hona feela, ha ke ntse ke tsukutlana ka matsoho le moevangeli ea khabane mona ho tsoa India, moena Moindia. 'Me o ntialeha ke tla bua mono Moqebelo o tlang hoseng. Bohle le mengoa ho tla kōpanong ena. Re tšepa Morena a tla re hlohonolofatsa.

²² 'Me bosiu bo latélang Mantaha, koana Tucson, ke moketjana oa lijo. Morena o mphile monyetla ho bua le . . . moketjaneng oa lijo tlase mono, ka la mashome a mabeli a motso o mong la—la Tšitoe, mane Tucson. Le hlide le memeloa ho etela bosiu bona ba moketjana oa lijo.

²³ 'Me joalokaha Moena Williams a ntłalehile ke tla khutlela koano hape, e le selelekela pele seboka se qala.

²⁴ 'Me, ka hona, ke fumana ke tsetetsoe mono, Moena Williams? Ho na le . . . Ho thoeng? Na ho betere joalo? Ho betere. Hantle.

²⁵ Ke tsepa bongata ba lōna bo tla fuoa nako ho etela se seng, kapa bosiu ka bong le letšeħare, ba kōpano. Seo, e qala ka la leshome le metso e supileng, ka supa, Sontaha thapama? [Motho o re, "Mashome a mararō ka morao ho 'ngoe."—Mohl.] Mashome a mararō ka morao ho 'ngoe. Mashome a mararō ka morao ho 'ngoe, Sontaha thapama. Ke batla ho bolela hape, ha Morena a ratile, ke tla be ke rapella bakuli teng—teng—teng likōpanong tseo, le ho etsa sohle seo nka se etsang ho le thusa.

²⁶ 'Me baena bareri mona, hoseng hona, ba tikoloh ea Phoenix. Lebaka la ka ho tla holong ena, ke... Nako le nako ha ke etla, ka tloaelo ke tšenola e nyenyane, le ho matha ho potoloha likerekeng, kereke ka 'ngoe. Ke e fumane e batla e le thata, likerekeng tse ling li batla li le nyenyane. Ehlile ha re batle ho siea moena kantle ka lebaka la kereke ea hae e nyenyane, e batla e thafatsa ntho, batho ha ba khone ho kena. Ka hona haeba... Ka ntso hopola re ka phutheha nqalong e le 'ngoe 'me ke tla e hlokomela ka bonna, re tla kōpanela mona feela re tšoare tsebeletso e nyenyane, tšebeletsonyana ea boevangeli feela, le ho rapella bakuli le lintho. Pele...

²⁷ Ha nka tloeloa o mong ona, na o betere ka mona? [Motho o re, "Che, eo, ke teipi."—Mohl.] Ke teipi eo. Ho lōkile.

²⁸ Mohlomong ho ka ba e—e molengoana ha nka e sebetsa joalo. 'Me ke batla baena besō mona, ba likerekeng, balisa mona Phoenix, ba tsebe e le lona lebaka re entseng sena, ho tla mona holong ena, ho phuthehela bohole tulong e ikhethileng. 'Me ha u khone ho finyella baena bohole, ba bangata hakana. Le bone se neng se eme hoseng hona, e ka tšoha e se le halofo ea bona. U sitoa ho phutha bohole matsatsing a rōna a 'maloa mona, pele, pejana ho seboka.

²⁹ 'Me ke khotsoe re tla kenela nako e khōlō sebokeng. Le tla utloa libui tse khōlō. Moena Cash enoa ke Cash Hamburg, Hamburg. Khele, ba kileng ba mo utloa ba bakae? Ruri ke e—e leholiotsoana. Yaa. Le ntšoarele, ha kea lōkela ke be ke buile ka tsela eo. Ke moena eo, empa—empa, khele, nkile ka ba le eéna. Le a tseba, ha ke bone kamoo le tlāng ho utloa 'na le ka mohla, athe le utloa monna ea kang eo. O rera a sa phefumolohe. Ha ke—ke tsebe o e khona joang, ke... empa ruri o laolla boholo. Nkile ka eta le eéna sebokeng sa ka sa New York, mohlamonene, 'me a batlile ho nkisa e—e sophorong ka morao ho kōpano. Eaba ke kena tulong, e le ha ke itōkisetsa ho tsoa ha moena... Eéna, a rera hohle holimō—le-tlase mokatong, le hohle ka mathoko, ho e mong le e mong ka mono. Ehlile ke—ke motho oa mofuta, oa hae.

³⁰ 'Me ke kholoa le tla thabela moena ea tsoang California, hape. Lebitso la hae ke mang? Ha ke hopole lebitso la hae, ke e mong oa libui. Ke—ke lebala lebitso la hae, le hona. Empa ke e—e sebui se sefutho, le tla mo thabela. Mono ho ka fihla libui tse

khōlō tse kang, le a tseba, Moena Roberts le banna ba bangata ba baholo ba letsatsi lena.

³¹ Ka hona, ke leboha haholo ho hopola Lengolo le mphihlelang nakong ena. Davida ha a shebile khetlo le leng areka ea Morena, e lutse litenteng. 'Me o itse . . . A lutse le moporofeta, Nathane, oa letsatsi leo. 'Me o itse, "Na ke tšoanelo ha ke lutse ka tlung, ke phela tlung ea kedare, athe areka ea selekane ea Morena oa ka e tlas'a tente?"

³² 'Me moporofeta o itse ho eéna, "Etsa sohle se pelōng ea hao, Davida, hoba Molimo o na le uena." E le phetho seo a tsebileng ho se bua.

³³ Empa bosiusing boo, Morena a kōpana le moporofeta, ha thoe, "Tloha, joetsa mohlanka oa ka, Davida, Ke mo latile meraka ea manku, a setse linku tse 'maloa morao, oa tseba, ho mo etsetsa lebitso le leholohali le kang la banna ba baholo," e seng lebitso le leholohali, e seng lebitso le phahameng, empa ho balloa le banna ba baholo ba lefatšeng mehleng eo.

³⁴ 'Me ka nahana, "Mohau oa Molimo, ho Davida mono!" 'Me ka nahana, "Ke ipalla teng, le 'na. Ha ke fumana monyetla oa letsatsi lena leo re phelang ho lona, matsatsi a phethelang nalane ea lefatše, le ho balloa le monna ea kang ea etelang likōpano tsena." 'Me Morena a le hlohonolofatse, ka moéno ruri.

³⁵ Joale, motsoalle oa ka ea lōkileng, Moena Valdez, o itse, "Moena Branham, ke lōkela ho tsamaea, ke a kholoa, ka kotara pele ho leshome, kapa kotara ka morao ho leshome." Ho re, "Ke tla lula ntlaneng koana, ho se u sitise—sitise ha u ntse u bua." O ne a etetse likōpano pele.

³⁶ Ke a—ke batla ke le lenama, ke tšoanelo ho nahana, le a tseba, ha ke bua. 'Me ke ngola Mangolo a ka fatše mona, le ntlha, mohlomong, empa ke tlameha ho khutla ke nahane seo Morena a mpoleletseng ho se bua, le a tseba, ke lōkela ho Mo emela. 'Me ke batla ke le lenama, ke tšepa ke sa tl'o le tšoarella halelele, hoseng hona.

³⁷ Ke botsitse Moena Williams, ka re, "Moena Williams, nako ea ka e kae?" Ka re, "Joale, ke ne ke ngotse Lengolo leo nka buang ka lona le ka nkuka metsotso e batlileng ho ba mashome a mararō, kapa ho hong, le ho qhala bohole le ho ea lapeng." 'Me ka re, "Empa ke batla ho tšoarana le thutoana, ha ho ka etsoa," 'me ka seo ke hopola e ka ba ntho ho lōna kajeno, seo le ka khutlelang lapeng ka sona, ho e thuisa.

³⁸ Ruri nka be ke sa tsoha hoseng hona ka mashome a mararō ka mora hora ea borarō, kapa metsotso e mashome a mabeli pele ho hora ea 'ne, le ho itōkisetsa ho nyolohela mona, ho ka bonoa feela. Ha ke—ke—ke tsotelle ho bonoa. Ke—ke tla koano 'me ke hlahlobile Mangolo a 'maloa maobane ke a ngotse fatše, ka seo ke se rapeletseng ka botšepehi, le ho nahana mohlomong,

ka seo, e ka thusa mang. Ke...Ha re na nako ea lipontšo le boipontši. Re—re tšoanelo ho itahlela mosebetsing. Ke lumela Jesu a khutla kapele.

³⁹ 'Me joale ba hatisa sena, motho a ka tšoha a fumana teipi. 'Me ke batla ho hlahisa polelo ena, hoo ka linako tse ling ke a... ke utloisisoa ka phoso khafetsa ruri. Batho ba ntetsetsa khafetsa, ho re, "Moena Branham, na ebe u ne u e lekantse ka leseli lee?" 'Me ka linako tse ling re bua taba, empa u tlameha ho tseba, ho e atamela ka moelego oo ke e boletseng ka oona.

⁴⁰ 'Me ka linako tse ling ke bua lintho tse—tse batlang li thulana le tumelo ea e mong, ke batla e le hlakele joale, motho e mong, se lumeloang ke motho e mong. Empa ke tšoere e—e Molaetsa, ha ke... ho tsoa ho Morena, oo ke ikutloang joalo ka oona. Ba bang ba ka utloa O tsoa ho liabolosi. Ba bang ba ka utloa E le lithole. Empa, ho 'na, ke Bophelo. 'Me ha ke a ikemisetsa ho fapanha ke bua lintho tse fapaneng, kapa li batla li hlabala kapa li seha, bathong. Ha ke e bue ka leseli leo. Ke—ke, ha ke etsa, ekaba ke moikaketsi. Ke—ke e bua ka leseli la ntšetsopele, ho Molimo. Ke e bua ka leseli la—la—la hore batho ba tsebe Molimo ho feta. 'Me ha ke e bue ke iqalla eona, ka sebele. Ke ntho eo ke e fumanang ho Molimo.

⁴¹ 'Me joale ha nka bua taba libokeng life tsena, e utloisang batho bohloko, kapa... Ho re, "Ha ke lumele Seo ka tsela eo."

Be, ke khafetsa ke hlahisa polelo e khohlahetseng ena. 'Me mohatsa o lutse mono a 'mametse, o ntseba ke se motho ea tsepameng. Ke—ke... Ho joaloka ha u ja khoho, 'me u thulana le lesapo. Joale, ha ho morati e moholo oa khoho ea lahlang khoho hobane a thulane le lesapo. O mpa a lahla lesapo, a ntoo tsoelapele a ja khoho. Ho a tšoana le ho ja phae ea cheri. Ha ke thulana le peō, ha ke—ke—ke lahle phae, ke lahla peō feela. Ka hona...

⁴² 'Me seo ke se buang mona se ka tšohang se bonahala, liköpanong life tsa ka, e ka reng peō ho uena, be, u e behelle kathoko 'me, ha re re, u lumele hobane ha ke tsebe hakaalo ka eona joaloka uena. Ka hona, ha ho le joalo, tsoelapele u je seo u hopolang se lōkile. 'Me ke tla...

⁴³ 'Me joale ke tšepa Morena a tla hlohonolofatsa Lentsoe la Oona. Ke molumeli ea finneng selelu Lentsoeng, le Lentsoe le inotši. Lentsoe le inotši feela, 'me ke Molaetsa oo Morena a mphileng oona.

⁴⁴ Re a fapanha, e mong nqa e mong. Ke lemo hile hoseng hona, baena besō, limishinari, baevangeli, le balisa, ba emeng mona, e ka ba—e ka ba lekholo la bona kapa ho feta, ba emeng mona. E mong le e mong oa bona o ötliloe ka litšoanelo ho ema mona le ho bua, ho mpheta. Ke tīle mono. Empa, le a bona, e mong le e mong oa rōna, e mong a ke ke a nka malulo a e mong. E mong

a ke ke a nka molaetsa oa e mong. Le a bona, litsela tsa rōna li fapane.

⁴⁵ Molimo o ikemetse. Ha O . . . Ke mang, o nong o ka bolella Molimo mokhoa oa ho etsa lintho, tšimolohong, athe O no o le mong? Le a bona? 'Me ha re ruile Bophelo Bosafeleng, tšobotsi ea Bophelo Bosafeleng e 'ngoe feela, 'me ke Molimo. Ha re ruile Bophelo Bosafeleng, re ne re le ho Molimo mohlang oo, karolo ea Molimo. Re ne re le tholoana ea Oona. Hona joale re tholoana ea Oona. 'Me, hobane, "Lentsoe le ne le le tšimolohong." 'Me lentsoe ke mohopolo ha o bonahatsoa. Re ne re le mohopolo oa Oona, oa ntoo bonahatsoa lentsoeng le ho fetoha seo re leng sona. Ke ka lebaka leo mabitso a rōna, mohlomong ha se leo re le reiloeng joale, empa mabitso a rōna a behiloe Bukeng ea Bophelo ea Konyana pele ho motheo oa lefatše. Le a bona? 'Me haeba le ne le le sieo mohlang oo, le ke ke la ba teng le ka mohla. Le a bona? 'Me Jesu o tla ho lopolla bohle, bao, mabitso a bona a neng a le Bukeng eo. Le a bona, O tsebile.

⁴⁶ "'Mopi," joaloka Baroma 8 e re bolella, "ke mang ea bolellang 'mopi? Na letsopa le ka rialo, 'Nketse *tjena, tjena*?" Le a bona? Che. Molimo o tlameha ho pepesa litholoana tsohle tsa Oona. 'Me O tlameha ho etsa lefiso le leng le sa tlottlehang, le leng le tlottlehang, ho supa le leng leo, ehlile. Joale, empa O ikemetse, le a bona, ha ho mang ea ka Mo lelaolang ho etsa eng.

⁴⁷ 'Me O re etsa re fapane. Esita le . . . mono, re a bolelloa, ka Bibeleng, linaleli li fapane e 'ngoe ho e 'ngoe, naleli e 'ngoe e hosele ho e 'ngoe. Le a tseba, phapang e teng Leholimōng, ho Mangeloi, libopiloeng tsa Mangeloi; ho na le Mangeloi, ho na le Likerubime, ho na le Lirafime, le liphapang tsa oona—tsa oona Mono. 'Me bohle re fapane. 'Molimo o na le lithaba tse khōlō, O na le masabasaba, makhulo, joang, lehoatata, metsi. Le a bona, O—O fapane, Ke e—Ke e—Molimo oa lintho tse fapanang. 'Me le shebe batho ba Oona mona hoseng hona, bang ba rōna ba basoeu, bang ba batšo, bang ba basootho, bang ba basehla, bang ba bafubelu; le a bona, ke—ke batho ba Oona. Ke e . . . Ke—Ke Molimo oa lintho tse fapaneng, 'me ke kholoa A etsa joalo har'a bareri ba Oona.

⁴⁸ Joale ha re inamiseng lihlooho nakoana feela, thapelong. 'Me nka bua sena joale pele re bala Lentsoe. Ke a tseba haeba ke batla ke le molelele, 'me le tlameha ho ema le tsoa, ke tla utloisia, le a bona, ke tla utloisia ka ho phethahala. Joale ha re rapeleng. 'Me re sa rapela, lihlooho tsa rōna li inametse lerōleng leo Molimo o re ntšitseng ho lona, o teng mona ea batlang ho hopoloa thapelong, phahamisa letsoho la hao feela. Eéna, O tseba hantle se pelōng ea hao, tlas'a letsoho leo.

⁴⁹ Ntata rōna ea ratehang ea Maholimōng, re U atamela re hlabe hile, lihlooho tsa rōna li inamiselitsoe lerōleng leo U re ntšitseng ho lona. 'Me mehopolong ea rōna re hopola U boleletse

Abrahama, bosiu bo bong, na ebe a ka “bala mahlabathe mabopong a maoatle?” ’Me Ua mo laela ho “lelala nqa linaleli,” ‘me na a ka “li bala?” Ehlide, e se ntho e ka etsoang. ’Me Oa ‘molella hobane “peō ea hae e ke ke ea baloa, joaloka mahlabathe lebopong la leoatle, le linaleli tse ka khantšang maholimō.” Joale likelello tsa rōna, mohopolo oa rōna, mehopolo ea rona likellong tsa rona, ke rialo, re sa inamisetsa lihlooho tsa rōna lehlabatheng moo re tsoang teng; lipelō tsa rōna li ntoo sheba nqa Lehelimō, moo re eang teng. Ho tloha lehlabatheng ho ea ho linaleli, e leng Peō ea Abrahama! Ho shoa ka ho Kreste, re Peō ea Abrahama, le majalefa ‘moho le Eéna ka pallo.

⁵⁰ ’Me re tlide koano hoseng hona ho qoqa ka lijo tsa tlhaho tsa bophelo, tseo re li jeleng, ho suthisa seo tseleng. ’Me joale re lakatsa ha U ka re fa Manna ao a Lehelimō, Lijo tseo tse tlhang ho re nea matla Bophelong bo leng ka ho rōna. Joalokaha mali a thota lijo tsena joale, ho a natlafatsa, ho bopa lisele tse ling, ho re matlafaletsa letsatsi; re ke re amohele Kreste, A tle a kene meeng ea rōna, hoseng hona, ka Lentsoe, le—le ho re natlafaletsa hora eo re phelang ho eona. Hoba, letsatsi le se le phirimile le meriti ea mantsiboea e a theha, Leseli la mantsiboea le fihlile mona, ‘me hang re tla utloa lisamane tsa ho “nyolohela Holimō,” ‘me re batla re be re lōkile ka hora eo. Ka hona, re thuse, Ntate.

⁵¹ ’Me ha ho ea nang le tōkelo ho phetla Buka, leha e le ho manolla Litiiso tsa eona; haese Konyana, e hlabiloeng esale lefatše le theoa, e tlide ea nka Buka ea manolla Litiiso. Oho Konyana ea Molimo, tloo hoseng hona, re bulele Buka, le ho re lumella ho sheba kahare le Uena, Morena, le ho bona seo re tšoanelang ho se etsa ho itōkisetra hora ena. Hlohonolofatsa kereke ka ‘ngoe, hlohonolofatsa likōpano tse tlhang, e ‘ngoe le e ‘ngoe ea tsona, le kōpano ea rōna e nyenyane, ho iteanya la bao ba tlhang ho tla. ’Me ha re tloha mona kajeno, re bue joaloka bao ba tsoileng Emmause, “Na lipelō tsa rōna li ne li sa chese ka ho rōna, A sa ntse a bua le rōna tseleng?” Aba sena, Ntate. Re kōpa ka Lebitso la Jesu. Amen.

⁵² Joale ho lōna ba batlang ho phetla, khafetsa le batla ho sala moreri ha a bala, ho fumana moo a buang ho tsoa teng, ha le tšoere Bibele tsa lōna, ‘me le tla phetla ho Santa Mattheu khaolo ea 4.

⁵³ ’Me joale ke tla reella seholooho sa ka pele ke bua; bonnyane, ke batla ho e ruta ka mokhoa, le ho e bua ha re tsoelapele. ’Me sena ke se reile, ka mokhoa, ha ke tsebe lebaka, ke se rea sena: *Nako Ea Kotulo.*

⁵⁴ ’Me re tla qotsa palo ea Lengolo, ho tšetleha mohopolo ona, ho hula teng thero ea mohlolithero. Re tla bala Santa Mattheu khaolo ea 4, karolo ea lona. Mona ke molekong oa Jesu. Hoba A tlatsoe ke Moea o Halalelang, O ile a isoa felleng.

Joale eaba Jesu o isoa ke Moea felleng ho lekoa ke liabolosi.

A lula a itimile lijo ka matsatsi a mashome a mane le ka masiu a mashome a mane, a ntoo lapa.

Eaba moleki o mo atamela, a re, Ha u le Mora Molimo, e re majoe ana a fetohē bohobe.

Empa a araba a re, Ho ngoliloe ho thoe, Motho a ke ke a phela ke bohobe feela, empa o tla phela le ke polelo tsohle tse tsoang molomong oa Molimo.

Joale liabolosi a mo nkela motseng o halalelang, a 'meha holimō hlorong ea tempele,

A re ho eéna, Ekare ha u le Mora Molimo, o itihele fatše: hobane ho ngoliloe ho thoe, O tla u laella mangeloi a oona: 'me a tla u khakeletsat matsohong a oona, hore leoto la hao le se ke la khopeha ke lona lejoe.

Jesu a re ho eéna, Ho ngoliloe ho thoe, U se ke oa leka Morena Molimo oa hao.

'Me hape, liabolosi a mo isa ho...thabeng e telele haholo, a 'montša mebuso ea lefatše, le likhanya tsa oona;

A re ho eéna, Ntho tseo kaofela ke tla u nea tsona, ha u ka oa ka mangole oa nkhumamela.

...Jesu a re ho eéna, Tloha, Satane: hobane ho ngoliloe ho thoe, U tla khumamela Morena Molimo oa hao, 'me u tla sebeletsa eéna feela.

55 Ke batla ho khutlela nakoana, ho temana ea 4 hape.

Empa a araba a re ho eéna, Ho ngoliloe ho thoe, Motho a ke ke a phela ke bohobe feela, empa o tla phela le ke polelo tsohle tse tsoang molomong loa Molimo.

56 Joale bakeng sa temana, ke ratile ho qotsa seo, "Lentsoe lohole le tsoang molomong oa Molimo." Joale le e tšoare kelellong re sa bua.

57 Jesu o kile a bua, ho Santa Johanne 6:48, kea kholoa e lōkile, joalokaha ke e ngotse hoseng hona, "Ke Bohobe ba Bophelo." Mona e le moketeng oa Paseka, mohla Bajuda ba—ba jang bohobe bo sa lomo soang sehopot song sa manna a theohileng felleng, 'me—'me ba noa selibeng mono se lekanyang Lefika felleng, 'me ba inyaka letse. 'Me Jesu a phahamisa lentsoe hantle, mahareng, 'me A re, "Ke Bohobe ba Bophelo. Bontata lōna ba jele manna felleng, ka lilemo tse mashome a mane, athe e mong le e mong, o shoele. Empa Ke Bohobe boo bo tsoang ho Molimo Leholimōng. Ekare ha motho a bo ja, a ke ke a shoa." 'Me ka lefika, O itse, "Ke Lefika le neng le le felleng. Ke Lefika leo bontata lōna ba noeleng ho lona."

⁵⁸ “Joang?” Ba itse, “U monna ea sa feteng lilemo tse mashome a mahlano, athe U re u bone Abrahama? Joale re U tseba u na le diabolosi ’me u a hlanya.”

⁵⁹ ’Me Jesu o itse, “Pele ho Abrahama, KE TENG.” Le a bona, “KE TENG” e ne e le Topallo ea Mollo sehlahleng, e buileng le Moshe. ’Me ha u ka e hlophisa ka mabitso le mabitsobitso, ha se “Ke ne ke le teng, Ke tla ba teng.” “KE TENG” ke lekhathé la joale, ka linako tsohle.

⁶⁰ Re nahanne sena, ha A re, ka Sebele joale, ho re, “Ke Bohobe boo ba Bophelo.” Joale monna enoa ekaba Bohobe ba Bophelo joang? Re ipotsa seo. “’Mele oa Ka ke Bohobe,” O boletse. ’Me joale monna enoa e ne e ka ba Bohobe joang? E batla e makatsa, empa le se makatsoe ke eona. Batho ba mehla ea Hae ba makalitsoe ke eona. Ha ba tseba kamoo monna enoa ka sebele e ka bang Bohobe, ka Sebele. Hape ho Johanne 1, re e neoa ka tsela ena, ho re, “Lentsoe le ne le tšimolohong, ’me Lentsoe le ne le le ho Molimo, ’me Lentsoe e ne e le Molimo. ’Me Lentsoe le ne le etsoe nama la aha har’ a rōna.” Ka hona, Lentsoe le ile la fetoha Bohobe. Mona Lentsoe le Bohobe eka khona e be e le ntho e le ’ngoe, hobane Jesu ke Lentsoe ’me Ke Bohobe.

⁶¹ Joale E ne e ka ba Bohobe le Lentsoe joang? Tsohle tse . . . Ho ka makatsa, kelellong ea nama. Empa re tsepile, hoseng hona, kelello ea nama e sa fumanoe har’ a rōna, ho fumanoa kelello ea moea har’ a rōna, re ka utloisia seo Ntate a lekang ho re tlisetsa sona mona. Haele moo mantsoe ana a hlolla, empa, ka nako e tšoanang, ke ’Nete ea Mangolo, le a bona.

⁶² “Joale Monna enoa e ka ba Bohobe joang?” Ba itsalo. Ke seo, ke a lumela, Josefase, ho lōna boranalane ba bangata . . . joalekahá esale ke e hlahlobile.

⁶³ Joale ke ntse ke ngola buka, tlhakisetso ea ka mabapi le likhaolo tsa pele tse ’ne tsa Tšenolo, ke tsepile ho e lokolla kapele ruri. E tla be e le buka e khōlō. Ke tla hlophisa boroshara ba mongoaha o mong le o mong oa kereke.

⁶⁴ ’Me ke ne ke hlahloba nalane ea kereke. Ke . . . e ne e batla e lutse mohopolong oa ka, ke kholoa e le Josefase, eo, e mong oa bangoli ba mehleng, le hona, ea itsalong, “Jesu enoa oa Nazaretha, Ea ileng kahohle a folisa bakuli,” ho re, “Barutuoa ba Hae ba Mo epolotse ba ejá ’mele oa Hae.” Le a bona, ba ne ba ja selallo. ’Me ba hopotse ba chekolotse ’mele oa Hae ’me ba ntse ba ejá ’mele oa Hae. Etsoe, re hlile re ja selallo, kapa ho nka selallo, ka tšobotsi ea setšoantšo, sa ’mele oa Hae, hoba E ne e le Lentsoe.

⁶⁵ Joale, le a bona, sena se a makatsa. ’Me, ka eona nako eo, Mangolo a teng. ’Me Jesu o itse, “Lengolo lohle e ka khona le phethehe.” Le a bona? Joale, kamehla re batla ho poma mehopolo ea rōna nthong efe e khahlano le Lengolo. Lekhale, lekhale,

nakong efe, u se tlohele Lengolo leo bakeng sa letho lesele, ho se be Lentsoe le le leng la Eona. Tiisetla Lengolo leo ka ho tsepama.

⁶⁶ Joale, Molimo o tlameha ho ahlola batho letsatsi le leng. 'Me ha O ka ahlola batho ka kereke, e tla ba kereke efe? Ba re, "Kereke ea Katolike." Be, ka hona, kereke efe ea Katolike? Le a bona? Hobane li fapanane e 'ngoe nqa e 'ngoe, hampe ho feta le rōna. Le a bona, li a fapanane, e 'ngoe . . . Libopeho tsa tsoma tsohle li a fapanane, ea Roma le ea Molao, le ea Jewphanite le, oh, merabe e mengata e fapaneng ea bona. 'Me ruri li tšoarana ka qoqotho, ke likereke life tseo tsa Katolike? Ha O e phethisa ka kereke ea Protestanta, kereke efe ea Protestanta? E 'ngoe e fapanane le e 'ngoe.

⁶⁷ Empa O tla ahlola lefatše, 'me O tlameha ho tšoara folaga ea mofuta ho ahlola lefatše ka eona, ho seng joalo O tla be o sa loka ho re tlohela joale le—le ho phela bophelo bona kantle ho se folaga ahlolang. Ke mang ea tla beng a lōkile? U ka bolela se tla beng se lōkile kae? Folaga e tlameha e be teng.

⁶⁸ 'Me O boletse, Bibeleng ea Oona, ha thoe O tla ahlola lefatše ka Jesu Kreste. 'Me re a bala mona ho thoe Jesu ke Lentsoe. Ho Baheberu 13:8, ho itsoe, "Ke oa maobane, kajeno, le kamehla." Ka hona, ha ho le joalo, O tla ahlola kereke ka boitšoaro ba bona khahlano le Kreste, E leng Lentsoe. "Motho a ke ke a phela ke bohobe feela, empa ka Lentsoe lohle le tsoang molomong oa Molimo." E seng le tsoang molomong oa motho, e seng le tsoang seminareng, e seng ho tsoa e—e kerekeng, empa, "ho tsoa molomong oa Molimo." Motho o tšoanelo ho phela ka Seo, 'me Seo se inotši; e seng tlhaloso ea motho, empa Lentsoe la Molimo ka Sebele!

⁶⁹ "Be," u re, "phoso e teng *Mona*." Ha e le teng, Molimo o jere boikarabelo ba eona. O e tlisitse ho 'na, le a bona. Seo ke tlamehang ho se nka ke sena, seo O se buileng se hantle mona.

⁷⁰ Joale, ha sena se batla se hlolla, le mabapi le "monna e leng Bohobe le Lentsoe," ha re tloheng joale re batlisise sena. Ha re fumaneng. Hoba, Mangolo ohle ke 'nete, 'me a—a ke ke a robjoa le ka mohla. Lengolo ka leng le tla phethisoa. Ho sa tsotelehe kamoo e bonahalang e hlolla, Hoo, e tla phethisoa kamehla.

⁷¹ Ho ka thoeng ha—ha Moena Williams kapa—kapa ba bang ba baena mona, ntata-ntata-ntatemoholo oa rōna, ba ka hlaha temeng ba babeli, hoseng hona, 'me, ha re re, be, ba bontšoe thelebihshene? 'Me ha re re motho o porofetile morao letsatsing la bona, le ho re, "Ka letsatsi leo le ka khona ho utloa kolu e potang lefatšeng."

⁷² Ba ka be ba itse, "Be, sirōhang khoari eo ea mofutsana, o lahlehetsoe ke kelello."

⁷³ "Me ka letsatsi leo 'mala o tla tšoloha leoaping." E teng mona hona joale hantle. "Me ba tla khoephetsa monokonyana,

le tla bona batho ba tsamaeang pitikolohong ea lefatše, le lintho, hantle holim'a lesira."

⁷⁴ "Be," ba ne ba tla re, "le hauhele khoari eo ea khale ea mofutsana!" Le a bona? Empa joale re e fumane, hantle ka phaposing ena hoseng hona.

⁷⁵ 'Me ke batla ho le hlokamelisa eona, pele re hatela pejana, hore Molimo o ka phaposing ena. Mongoli oa Lentsoe lena o mona. Ka hona, ha ho tsotelehe moaparo oa hao, kapa u phela digarateng life bophelong, kapa u ahile tlung ea mofuta mong, kapa u khanna koloi ea mofuta mong, kapa thuto ea hao e kae, Molimo o talima pelō ea hao. 'Me O talima pelōng ea ka. 'Me re ahloloa ho tsoa pelōng ea rōna, e seng le ka mantsoe a rōna. Lipelō tsa rōna li a re ahlola. "Molomo o bolela seo pelō e leng sona." Haeba ho se joalo, ke boikaketsi.

⁷⁶ Joale, ka phaposing ena ho kena batho joale, libopeho tsa batho, li ntse li haola le mona, ho tsoa lefatšeng lohle, mantsoe a ntseng a bina, a ka phaposing ena hantle joale. Empa, le a bona, le lekanyelitsoe feela, lithokutlong tsa lōna, bohashana bo baliloeng feela ba pono. Empa joale u ka tšoara kristale, kapa chupu le ha e ka ba eng e thelebisheneng, oa e bulela, ka sete e khonang ho faposetsa ntho eo holim'a maqhubu ao a ethere—ethere, le ho faposetsa seo, ho e patisa mochoporong, le ho qhautsa batho bao; motho ea Australia, Afrika Boroa, kapa kae, India, kapa e ka bang kae. U ka ema mona, holim'a lesira, oa bona 'mala o mong le o mong oa liaparo tsa bona, 'mala oa lifate, le khato efe ea bona. Khoephetsa sete ea thelebishene feela, ho bona haeba ho se joalo.

⁷⁷ Ka hona, e tlameha ho ba teng ka-kae, e patetsoe mahlo a rōna, ntho eo e haola mona joale. E haotse mona mohla Abrahama a utloileng Molimo o re, "Lelala nqa linaleli." Ebile teng le mohla Elia a lutseng Thaba Karmele. Ebile teng mehleng ea Adama mona, empa joale ba sa tsoa e sibolla.

⁷⁸ 'Me le Molimo o teng mona, le Mangeloi. 'Me letsatsi le leng etlaba bonnete hakaalo ka thelebishene kapa ntho efe e sele, hobane Moea o tla re sunya Bophelong boo bo sa timeng. Re tla tla utloisia mohlang oo. Ka hona, ha ho le joalo, re bua ho tsoa Lentsoeng la Oona. Joale, seo, re tla leka . . .

⁷⁹ Molimo, Molimo 'Mopi e moholo, ha re lekeng ho bua ka tšobotsi ea tlhaho, ho Mo qotsa tlahong pele, ho e khutlisetsa morao Lentsoeng. Joale, tlhaho e khema e bapile le Lentsoe, hobane Molimo ke 'Mopi oa tlhaho. Ha u bona kamoo tlhaho e sebetsang, e . . . ho fumana e le eona tsela eo. Seo, ke Bibele ea ka ea pele, ebile ho fumana kamoo tlhaho . . . fumane Molimo tlhahong. 'Me koro ke sebeoa sa tlhaho, bohobe, ho etsoa bohobe ka eona, bo ötlang 'mele oa tlhaho. Tlhaho e fupile makunutu a mangata. Re . . . 'me leo ke lekhetlo la ka la pele ho fumana Molimo, ka ho bea tlhaho leihlo. Ka bona ntho e ne e tlameha

ho ba teng. 'Me, joale, ha ke na thuto, ka hona ke bua khafetsa ka tlhaho. 'Me ke... Ha ke leke ho tšehtsa ho se rutehe. Empa ke leka ho bolela u sa tlameha le ho fumana thuto, ho tseba Molimo.

⁸⁰ Johanne Mokolobetsi, pulamaliboho ea Kreste, mohla a bitohileng felleng... Re rutoa a kene felleng, a le lilemo li robong, a lula koo kaha mosebetsi oa hae o ne o le bohlokoa. Ntatae e ne e le moprista. 'Me lesikeng la boprista ba mofuta oo, kapa mokha oa bolumeli, oh, ntatae o itse, "Joale, Johanne, u a tseba u tla tumisa Messia. U a tseba, Moena *Sekete-le-mona* o taka Messia ka ho phethahala!" Ka hona Johanne o ile a tlameha ho siroha ntho eo, a kena felleng boinotšing, eka khona e be khetho ea Molimo, e seng khetho ea motho, ho hang, hore Messia e tla ba mang. Ka hona, a kena mono lilemo li batla li le robong.

⁸¹ 'Me, le a lemoha, mohla a tsoileng, lilemong tse mashome a mararō, lithero tsa hae e se tsa moithuti oa thutabomolimo. A sa sebelitse lipitlahali tsa mantsoe, empa tsohle li itšetlehile ka tlhaho. O boleletse banna ba kereke ba letsatsi leo, o itse, "Malinyane a linōha." Ke sona seo a se boneng felleng, linōha. A hloile linōha. Li ne li le mahloko. Meno a tsona a le mahloko, 'me o e ribehile holim'a kereke ea letsatsi leo, "Lōna boieane ba linōha tse mahloko, ebe le tšositsoe ke mang ho balehela khalefo e tlang? Le se qale la re, 'Re setho sa *sena*,' 'me, 'Rōna re-re ma-Jesuite,' kapa 'Rōna re *hore-le-hore*,' kapa, 'Re setho sa Methodise, Baptise, Presbeteriene,' kapa e ka bang eng. Le se qale la itlaleha le kakatletse seo, 'hoba, ke re ho lōna, Molimo o ka tsosetsa Abraham a bana le ka majoe ana.' Le a bona?

⁸² Ebile, "Selepe," o se sebelisitse felleng, "se tla beoa motsong oa sefate. 'Me sefate sefe se sa beheng tholoana—tholoana e monate, se a rengoa se lahleloa mollong." Le a bona, a ke ke a rema sefate se behang tholoana, hoba a phetse ka thoaloana ea sefate. Empa, sefate se sa beheng tholoana! Oh, u ka qotsa Lengolo lohle feela, le bululetsoe haholo, ho fihlela sohle mono se khohlelitsoe ho Jesu Kreste. Le a bona, "Sefate sefe se sa beheng tholoana e monate se a rengoa se lahleloa mollong," le joalo-joalo. Le a bona, o—o sebelisitse molaetsa oa hae selikeng sa tlhaho.

⁸³ 'Me joale re batla ho tobana le eona, haele moo re fumana A itse, "Ke Bohobe. 'Me motho o tla phela ka Lentsoe le leng le le leng, 'me Ke Lentsoe." Le a bona? Re batla ho khutlela morao tlhahong ke hona. Ke ipona ke tlameha ho etsa hoo khafetsa.

⁸⁴ 'Me tlhaho e matha sekaleng se tšoanang. Ha u nka nako eo u bonang linonyana li phutheha ka eona, li tloha li kena thoteng ho ea ja. Sheba makhomoo ohle ha a tsoa, a ikalile thoteng, a fula. Lihela thapo ea hao, hlapi e tla koma-koma. Empa ha makhomoo ao... Linonyana tseo li itšopha holimō lifateng, makhomoo a khobokana sekhutlong, u mpe u hule thapo ea hao. Li ke ke

tsa koma-koma, hobane tlhaho e matha sekaleng se le seng ka linako tsohle.

⁸⁵ Le Lentsoe la Molimo le khemisana ka kutloano. Molimo kamehla O sebetsa tsohle ka sekala se le seng. O entse qeto tšimolohong, mohla motho a lahlehetsoeng ke setsoalle sa hae le Oona, O be a tla mo pholosa ka mali a tšolotsoeng a ntho e se nang molato. 'Me ha O eso fetole mokhoa oa Oona. Re lekile ho ba rutela ho eona, ho ba sutela ho eona ka mokha oa bolumeli, le—le ho ba qekela ka ho eona, ho ba tobolela ka ho eona, kapa ho ba kharumella ka ho eona. Ho sa ntse ho itšanelia, Molimo o tla kópanela le molumeli feela Maling a tšolohileng.

⁸⁶ Che, re ke ke ra thea Mokhatlo oa Lefatše oa likereke 'me bohole ba teana. E ke ke ea sebetsa le ka mohla; ha eso khone, e ke ke ea khona le ka mohla. Lebaka leo ke emang khahlano le tsamaiso eo. Molimo o theile tsamaiso. Kajeno le utloile taba eo, "Likereke tsohle li teane, e tla ba Mokhatlo oa Lefatše oa likereke. 'Me Jesu o e rapeletse, ho re 'bohole re be bang.'" Be, joale, le a bona, eo ke kelello ea nama, e sa tsebeng Moea.

⁸⁷ Jesu o itse, "Ba be bang, Ntate, joalokaha Uena le 'Na re le bang." E seng ha ntho e okameloa ke monna ea itseng, e ke ke ea sebetsa le ka mohla; mokha o mong oa bolumeli o batla ho hapa o mong, le monna e mong o batla ho okamela e mong. Empa le tle le be bang le Molimo, joalokaha Kreste le Molimo ba ne ba le bang, thapelo ke eona eo. Seo, E ne e le Lentsoe, 'me Jesu o rapeletse hore re be Lentsoe, ho halimisa Eéna. Ke eona thapelo ea Hae e tlamehang ho arabeloa.

⁸⁸ Na le bona kamoo Satane a e hlekemanyang kelellong ea nama? Empa eo e ne e se thapelo ea Jesu, ho hang, ho re khobokanya bohole re qape tumeloana ea mofuta le joalo. Nako tsohle ha ba etsa seo, ba ritsetsa hojana le hojana le Molimo.

⁸⁹ O re batla re le bang le Molimo, 'me Molimo ke Lentsoe. Motho ka bomong, pelōng ea hae, o tšoanelia ho ba mong le Molimo.

⁹⁰ Molimo o tsebang seo, sena, lintho tsena tsohle li sebelitsoe ka tsela ena. Joale ka linako tse ling re fumana Molimo joalo, ka ho sheba tlhahong. Lihla, tse phikolohang, li paka ka Molimo. Ke e fumane mono khetlo la pele, kamoo bophelo bo melang selemo, bo phela bophelo, bo hlahisa peō, e a shoa e kena mobung, ho khutla hape ka tsoho, ho phikoloha feela. Re ka qeta lihora teng.

⁹¹ Empa joale e fapane ha kae, moena oa rōna oa morongoa mona, India. Ke fumana ba bangata mono, le ho pota lefatše, ba lumela tsobo ea phapano, seo, bao—bao, ho thoe u shoa mona joaloka motho 'me u bitoha hape u le nonyana kapa phoofolo. Le a bona, ha e bue e khemisana le tlhaho.

⁹² Tlhaho e bua e re eona peō e keneng mobung, ke eona peō e nyolohang. Le a bona? Jesu ea theohileng, ke Jesu ea khutlang

hape. Allelua! 'Me 'mele ona, ha o oela mobung, o ke ke oa khutla e le palesa kapa ntho e itseng, o tla boea e le monna kapa mosali. Re e bona tlhahong, tšebetso ea eona, e tlameha ho haola mariha a batang, le ho bola le lintho tse joalo, empa bophelo bo a baballoa haeba bophelo bofe bo ahile ka ho eona.

⁹³ Empa haeba, mono, peō eo ha e sa nontšoa, e ke ke ea tsoha hape le ka mohla; e ke ke ea tsoha, ha ho letho ka ho eona ho e tsosa. 'Me ha re fetoha Mokreste oa lipolelo tsa molomo feela... Likereke li peli lefatšeng, kereke ea tlhaho, kereke ea moea, tsohle li bitsoa "Bakreste." Empa kereke ea tlhaho e ke ke ea tsoha. E ntse e tsoha hona joale Mokhatlong oa Lefatše, lekhotla la likereke.

⁹⁴ Empa Mokreste o nyoloha ho kōpana le Kreste hobane Ke Monyaluo, ho tloha ho ea kōpana le Eéna. Phapang e teng ho bona. Tlhaho e fupile makunutu, ho rōna, 'me re ka li bona ha re li sheba. 'Me re a bona hobane Bokreste bo bua 'Nete, ea lefu, kepelo, le tsoho.

⁹⁵ Haeba re tseba bohobe ba koro boo re phelang ka bona bo le teng, re a tseba re ka phela ka mokhoa o le mong feela, ka ho kenya lintho tse shoeleng 'meleng oa rōna. Ha u ka ke oa phela ka mokhoa o mong o sele.

⁹⁶ Ke kōpane le mojameroho, nakoana e fetileng, o itse, "Moena Branham, nkile ka u tšepa hofihlela ke utloa u re u jele borakefese ba beik'hono le mahe." Le a bona? Le ho re, "Monna oa morapeli a ka hla ja ntho e joalo?"

Le a bona, ka re, "Be, phoso ea hoo ke efe?"

⁹⁷ Lintho tsohle ha li a hloeka, empa e halalelitsoe ke Lentsoe la Molimo le thapelo. Bibele e boletse, "Ekare ha u le mohlanka ea molemo oa Jesu Kreste, u hopotse moena lintho tsena. Le a bona, tsohle li halalelitsoe, ho se ke ha iloa letho, ha le amoheloa ka teboho," Timothea oa Pele :3. Joale re fumana seo e le 'nete. Ka hona ka re, bonnyane . . .

Ka re, "Be, na ha o a tlameha ho ja ntho e shoeleng, le uena?"

"Oh, che, monghali!"

⁹⁸ Ka re, "Haeba u phela le ka mohla, u tlameha ho phela ka ntho e shoeleng. Ha u ja bohobe, koro e shoele. Ha u ja linaoa, e shoele. Sohle seo u se entseng, esita le lebese, u noa bakteria. U entse hoo." U ka phela feela ka ntho e shoeleng.

⁹⁹ Haeba ntho e ile ea tlameha ho shoa re tle re phele ka nama, hakakang ntho e ne e tlamehe ho shoa ho re phelisa ka Bosafeleng! E qosa lefu, ho e phethisa. Bohobe! Ho bona Jesu a boletse, "Ke Bohobe," 'me bohobe ba koro bo teng empa E ne e se bohobe ba mofuta oo, mefuta ea bophelo e ötloang ke bohobe e tšoanetse e be mebeli. E tla re fihlisa moo. Ho ke ke ha ba... Ha se, E ne e se koro; 'me E ne e se Lentsoe, E ne e le nama, ka hona mefuta ea bophelo e tšoanelia ho ba 'meli. Re tseba koro e

shoela ho re phelisa ka nama, joalokaha ke boletse. Jesu, Lentsoe Bohobe, o shoele, re tle re phele ka Bosafeleng. E ne e le Lentsoe Bohobe. Joale lemohang, le e boloke kelellong ea lōna. Joale ho pakela Lentsoe la Jesu e le 'nete, re a bona tabeng ena, tlhahong, kamoo e tsamaeang kateng.

¹⁰⁰ Joale ha re feteleng Lengolong, ho fumana hape, morao ka Lengolong re be re finyelle sehlooho sa therō ea rōna. Serapeng, Molimo o neile lelapa la Oona la pele Lentsoe la Molimo ho phela ka lona, Lentsoe lohle la eona. Lelapa la pele le kileng la hlongoa lefatšeng mona, le ne le fuoe Bophelo Bosafeleng ha feela ba tiiselitse Lentsoe la Molimo.

¹⁰¹ E ne e le leano la Oona leo. “Ke le Molimo,” O rialo, “ha Ke fetohé.” E sa ntse e le leano la Oona. Leano la Oona le ka mohla ha se tumeloana, kapa mokhatlo, kapa litaelo tse raliloeng ke motho, tseo motho a tla phela ka tsona, empa ka Lentsoe lohle le tsoang molomong oa Molimo.

¹⁰² Joale ho khutlela morao ho Genese, e leng qalo. *Genese* e bolela “tšimoloho.” Re fihlela Molimo o neile lelapa la Oona Bophelo Bosafeleng ha feela ba tiiselitse Lentsoe lena ba phela ka Lentsoe lena. Empa enereha ha ba le tlola, lehokelo le le leng feela lehlaahleleng la litsepiso, ba otloa ke lefu, le lona e boetse e le tsepiso.

¹⁰³ Ke lehlaahlela. U leketlile ka lona holim'a lihele, eona feela ntho e tlang ho u jara e u fetisa. Ha molumeli a fetoha moipehimolumeli 'me a phela ka lentsoe le le leng khahlano le Lentsoe lena, o khaola setsoalle sa hae le Molimo. Lehokelo le le leng le khaohileng! 'Me, le hopole, tumelo ea hao Lentsoeng lena e tšoana le lehlaahlela. Hlaahlela le lla ka le leng. Ke hantle. E matla ka ho fetisisa, hoo, hoba e le phetho seo e tlang ho se tšoara. 'Me ha u hlolloa ke taba Lentsoeng, ntho u e utloileng ka ho fapana, empa ba itse, “Uena? Oh, e ne e etselitsoe baapostola, le lintho tseo li ne li etselitsoe matsatsi a fetileng,” athe Lengolo le tlalehile Jesu Kreste e le oa maobane, kajeno le kamehla, u se e lumelle ho ba bofokoli! U Le hahele qhobosheane 'me u Le tiisetse, ho phuthela bophelo ba hao ka Lona, hoba e le eona feela ntho e tlang ho u fofisa holim'a malakabe a lihele. Ke hantle.

¹⁰⁴ Eitseha lehlaahlela lena le khaoloa, ho Adama le Eva, lelapa la pele, joale le hopole, ha ba roba polelo, ha ba roba Mantsoe a mararō; Lentsoe le le leng! Motho o tla leketla holim'a lihele ka Lentsoe le leng le le leng, Lentsoe le leng le le leng le tsoang molomong oa Molimo. Phello ea motho ea Bosafeleng e laotsoe hona teng. Khele, o tla leketla ka lehlaahlela leo, kapa o tla leketla ka tumeloana; kapa ha tumeloana e tsoakiloe le lehlaahlela, lehokelo le fokolang le hlaho hona moo, 'me ho felile ka uena. Lehokelo le fokolang ho Adama le Eva le hlahile moo. Lehokelo leo le fokolang, “ruri,” o itse, “Molimo . . .” Empa ruri Molimo o e buile! 'Me ha Molimo o e buile, Molimo o hlide o tiile.

'Me O bile o boloka Lentsoe la Oona ka ho bolela, "Mohla le se jang, le tla shoa mohlang oo." Mohla u sutelang ka ho uena ntho e hosele le Lentsoe la Molimo le saangoang, kahar'a soule ea hao, u tla arohana le Molimo ka letsatsi leo.

¹⁰⁵ Joale taba ena e thata haholo, empa le mamele ka hloko feela. Joale lemohang. Lentsoe le le leng, Lentsoe le le leng la qalong ea Bibebe, Molimo o itsalo, "Lentsoe le le leng, le arohantse motho le Lehlaahlela la Bophelo Bosafeleng."

¹⁰⁶ Ho joalokaha u tšoara motho o mo fanyeha, ka maoto a hae... matsoho a hae a Leholimōng, u mo khekhetha habeli, ho poma monoana o motona oa leoto, sefe seo o leketlileng ka sona. U leketlile ka mokhekhetho o katlase, 'me, ha u khaola lehlaahlela leo, nqa efe, ho felile ka uena. Joale le e hopole kelellong tsa lōna.

¹⁰⁷ Hopolang, Bibebe e boletse, "Ka molomo oa lipaki tse tharō, lentsoe ka leng le tla tiea." Re tla kena ho eona, metsotsong e 'maloa, maloka le meleko e merarō ea Jesu; meleko e merarō ea bareri, kajeno, moo ba tlolang teng; meleko e merarō ea kereke, le moo ba tlolang teng; liteko tse tharo tsa mokhatlo, moo o tlolang teng; le liteko tse tharo tsa motho ka bomong, le moo ba tlolang teng. Joale, e matha eohle ka botharō; joaloka tokafatso, khalaletso, kolobetso ea Moea o Halalelang; Ntate, Mora, Moea o Halalelang. Ntho eohle e phethahetse ka botharō.

¹⁰⁸ Joale lemohang Molimo, qalang, eona ntho ea pele eo O e neileng bana ba Oona ho phela ka eona, e ne e le Lentsoe la Oona. Joale re fumana hoo e le 'nete. Eaba mahareng a Bibebe, re utloa Jesu a fihla a re, "Motho o tla phela ka Lentsoe lohle le tsoang molomong oa Molimo." 'Me hape ho Tšenolo 22:18, Jesu ka Sebele o boela a bua, ho re, "Ke pakela lintho tsena. Ekare ha e mong a ekeletsa lentsoe le le leng ho Sena, kapa a tlosa Lentsoe Bukeng ena, kabelo ea hae e tla tlosoa Bukeng ea Bophelo."

¹⁰⁹ Joale, le a bona, ha se bophelo ba rōna bo lōkileng; e khema le eona feela. Ha se ba rōna—ba rōna botšepehi nqa kereke; e khema le eona. Empa ntho ea sehlooho, ho tiisetsa Lentsoe leo. U se ke oa ja letho kantle ho Lentsoe leo. Tiisetsa ho Lona. Eéna ke Lentsoe leo. Joale re batla ho shebisisa ka hloko joale.

¹¹⁰ Phapang ke efe ho bohobe bona, ba popo, ho phela? Joale, koro ke bohobe ba bophelo, haeba e se thollo e nyalisitsoeng, e tla... li epele li tla boela li nyoloha. Eka khone ebe thollo e ntle e butsoitseng. Thollo e sepha e ke ke ea nyoloha. Bohle re tseba seo. Moena Sothmann, ea lutseng mona, molemi oa koro ea tsoang Canada, o a tseba u ke ke oa sunya lithollo tse sepha mobung, oa lebella sejalo ho eona. Hobane, kokonyana kapa e—kapa bakteria, ntho e kahar'a thollo, e a e ja, e ja bophelo bo ka ho eona pele.

¹¹¹ Na u tsebile tsona liboko tse tlang ho u timetsa, tse tlang ho ja 'mele oa hao, li ka ho oona hona joale? Jobo o itse, "Leha liboko

tsa letlalo la ka li senya 'mele ona!" Ho u sunya lekeseng le ho le tinketsa, ho thibela moea; le joale liboko, tse leng ka ho uena, li tla u ja li u qete.

¹¹² U fumana phoofo le folouru, le lintho, ha u li boloka nakoana, li kenoa ke sebokoana, ho e tinketsa. Ke eng? Sebokoana seo se teng ka mono, le ho qala. Se teng mono, le ho qala.

¹¹³ Joale, thollo ena e tlameha e be thollo e ntle. E tšoanelia e se be le sepha, likhaello, le joalo-joalo, ka ho eona. Eka khona e be thollo ea lesika. Ha e a tlameha e be thollo—thollo ea lenyalisoa, hobane, ha e nyoloha, u e jala hape, ho felile ka koro ea hao—ea hao, hobane thollo ea lenyalisoa ha e boele e mela. Ha e khone ho mela hape. Ha u e nyalisa u felisa bophelo ba eona.

¹¹⁴ 'Me ke sona se hlahetseng likereke. Ke manyalisoa le lefatše 'moho, lebaka leo e reng ha tsoseletso efe e fihla, o sitoang ho e sala morao ka tsoseletso e 'ngoe. Mokhatlo o mong le o mong o kileng oa hlophisa, o shoella setšeng 'me ha o boele o tsoha, hobane o futsoela lefatše le litsamaiso tsa oona, ha o eso khone ke hona. Ha ho nalane e supang kereke efe, e kileng ea hlophisa, e kile ea tsoha hape. E sholetse mono. Hobaneng? Le a e nyalisa.

¹¹⁵ U se ke oa hloma bishopo holim'a eona. Lumella Moea o Halalelang ho e okamela. Le a bona? Moea o Halalelang o rometsoe ho fothola mahola le lintho; e sang seo mobishopo a se nahantan, kapa baokameli, le joalo-joialo. E qosa Moea o Halalelang ho baballa kereke eo maemong a eona. E ne e le Lentsoe le phethahetseng leo, joalokaha re tla bona.

¹¹⁶ Adama o bile le khetho ea hae, Lentsoe ho phela, kapa ho se lumele Lentsoe le le leng le ho shoa.

¹¹⁷ Le rōna re fuoe khetho eo, hoba re tlameha joalo. Eféla ha Molimo o behile Adama holim'a Lentsoe, 'me Lentsoe le inotši, ebe O re beha holim'a tumeloana kapa tumeloana ea mofuta ofe, ekabeba Molimo o hlokile tōka kahlolong ea Oona, ketso eo e rona khalalelo ea Oona le boithatelo ba Oona. Empa ke tšoanelo boithatelong ba Oona ho hlokomela hore O beha motho e mong le e mong motheong o tšoanang. 'Me Ke Molimo 'me ha o fetoh. Seo Molimo o se etsang pele, O se etsa le kamehla. Ha O fetole lenaneo la Oona—la Oona le ka mohla. Ntho feela, O a le holisa, empa ha O le fetole le ka mohla. Ntho eona eo e tsoelapele.

¹¹⁸ Joale, Adama o fuoe khetho. 'Me eféla ha a tiisetza Lentsoe, o phetse. Eféla ha a sa tiisetse Lentsoe, o shoele.

¹¹⁹ 'Me le rōna re fumana hona hoo. Ha re tiisetza Lentsoe, re a phela. "Motho o tla phela ke Lentsoe le leng le le leng." Empa ha re sa etse hoo, re a shoa, re shoa ka moea. Oh, re ka tsoelapele ra hloliea, ehlile, ho rahaka, le ho hlaba litlatse le ho itšoara joalo, empa, hoo, ha se—ha se ho hona ho phela. Hoo ha se hona ho phela. 'Na ke moromuo. Ke utloile bahetene ba rahaka ba hlaba litlatse le ho re feta, athe ba ipoletse ba tseba melimo, le lintho tse

kang tseo. Ha ba phele. “Ba shoele leha ba ntse ba phela.” Bibele e itsalo. Joale re fihlela re fuoe khetho ena.

¹²⁰ Empa o ile a qekana le lentsoe le le leng la Satane, eaba o a shoa.

¹²¹ 'Me eféla, qalong, etsoe Molimo mohaung le lerekong la Oona o ka be o iphapantse matšoanyeho ohle ao re a utloileng, mafu ana ohle a maseanyana, le sohle, le lintoa, le lintho tse kahare, le lithakhiso, le lintho tseo re fetileng ho tsona; hola Oa iphapanya tsona, boithatelo ba Oona ba Lentsoe la Oona bo ne bo tla O lumella ho iphapanya eona, ekabeba ha O a sebetsa ka tōka hola Oa se ke oa iphapanya eona mohlang oo. Le a e tšoara na? O ke ke oa iphapanya. Ha O a e iphapanya eona ho Adama, le ho qala. 'Me O ke ke oa oa iphapanya eona ho 'na le uena, le ho qala. Re tšoanelia ho fihla ho eona, Lentsoe le inotši. "Lentsoe la motho e mong le e mong e be leshano, la ka ke 'nete," O boletse.

¹²² Joale re shebana le letsatsi leo re phelang ho lona feela, nako ea kotulo.

¹²³ Ebile Molimo, hoba Adama a tlore (ho lekoa ka Lentsoe, le ho tlola), Molimo o ile oa tsoelapele, tlholong ea Oona, ho leka ho fumana monna ea tlang ho phela Lentsoe le leng le le leng. Joale shebang. O ile a leka ho fumana monna, ke ho re, ho phela Lentsoe la mongoaha oa hae. Joale, le a bona, Molimo o ile oa qhalanya Lentsoe la Oona, hoba O ne o ka khona.

¹²⁴ Oona, Ke mohlokaphello, 'me Ke—Ke motlalahohle. Motsebatsohle, ka hona O tseba lintho tsohle. O ke ke oa ba hohle. Ka ho tsebatsohle, ho tseba lintho tsohle, O ka ba hohle ke hona. Hobane, O re rerapele ka tsela eo, ka boitsebelopele, e seng hoba O lakalitse ha motho *enoa* a ka bolokeha le *enoa* a timela. Empa O tsebile ea tlang ho timela le ea tlang ho bolokeha. Le a bona? Ka baka leo, ka boitsebelopele ba Oona, O ka rerapele. 'Me O hlophisa lintho tsohle ho sebeletsa khanya ea Oona. Ke seo litholoana tsa Oona li se etsang, ho pepesa nqa khanya ea Oona. Khoabi e 'ngoe ke e hlomphuoang le e 'ngoe e sa hlomphuoeng, empa ke Molimo o etsang hoo. "Ha se ea batlang leha e le ea mathang, empa ke Molimo o hauhelang." Le a bona?

¹²⁵ "Ha ho ea ka tlang ho 'Na," ho boletse Jesu, "a sa huloe ke Ntate oa Ka. 'Me bohle bao Ntate a," lekhatile-le-fetile, "'Neileng bona, ba tla tla ho 'Na, Lentsoeng." Ebe ba ka tla joang haese ha ba, bohle bao, ba reriloepele ho tla? "Ba Mo amohetseng, O ba neile matla a ho ba bara ba Molimo." Le a bona, hoba mabitso a bona a ne a le Bukeng, O tlide ho lopolla ba neng ba le Bukeng.

¹²⁶ Ho Tšenolo, re a fumana, ha Litiiso li manolloa, Buka e ne e le eo. 'Me Ea lutseng Teroneng, Molimo, o E tšoere letsohong le letona la Oona. 'Me ho se letho, ho se e mong, Leholumōng leha e le lefatšeng, leha e le kae, ea nang le tōkelo ho tla nka Buka, leha

e le ho E talima. Johanne a lla habohloko . . . hoba e ne e le Buka eohle ea topoollo.

¹²⁷ Kōpanong bosiu bo bong, moena le khaitseli bao ba Assembly of God ba binne sefela seo, “Ke ipotsa haeba Johanne a mpone mohla a boneng lichaba tsohle li phuthehile. Na le ‘na o mpone?’ Ehlide, bo, haeba lebitso la hao le ne le le Bukeng eo. ’Me eitseha . . .”

¹²⁸ Lebitso la Johanne le ne le le holim’ a eona, hape, a lla kaha ho sa fumanoa e mong ea ka E amang. Eaba ho fihla e mong oa baholo ea itseng, “Se lle, Johanne, hobane Tau ea leloko la Juda e hlotse.”

¹²⁹ ’Me Johanne a qamaka ho fumana e—e tau, ’me Konyana ea hlaha motšeо koana ho masira, Konyana e hlabiloeng esale le pele ho theoa lefatše. Eaba o bona ho tsoa Konyana e mali, Ea tla ea nka Buka letsohong le letona la Eo, le ho bitsa sohle se Bukeng eo. Ke Buka e tletseng ea topoollo. ’Me Ke ena. Buka ea topoollo, O lopolotse sohle se Bukeng eo, e seng kantle ho Buka. Sohle se qalileng se na le qetello. Empa ha u ruile Bophelo Bosafeleng, ha u a qala le ka mohla ’me u ke ke oa fella, hoba le bara le barali ba Molimo, litholoana tsa mehopolo ea Oona le Lentsoe la Oona. Ha u na qetello ea Bophelo, ha lebitso la hao le ngotsoe Bukeng eo. Konyana e tlela ho E lopolla. Ha se bohole ba ipolelang “Bakreste,” ha se bohole ba lekang ho phela ka ho lōka le ka khalalelo; empa bao mabitso a bona a ngotsoeng mono, O lopolotse seo, bao feela, bao mabitso a bona a neng a le Bukeng.

¹³⁰ Joale re fihlela Satane a hlahisitse tlolo ea Adama, ka lentsoe le le leng leo. ’Me Molimo oa ntoo tsoelapele joale, tlhahong ea Oona, ho leka ho fumana monna a le mong ea ka phelang ka Lentsoe le leng le le leng. Monna oa Oona oa pele o hlollehile. ’Me monna enoa o ne a tla phela nako ea hae, mongoaha oa hae oo a phetseng ho ona.

¹³¹ Joale, le a bona, Molimo o porofetile mengoaha e fapaneng ho tloha tšimolohong, e neng e tla hlaha e theoha kaofela. Lebaka leo O nong o ka bolela qetello esale qalong, hobane O tsebile lintho tsohle. O entse lintho tsohle ka Jesu Kreste, le sebakeng sa Hae, le bakeng sa khahleho ea Oona ka Seqo. Lemohang ka hloko joale. Le se fose sena.

¹³² Hola Moshe a fihla a hlahisa molaetsa oa Nohe? O ka be o sa sebetsa. Lekhale. Che.

¹³³ Hola Jesu a fihla a hlahisa molaetsa oa Moshe? O ka be o sa sebetsa.

¹³⁴ Hola ra fihla, re ntse re leka ho hlahisa molaetsa oa Methodise, molaetsa oa Baptise, kapa molaetsa oa Pentekosta? O ke ke oa sebetsa. Li ne li lōkile; e tla pakoa motsotsong, ka Lentsoe. E ne e itōketse ka botlalo mongoaheng oa bona. Mongoaha oo o fetile. Re tšoanela ho fumana seo Lengolo le se

buang bakeng sa kajeno. Letsatsing lena, ke sona seo motho a tlamehang ho phela ka sona bakeng sa mongoaha oa hae.

O ile oa leka ho fumana monna ea ka phelang Lentsoe lohle.

¹³⁵ Ntho ea pele A e entseng, O lekile Nohe. Nohe a Mo siteloa; a tahoaa, a hlolleha.

¹³⁶ Moshe, mosebetsi o moholo oo oa Molimo o tsoileng matsoho, Oa mo leka eaba o a hlolleha. A itlotlisa, a haneloa ho kena lefatšeng la pallo.

¹³⁷ Ha ntso fihla Davida, A tla halimisa ling tsa Oona—Oona . . . Lilemo tse Sekete tse khōlō, ka ho Davida, 'me A tla bontša seo Khosi ea Oona e neng e le sona. 'Me Molimo o hlapantse ka Davida, ha thoe o tla hlahisa . . . ho hlahisa Mora oa Oona ho lula teroneng ea hae. 'Me Davida ea eba monna oa senatla, ho fihlela, "e le monna ea pelōng ea Molimo ka Seqo." 'Me Davida a ntse a sebetsa ho lōka. A falatsa Baflista a ba a heletsa lialetare, a tiiselitse Lentsoe. 'Me, qetellong, a phothonngoa ke mosali ea khahlehang, a tlola molao, a lahleheloa ke Lentsoe, a feba. Le a bona? Monna ea pelōng ea Oona ka Seqo, le a bona, le joale Davida a Mo siteloa.

¹³⁸ Moshe o Mo sitetsoe, ba bang bohole ba Mo sitetse, feela maphelo a bona bohole e ne e le khalimiso ea eo Ea neng a tla tla.

¹³⁹ Bukeng ea Tšenolo, eo ke ntseng ke e ngola, monna ea ntseng a fetolela kapa a hlophisa gramma . . . Gramma ea ka e a hlehla, ke thotse e—moithuti oa sekolo ho e hlophisetsa gramma, ho qhoaela mareo le mareelloa 'moho. Etsoe, ke sa tsebe phapang ea lereo le lereelloa. Empa, empa eéna o bokhoni, o ntse a qhanela tsohle . . . Ke a tseba, sohle seo ke se tsebang, Molimo o mphā Eona ke ntso E ngola fatše, le a bona. 'Me, bao, ba tlameha ho e qhaneha tjena etlereha e kena likolong le linthong, ba—ba tseba ho e bala ka kutloisiso ea bona. Ebile mongoli o re ho 'na, eona gramma, monna ea e hlophisang gramma, o itse ho 'na, a re, "Empa, Moena Branham, re fihlela mongoaheng oa kereke ea Pergame . . . Hoo, Jesu o boletse mona, 'ea hlolang, Ke tla mo neha Naleli ea Meso.' Ho mo neha Naleli ea Meso?" A re, "Joale a ka fuoa Naleli ea Meso joang, athe Jesu o itlalehile, ka Seqo, o itse Ke Naleli ea Meso?"

¹⁴⁰ Le a bona, lipeō tseo tsohle tsa Abrahama li halimisoa ke linaleli. Li fapanie e 'ngoe ho e 'ngoe, 'me bohole re tla ba hosele e mong ho e mong. 'Me Jesu ke Naleli eo ea Meso, e khanyang ho li fetisa tsohle. Empa re Mo fihlela, ho Tšenolo 1, a tšoere linaleli tse supileng letsohong la Hae. O a e toloka, ho itsoe, "Linaleli tse supileng tsena ke mangeloai a supileng a likereke tse supileng, kapa mengoaha e supileng ea kereke e tlang ho latéla."

¹⁴¹ Eaba o re, "Ho ka ba joalo joang ke hona, haeba ba fumane Naleli ea Meso?"

¹⁴² Ka re, “Linaleli tse letsohong la Oona ke linaleli tsa khalimiso e tsoang ho Naleli ea Meso feela, le a bona, hobane moromuooa oa letsatsi leo o ne a tšoere Lentsoe.” ’Me Ke Lentsoe; a tšoere karoloana ea letsatsi leo. ’Me batho ba ikemiselseng ho sirōha litsamaiso tsa lefatše le lintho tsa lefatše, le ho tsamaea le Eéna, ba bona khalimiso ea Naleli ea Meso ka moromuooa oa mongoaha oo. Joalokaha A sebelitse ka Nohe le Moshe, le joalojoalo, joalokaha A halimisitse Testamente ea Khale, qetellong bohle ba finyella ho a le Mong eo. ’Me ho tla ba joalo qetellong ea mongoaha ea kereke, sohle se tla khutla se boele ho Jesu, hore Ke Lentsoe.

¹⁴³ Rōna joaloka Bakreste re halimisa Eéna feela. Khoeli e halimisa letsatsi feela, ha le liketse. ’Me molumeli o halimisa Mora Molimo, ha Mora Molimo a nyametse. Ke Leseli la Bibebe, Mangolo, a nétefatsoang maphelong a rōna, Lentsoe le khantšang Leseli lefifing. Le likandelare tse behiloeng leralleng. Leo ha se letsatsi; ke kandelare. Kandelare e tlatsa litulo tsa letsatsi, e bontša karoloana eikhethileng feela ea leseli. Re bana ba Molimo, re bara le barali ba Molimo, ba tšetsoeng karoloana ea Moea. O ne a sa O tšelloa ka karoloana. Rōna re naleli tse phatsimang, bohle ’moho re chabisetsa lefatše Leseli, empa eéna Ke Mora ea feletseng ea halimisetsang naleli e ’ngoe le e ’ngoe Leseli. Alleluia! Ke lumela ho Eéna. Molimo thusa ho se lumele ha ka!

¹⁴⁴ Qetellong, ha fihla enoa Ea phethehileng. Joale, O fihlile eaba o lekoa khutloaneng se seng le se seng joaloka rōna. Bibebe e Mo tlalehile joalo. O lekiloe joaloka Nohe. O lekiloe joaloka Moshe. O lekiloe joaloka ba bang bohle. Hola re fumane nako ho e qhaqholla ho le bontša, empa ha re na eona, kaha ke sa batle ho minya nako ea lōna hakaalo. Empa, ho e qhaqholla ho le bontša, O lekiloe ka ho tšoana.

¹⁴⁵ Satane ha a fetole maqiti a hae, le Molimo ha o etse joalo, haese ho fetola mongoaha feela. Empa seo... Satane o fihlile morao mono, lelapeng la pele la Molimo, lefatšeng. Ke ena moena, khaitseli. Le se ke la fosa ho e tšoara. Ebe Satane o qhaulitse lelapa la pele joang? O ne a ka sitoa ho le pshatla ka tsela eseles haese ho etsa hore Lentsoe leo le robjoe, hobane Lentsoe leo le ne le ba hahetse qhobosheane. Hola feela a ka cheka sesene se le seng!

¹⁴⁶ O qhaulitse kereke e ’ngoe le e ’ngoe joalo mongoaheng o mong le o mong, ho qhautsa molumeli e mong le e mong, ka ho hotolla sesene seo feela. “Be, ke—ke lumela Bibebe e lōkile, empa ha ke lumela seo.” Oh, ke oe a tloha. Ho hobe haholo, empa ke eo a tloha.

“Lentsoe le leng le le leng le tsoang molomong oa Molimo!”

¹⁴⁷ Joale le patise taba ena ka kelohloko joale. Joale eaba Eo qetellong, enoa Ea neng a tla fihla, o ile a fihla a tlameha ho lekoa

hantle feela joalokaha ba bang bohole ba lekiloe. Joale lemohang kamoo Satane a hlophollang lihlaseloa tsa hae ka ho tsoteha, ka ho tšoana feela nako le nako. Joale o lekile ho Mo tekela bohobe ba tlhaho, joalokaha a entse ho Eva. “Ha u ka ja *sena*, oa nka *sena*,” kapa ntho eseles, o e khonne.

¹⁴⁸ ‘Me o sebetsa mokhatlo o mong le o mong joalo, o sebetsa motho ka bomong joalo, o leka ho u tekela lintho tsa tlhaho tseo u ka li talimang.’ ‘Me ke hona ho u khelosa! “Be, sheba kereke e khōlō ena! Khele, ba hlahletse limilione ho eona! Kereke ea rōna ke e khōlōhali motseng. Be, ea rōna, ramotse o kena kereke ea rōna. Bona seo sohle! Molisa oa rōna o tšoere e—e digarata tsa D.D., L.D., Ph.D! Seo, be, seo, be, e tlameha e be e le monna ea masene.” Moprista oa Katolike a ka fihla a mo rothofatsa, nako efe, ka ligarata tsa hae. O tšoanelo ha tseba libuka tse mashome a tšeletseng le ho hong habohloko hakaalo kaha le tseba Bibele, ho apesoa ligarata ho hlongoa moprista, se lekeng ho bapisa lithuto ke hona.

¹⁴⁹ Le lefatše le joalo, le leka ho tšoantsisa kamehla. Le se ke la tšoantsisa le lintho tsa lefatše. Le se ke la tšoantsisa le likereke. Tšoantsisa le Bibele! Ke seo re se etsang kajeno. Ke bona bothata ba rōna likereke tsa Pentekosta. Ke bona bothata ba lik’hotete tsa rōna le ’mino, le joalo-joalo, tseo re li fumanang, re leka ho ipapisa le Hollywood. Hollywood e a phatsima; Evangelii e a khanya. Phapang e khōlō lipakeng tsa ho phatsima le ho khanya. Le a bona? Hollywood e phatsima ka liaparo, boRicky le boRicketta, le boricochet. Empa Molimo ka boikokobetso o khanya ka boikokobetso ba molumeli, ho sa tsotelehe o haelloa ke temoho hakae. O khanya ka boikokobetso, ha se ho phatsima ka Hollywood.

¹⁵⁰ Lemohang, o lekile maqiti a hae a khaleng ho Jesu, o entse hona hoo ho Moshe, le ba bang bohole o ba sebelitse joalo. O e lekile. O tla e leka holim’ a hao, ho u amohelisa nthohali e khōlō e shebehang e phatsima.

¹⁵¹ E nkhopotsa mehleng ha ke sa tsoma k’huni, lirak’huni. Ke ne ke inkela e . . . Papa, ntate oa ka, o ne a sebelisa koae. Ha ke tsebe haeba le tseba liphephecana tseo tsa khale tse neng li manehoa holim’ a koae e tšophiloeng. Ke li nke, ke inkelle sekooqo sa khale ke se phunye lesoba, hantle tikolohong ea letša moo k’huni e nanarang teng. ‘Me ke phunye lesoba mono, ke subele sephephhecana sena sa koae mono. Ke khokhothele lipekere, ka ho tšekalla ka tsela *ena*. ‘Me ka tloaelo k’huni e phamola ntho e phatsimang. ‘Me ha khoeli e chaba, e mathela nqa eo, e sheba morao mono, e sunya letsogo ka mono ho e phamola. ‘Me ha e tlohele le ka mohla.

¹⁵² Li joalo litho tse ling tsa kereke. Esita leha a itseba a tšoasitsoe, ha a e tlohele. “Ha nka etsa, ba tla nteleka

mokhgatlong.” Ke lona lefu la hae, ke phetho. Ke hantle. Lemoha. Ke eo o a e tiisetsa, ha a e tlohele.

¹⁵³ Joale Satane o lekile maqiti a hae ho Jesu, ao a lekileng ho ba bang bohole. A leka ho Mo jesa ntho e hosele le Bohobe Lentsoe la pallo. Hoba, Jesu o itse, “Ho ngoliloe, ‘Motho a ke ke a phela ka bohobe feela.’” Le a bona? A leka hore A mo mamele. Leha e bonahetse e lōkile haholo, O bonahetse a ka Iphepa, ‘me A ka be a khonne. U na le . . .

¹⁵⁴ U ka itšoara ka tsela efe ea boithatelo ba hao, le uena. U ka Le amohela kapa oa Le tlohela, sefe seo u se batlang. Holane k’huni eo e le kelello e lekaneng feela, oh, ho kopetsa letsoho la eona, e ka boela ea le ’ntsā; empa e ke ke ea khona, e tiisetsa mono feela. Le Bakreste ba bangata ba lipolelo tsa molomo ba etsa joalo, le bona. Ha ba batle ho utloa letho ka Lona, ha ba batle ho tla tla Le utloa. Ha ba batle letho ka Lona. Tsoelapele o e tiisetse, le a bona, u tla fumana se etsahalang.

¹⁵⁵ Joale lemohang, ba lekile ho Mo jesa ntho e hosele le Bohobe ba Bophelo boo mang le mang a tlamehang ho phela ka bona. Empa Jesu a tiisetsa Lentsoe la Ntate. Oh, o ne a sa otla Eva lekhatheng leo, a sa otla Moshe, a sa otla mang feela oa bona. O ne a otile Ea neng a tla halimisa Lentsoe ka leng. Le a bona, Eéna, ke lona lebaka, E ne e le Lentsoe. Empa Jesu a tiisetsa Lentsoe, a hanela thuto ea hae ea boiphihlelo ba thutabomolimo ea seminari, e, monghali, leseli la hae le lecha, boiphihlelo ba hae bo bongata. Ha a khona ho e thesemetsa holim’ a Jesu joalokaha a e susumelitse ho Eva, ho ’montša, “Oh, ruri, Molimo . . .”

¹⁵⁶ “Oh, ruri, Molimo o ka e teela hare holane ra phutheha ‘moho ra bopa Mokhatlo oa Lefatše lohle oa kereke. Ruri, Molimo o ka khona. O batla bonngoe ‘me O batla boena.” Le Eéna ‘moho, e seng le lefatše; boena le eéna ka Seqo, ho khumamela Eéna. Ke sona seo A se shoetseng, le tle le Mo khumamele. Joale le kamehla, haeba a sa khone ho finyella . . .

Joale re mo fihlela a hlolehile. Jesu o khutletse ho eéna hape, ka HO RIALO MORENA.

¹⁵⁷ Joale ha a bona hore molumeli . . . Le shebe molumeli ha a kena ka mekhahlelo eona eo e tšoanang joale, e mong le e mong oa lōna. Ha a bona (eena) hore u tlil’o tsepama le Bibele, “Yaa, ke lumela Bibele. Ha nka ke ka iketsa setlama le tumeloana le ntho e kantle mane. Ke tla tiisetsa Bibele.” ‘Me, joalo le kamehla, haeba a sa khone hore u lumele, ho—ho phela ‘Nete ea makoma le ho lumela Lentsoe, ke batla le lemohe seo a se entseng ho Jesu, khetlong labobeli, haeba a sitoa ho u fumana. Ho re, “Ha ke iketse setlama le tumeloana. Nke ke ka etsa hoo. ’Na, ke tsoetsoe ke lokolohile, ke tla Le tiisetsa. Ke tla etsa *sena, sane*, kapa se *seng*.” Le a bona, “ho iteanya le kereke,” le “tloo u iteanye,” le ntho e itseng esele; a sa khone ho u etsisa seo, u tla u sebetsa ka ntho e ’ngoe esele. Oh, moena, sheba sena.

¹⁵⁸ Haeba a sa etse, u tla u romela seminaring ea hae, ho ea rutoa ke baithuti ba hae ba thutabomolimo, le a bona, moo Satane e leng toloko. “Oh, matsatsi a mehlolo a fetile. Batho bao tlase mane, ke fumana... be, ke seholpha sa bakhelohi. Bao, ha se bona, le a bona.” O tla u romela mono.

¹⁵⁹ Oh, u ka re, “Bea butle motsotso, Moena Branham! Motsotso feela joale!” Yaa, ha re beeng butle motsotso feela, le a bona. Joale u re, “Na ha u sa tlamehile joalo? Na ha re a tlameha joalo?” Che, monghali. Che, monghali.

¹⁶⁰ Empa Jesu o itse, “Mohl Ea Moea oa ’Nete a tileng, le a bona, O tla tlisa lintho tsena tseo Ke le rutileng tsona, ho le hopotsa, Lentsoe. ’Me O tla le bontša lintho tse tlang ho tla.” Joake ke eo Kereke e tletseng Moea kannete, e tiisetsang Lentsoe, ho halimisa Lentsoe, Molimo holim’ a lefatše. Le a bona? Ha a hloke moithuti oa thutabomolimo, hobane Lentsoe la Oona ha le a itlela ka ho itlhalosetsa ha motho. O toloka Lentsoe la Oona ka Sebele, ka ho Le nétefatsa le ho Le kholisa, Ke ’Nete.

¹⁶¹ Ha kereke ea Methodise e le boleletse le ke ke la amohela Moea o Halalelang joaloka bao ka Letsatsi la Pentekosta, na le ile la e nkela hloohong? Che lekhale. Le ile la tsoelapele hantle la amohela Moea o Halalelang, le hona. Le a bona? Hobane e . . .

¹⁶² Ke ne ke qoqa ka—ka botrintase le e—e moreri oa Baptise, bosiu bo bong, ’me ka ’molella hore eo ke polelo feela. ’Me ka hona ra fumana, a re, moreri e mong mono ea tsoang seminaring, a re, “Empa, Mohlomphehi Branham, u leka hore batho ba lumele borapeli ba boapostola.”

Ka re, “Ruri, bona feela bo leng teng.”

’Me a re, “Monghali, u kene sekolo kae?”

¹⁶³ Ka re, “Mangoleng a ka, moena oa ka. E seng ho . . . U a bona, ke hona moo ke fumaneng, e seng thutabomolimo, empa thutamangole.” Ka re, “Ke Mo fumane hona teng.”

¹⁶⁴ ’Me o itse, “Mohlomphehi Branham, kolobetso ea Moea o Halalelang, joalokaha ba o fumane ka Letsatsi la Pentekosta, u leka ho e tlaleha e baletsoe kajeno?”

¹⁶⁵ Ka re, “Bibele e boletse, monghali, ha thoe . . . Jesu Kreste ke oa maobane, kajeno, le kamehla.” Ka re, “Ke Jesu Kreste ea tileng ka Letsatsi la Pentekosta.” Oh, yaa.

¹⁶⁶ Che, esale Eéna! “Ho se ho se hokae, Ke tla rapela Ntate, O tla le romela moemeli e mong, e leng Moea o Halalelang. Ho se ho se hokae ’me lefatše ha le sa tla Mpona, ’Na le ka mohla; feela lóna le tla Mpona, hoba Ke tla ba le lona, le ka ho lona, ho isa bofelong, getellong ea lefatše.”

¹⁶⁷ Ka re, “Yaa, ke Eéna ea tileng ka Letsatsi la Pentekosta. E, monghali. O tlide, ho phela ka ho bona, lemohang, ka sebopoho sa motho eo Moea o Halalelang, Jesu Kreste ka motho eo oa Moea o Halalelang, kamoo re utloisisang BoMolimo.”

¹⁶⁸ Joale lemoha, Satane o ne a sa hloke thutabomolimo ea hae, thutabomolimo. Monna enoa o mpoleletse, ho re, "Mohlomphehi Branham," a re, "ke batla u utloisise, ke tsoa sekolong se itseng, teng re a koelisoa."

Ka re, "Ke utloa lenaneo la hao, ka linako tsohle." Le a bona?

A re, "Re koetlisitsoe mono." Ho re, "Kolobetso ea bona ea Moea o Halalelang e ne e baletsoe barutuoa ba inotši."

¹⁶⁹ Ka re, "Bibele e tlalehile ba 'lekholo le mashome a mabeli' phaposing e kaholimō." Me ka re, "Joale ho népile mang, uena kapa Lentsoe?"

¹⁷⁰ 'Me ka re, "'Me hape, ebile, mohla Filipi a theohileng ho ea borella Basamaria, 'me o ba kolobelitse ka Lebitso la Jesu Kreste, feela Moea o Halalelang o eso theohele holim'a bona, hoba Petrose o ne a tšoere linotlolo. Eaba o romela Jerusalema ho lata Petrose, ea theohileng a ba beha matsoho, eaba Moea o Halalelang o theohela holim'a bona. Bibele e itse, 'Moea o Halalelang!'"

¹⁷¹ Ka re, "Eaba Petrose, ka pono, a tšoere linotlolo, o nyolohela tlung ea Kornele, Liketso 10, mashomenne-robong... 'Eare a sa bolela mantsoe ana, Moea o Halalelang oa theohela holim'a bona. Hoba ba ba utloile ba bua maleme, le—le—le ho porofeta, ba tlotlisa Molimo. Eaba Petrose o re, ana re ka hanelia metsi, hore bana ba se ke ba kolobetsoa, haele moo ba amohetse Moea o Halalelang joaloka rōna tšimolohong? A ntoo ba laela ho kolobeletsoa ka Lebitso la Jesu Kreste.'

¹⁷² "Re a fumana, lilemo tse mashome a mararō hamorao, Pauluse a haola linaha tse holimō tsa Efese, a fihlela batho ba Baptise ba tšoere tsoseletso e khōlō. Ho etsoa lintho tse khōlō. Ba hooeletsa, ba roris Morena. Eaba Pauluse o etela kerekē mohla ho etileng batho ba batile ho ba mashome a mabeli, teng Akila le Prisilla ba le kōpanong; moo Apolose, leqoetha le sokolohileng, le ntseng le kholisa ka Bibele hore Jesu e ne e le Kreste. 'Me ba nyakaletse, kōpanong e khōlō. Pauluse ha a feta, a feta le moo hoba a... Morena a se a mo lokolotse chankaneng; ka ho leleka moea, motemona ho senohe. Eaba o nyolohela moo, mosebetsing oa Morena, a tloha ho ea utloa kōpano. 'Me o itse, 'Monna enoa ke monna e moholo, ke hantle, empa,' ho re, 'na le amohetse Moea o Halalelang ho tloha le lumetse?' A lumetse hore le O amohetse mohla le lumelang. Empa o itse, 'Na le amohetse Moea o Halalelang ho tloha le lumetse?' A re, 'Ha re tsebe hoba Moea o Halalelang o teng.'

¹⁷³ "Hore, 'Athe le kolobeletsoe ho eng?' E ne e le potso. A re, 'Re kolobeletsoe, monna ea kolobelitseng Jesu: Johanne. Re kolobeletsoe kolobetsong ea Johanne.' Le a bona? A re, 'Johanne o kolobeletse pakong feela, e seng tšoarelong ea libe.' Johanne... hoba Konyana e ne eso hlabjoe le joale. A re, 'Johanne o kolobeletse pakong, a re le lumele ho Ea tlang, ho Jesu

Kreste.' 'Hoba ba utloe sena, ba kolobeletsoa ka Lebitso la Jesu Kreste. Pauluse a ba beha matsoho, 'me Moea o Halalelang oa theohela holim'a bona, ba porofeta ba bua ka maleme,' lilemo tse mashome a mararō hamorao."

'Me ka re, "Kathoko ho moo, na u lumela Bibele?"

A re, "Ehlile."

¹⁷⁴ Ka re, "Petrose, ka Letsatsi la Pentekosta, hoba taba ena e tsebjoe kahohle, 'me bohole ba ne ba hlaba littlatse ba rorisa Molimo, ba re, 'Lōna banna le banabesō, re tla etsa joang ho bolokeha?' Petrose a re, 'Bakang, e mong le e mong oa lōna, le kolobeletsoe ka Lebitso la Jesu Kreste tšoareleng ea libe, 'me le tla nka neo ea Moea o Halalelang, hoba pallo e etselitsoe lōna le bana ba lōna, le ba leng hole kaofela, bao Morena Molimo oa rōna a tlāng ho ba bitsa.' Maholimō le lefatše li tla feta, empa Lentsoe leo le ke ke la hlolleha!"

¹⁷⁵ Lōna mapentekosta ha le a ka la tsotella Methodise, Baptise, leha e le Presbeteriene. La tseba hobane Hoo ho baletsoe moloko o mong le o mong, 'me la hatella ho Eona ka matla. Ruri. Joale, le se phetse ho hatella hantle mono, se phetse ho 'na u hatella, le a bona.

¹⁷⁶ Ke hona moo Mamethodise ba entseng phoso ea bona, ba ile ba hatella ho kena khalaletsong ba ntoo khaotsa. Lutherane ea hatella ho kena tokafatsong ea ntoo khaotsa. Le a bona, ea ntoo hlophisa, ea shoela mono. Ke qetello ea eona. Ke ho fela ha eona.

¹⁷⁷ Le shebelle joale ha re potlaka re pholletsä. "Mohla Moea oa 'Nete a tileng, O tla le ruta lintho tsohle, sohle seo Ke le rutileng sona," oh, banna, "ho le hopotsa tsohle, seo Ke le boleletseng sona, ho le tlisetra sona, mohopolo ohle. 'Me O tla le bontša lintho tse tlāng ho tla. O tla nétefatsa Lentsoe le leng le le leng, ho thasisetsa Lentsoe ka lipontšo tse latetseng." Sohle seo A se tšepisitseng, seo Molimo o se tšepisitseng ka Bibeleng, ha u ka tela tumeloana eohle le sohle sesele, le ho itšoarella ka Lentsoe, Molimo o tlameha ho hlokomela Lentsoe la Oona. 'Me hoba ba etse sena, Lentsoe le a Inétefatsa.

¹⁷⁸ Ha A hloke motho ea reng, "Be, matsatsi a mehlolo a fetile."

¹⁷⁹ Ke monna ofe ea ka reng ho 'na matsatsi a mehlolo a fetile, athe ke na be ke foufetse? Alleluia. Ke na be ke robetse moo lingaka li mpalang metsotsi e merarō ho phela, 'me kajeno ke a phela. Ebe ba ka mpolella ntho e fapaneng joang? Khetlo le leng setho se fofo sa kereke, joale ho tlatsoa ka Moea o Halalelang. Molimo ha o hloke toloko ea letho. Moea ka Seqo, e leng Lentsoe, o e toloka e le 'Nete. Motho ea ka itetang sefuba ho ema le ho Le nka. Ke toloko ea Oona ka Seqo. Ak'o Mo leke khetlo le leng, u fumane haese 'nête na. Se tsotelle seo mang a se buileng. Etsa seo Molimo o se boletseng ho etsoa.

¹⁸⁰ “Be,” u re, “ke tla etsa *sena*.” Be, ho ka thoeng ka le leng, Lentsoe le leng le le leng? Lentsoe le le leng le khaola lehlaahlela.

¹⁸¹ Likereke li hloleha mono kamehla, hantle ho lehlaahlela leo. Ba e hlophisa ba teanya ntho eo, ba bopa mokhahali oa bolumeli. Banna bana ba teana, Ntate Mohalaleli *Sekete-kete* le Ngaka Bishopo *Sekete-kete*. ’Me sa pele seo u se fumanang ke sefe? Ke moo. U shoela mono hantle. Re tla e kholisa ka tlhaho le ka Lentsoe, ha Morena a ratile, metsotsong e ’maloa. Ke hantle.

¹⁸² “Ho hopotsa.” O nétefatsa Lentsoe le leng le le leng, ’me re phela ka Lona. Alleluia! Ho phela ka Lona! “Motho o tla phela ka Lentsoe le leng le le leng, Lentsoe le leng le le leng le nétefalistsoeng.” Jesu o itse, “Mehlolo e tla tsamaea le ba lumelang ke eona ena. E tla latela ba lumelang!” Le tšoare; Molimo o a Le nétefatsa, hore Ke ’Nete.

¹⁸³ Moo, liseminarí le baithuti ba thutabomolimo, ba bululetsoeng ke Satane, ho thoe, “U ke ke oa Le tšepa. Le etselitsoe baapostola. Matsatsi a fetile. Ntho e joalo ha e fumanoe. E ne e baletsoe baapostola ba inotši, ho kholisa Evangeli mohlang oo. Batho ba rōna ba rutehile kajeno.”

¹⁸⁴ Thuto ea bona mohlang oo e ne e feta eo re e tšoereng joale. Mpolelleng kereke e ka hlahisang se joalo, Sanhedrine eo, athe baholo-holo-holo-holo ba bona eka khona e be baptista, ba ba etileng pele. Lentsoe le le leng le sokameng mono, lengolong leo le mennoeng, kapa, khele, ba—ba ka ba tlepeletsa eona. Ba ne ba tlameha ho tsepama tšetla. Empa ba sitioe ho bona Lefi la Lentsoe mohla Le fihlileng, Bophelo. Lebaka leo ba ahlotssoeng ba bitsoa “basebeletsi ba Satane.”

¹⁸⁵ Le a bona, seo ha se halimise Lentsoe la Molimo, ha moithuti oa seminari a u bolella, “Moea o Halalelang ha o a balloa letsatsi lena. Le lintho tsena, nyee eo eohle ea pholiso ea Khalalelo, e baletsoe letsatsi le leng.” Le a bona, ha se khalimiso e tsoang ho Molimo, ke khalimiso e tsoang e—e tumeloaneng. Ke khalimiso ea thuto e itseng e leng kantle ho Bibebe.

¹⁸⁶ Baheberu 13:8 e itse, “Ke oa maobane, kajeno, le kamehla.” Santa Johanne 14:12, e itse, “Ea lumelang ho ’Na, mesebetsi eo Ke e etsang o tla e etsa.” Joale ebe Lentsoe leo u tla le khenola joang mono, u tla khomathisa letho joang litulong tsa Lona? U khaola lehlaahlela la Bophelo. Motho o phela ka Bohobe feela, Bohobe, o phela ka Bosafeleng ka Bohobe boo. Ka tlhaho, o phela ka bohobe bona. Mahobe a mabeli ke ao. Moea o Halalelang, Moea o Halalelang ka ho uena, o re “amen” Lentsoeng le leng le le leng la Molimo, haeba hoo e le Moea o Halalelang. Joale ke batla ho le botsa taba. Joale karolo e hlabang ke ena.

¹⁸⁷ Bongoaneng ’mé o ne a ’noesa k’hastere oli. ’Me ha ke—ke mamelle monko oa nyee eo, le joale. Le a bona? Re hotse ka bofutsana, me mama o ne a belisa nama ea matlalo a e fala. Re ntoo e isa tlase ha...ho tsoa ho khaitseli ea holileng a bitsoa

Goodwin, a e-na le lebaka tlase mono, a pheha hamo le lintho, le ho e fala. Re nke phoofo, re hlottle mafura ao le nyee re lube bohobe ba rōna ba koro. Phepo ea rōna e fokola, ha ho makatse re ne re atetsoe ke matšao a phepo e tlase, maloetse. Empa 'mé lekhatheng leo, bosiu ba Moqebelo o mong le o mong . . . Re—re sa feptjoe lijo tse lōketseng, a ntoo re noesa bohole mothamohali oa k'hasetere oli. 'Me ke—ke khame nko ea ka ke hoolelitse, ka re, "Mé, e nkulisa haholo." A re, "Ha e sa u kulise, ha e u thuse ka letho." Ka hona, eka tšoha e sebelitse le lebakeng lena. Joale ho tla joang . . .

¹⁸⁸ Ke tla le botsa taba. Monna kapa mosali ea ipolelisang a tletse Moea o Halalelang, e leng Lentsoe (ho joalo na?), 'me u ka ba nama ea Moea o Halalelang oo joang, o u entseng karolo ea Hae, ho halimisa Evangelia mongoaha oa hao, le ho hanela Lentsoe leo A le ngotseng?

¹⁸⁹ Ha ke tsotelle ho lōka ha hao. Khele, nka u isa Afrika, ha e—e Mahotenoto mono, ka le bontša bophelo boo Mokreste a ka sitoang ho bo ama. Esita leha ba ka pitloa bofebeng; ha e mong oa basali, pele a nyaloa, mosetsana, o hlahljoa lipontšo tsa boroetsana pele. Ha a fumanoa molato, o tšoanela ho bolela monna mong'a ketso eo, ba bolaoa ba babeli. Hola e ka hlakisoa United States, ke mang ea ka epelang litopo tsohle, le a bona? Ka hona, ke moo he, le a bona. Athe ke bahetene, na le bona boitšoaro. Le a bona, le ke ke la e hlahloba ka seo. Moena oa rōna oa Moindia mona a ka le phethela joale, ekaba Mahamede a phela betere ho feta kamoo re kileng ra nahana.

¹⁹⁰ Empa ke eng? Lentsoe ke lona le hlahllobang. Bafarisi bao ba ne ba ikokobelitse habeli ho feta Jesu. O phaitse hohle a heletsa likereke tsa bona, a ba kharameletsa kantle, a ba tobolaka a ba ntša, le sohle ka tsela eo.

¹⁹¹ Moprista enoa motsofe oa morapeli, le a tseba, khele, ke mang ea . . . Ha nka epa 'moka khahlano le Eéna, hoseng hona; ha ke re, u etetsoe ke mang mohla u kulang, oa rapelloa? "Moprista eo motsofe oa morapeli." Ke mang ea alimileng papa chelete eo mohla lijalo tsa hae li palileng? "Moprista eo motsofe oa morapeli." Ke mang ea u khethetseng Molimo, bophelong ba tšebeletso? "Moprista eo morapeli oa motsofe." Ke mang, mohla u hlahlletsoeng chankaneng, ea tlileng ho u etela? "Moprista eo morapeli oa motsofe." "Me mohlankana enoa oa molotsana ea bitsoang Jesu, ebe O etsa'ng? O bitsollotse molisa oa lōna "nōha"! Le a bona? Le a bona, ha se ka litholoana.

¹⁹² Ke ka Lentsoe. "Motho a ke ke a phela ka tholoana feela, empa ka Lentsoe le leng le le leng le tsoang molomong oa Molimo."

¹⁹³ 'Me E ne e le Lentsoe leo. Ba sitoa feela ho Le bona. Ke sona seo A neng a tlamehile ho se etsa. Ba sitiloe ho se bona, kaha ba ne ba sa rereloa ho e bona. Ha thoe, "Le ke ke la tla ho 'Na."

Shebang Bajuda bao ba batho, mahlo a bona a ne a foufalitsoe. Ehlide, O e entse. O ba foufalitse, ka Sebele.

¹⁹⁴ Nahana ho ka ba joang ho foufatsoa. Le mpe le lebohe Molimo ka pono ea lōna ea Lengolo. Joale lemohang.

¹⁹⁵ Joale, Eéna, E ne e le Lentsoe lena. Joale, ka mora ho sena, O ile a lekao. Teko ea Jesu. Joale re haola linthong tsena.

¹⁹⁶ Le a bona, ha e halimise Lentsoe ha mang a re, “Be, Hoo ho ne ho baletsoe mongoaha o mong,” hoba Bibele e boletse e le Oa maobane, kajeno, le kamehla. Moea o Halalelang ka ho uena o ka u tlaleha u tlatsitsoe ka Moea o Halalelang joang?

¹⁹⁷ Joale na nka le khopisa nakoana? [Phutheho e re, “Amen.”—Mohl.] Na ho itōketse? Phahamisang matsoho a lōna. Le ke ke la ntlhanyetsa ha ke re? [“Che.”] Ha le e etsa, le tlamehile joalo.

¹⁹⁸ Ho tla joang ha lōna basali, ba pommeng moriri, le re ho ’na le tlatsitsoe ka Moea o Halalelang? Lentsoe le le leng! “Oh, ke buile ka maleme.” Ha e etse phapang ea letho. Ke bone lingaka tsa baloi li bua ka maleme, li toloka, li hlaba litlatse ka moea, ho hobela ka moea.

¹⁹⁹ Uena monna u ka ipitsa hlooho ea lelapa joang, athe u lumella mosali oa hao ho tena lishotso le ho itšoara ka mokhoa oa hae, le ipitsa Bakreste?

²⁰⁰ Lōna balisa le ka tobana le Molimo joang ka ntho e joalo le ka mohla, le sa eme ho e hanel? U ke ke ua ba qophella eona. Empa ha u qala u rera joalo, ha u sa tla ba setho sa seminari nako e telele kapa ho inehanya le sehlopha seo. U tlameha ho tšehetsoa ho tsoa nqa e ’ngoe. Re tla kena ho eona, nakoaneng feela, ha Morena a ratile. Le a bona?

²⁰¹ Empa ke lōna bao. Le ho leka, ha ke a ikemisetsa ho le hlabevisa. Ke a le rata. Ke lona lebaka. Ha—ha u theoha ka noka, ke u bona u tlil’o noela, ekaba ke motho ea soro, ho re, “Be, eba motho ea lōkileng, ratu.” U mpe u ba lemose. Ke hantle. Ba boelle!

²⁰² Joalokaha ke buile bosiu bo bong, ha ke le Mokreste, ke tlameha ho etsoa setlama le qhoku ka ’ngoe ea Bibele. Ka tlameha ho ema le Nohe le ho rera le eéna, matsatsing ao, ho lemosa batho. Ke hantle. Ka na ka tlameha ho ema Thaba Karmeles, ke le mong, le Elia. Ka tlameha ho ema Kalvari, ho thakhisoa le mehopolo ea ka ka sebele, ’moho le Eéna. Empa hape, ke tsohile le Eéna ka Paseka, ka tlholo holim’ a lintho tsohle. Lintho tsohle tsa nama le bolefatše, ho li phahamela, ka ho Eéna.

²⁰³ Lemohang, ha e halimise Lentsoe ke hona, che, ha e Le nétefatse. Joale, empa ha u lumela Lentsoe, Molimo o tla Le nétefatsa, ka Seqo, joalokaha A entse ka Jesu mona.

²⁰⁴ Lentsoe Bohobe kamehla le bolela ho feptjoa. “Me motho a ke ke a phela ka bohobe, joaloka bohobe bona, feela, empa ka Lentsoe le leng le le leng.” Ke lona Lentsoe Bohobe leo, le hopole, bona ke Bohobe bona boo kereke ho haola le mongoaha o mong le o mong e bo jeleng, e ne e le Manna a patiloeng a baletsoeng mohloli a inotši. Tšenolo e itsalo. Joale ha ke na nako ho qhaqholla ntho ena eohle, nka tšoha ke saletsoe ke metsotso e mashome a mararō. Empa, shebang, ha manna a halalelang—ha manna a halalelang a ne a theoha Leholimōng, e beng e le papiso ea Moea o Halalelang. Le tla lumellana le taba eo.

²⁰⁵ Molimo o laetse Moshe ho tsoa le ho a tlatsa homere, ho a beha kahara Sehalalelisiso. Hoba, holane ba sa a kenya Sehalalelisong, a ne a puta. Ho joalo na? A kenoa ke liboko. Joale O itse, “Empa a kenyé Sehalalelisong, ka homere ena, moloko o mong le o mong.” o hlahlamang, kamorao ho boprista boo, enereha monna a behoa moprista, ho sebeletsa ka Lentsoe, ntho ea pele a e phethisang, hoba a hlomamisoe, ke ho kena kahare le ho ngoatha ka seatla se tletseng manna ao a tšimolohong ‘me a je.

²⁰⁶ E ne e le papiso ea Leseli leo le letsohong la Hae, mongoaheng o mocha oa kereke, ho halimisa Leseli la Hae, Manna; ‘me ke monna ea hlotseng ka ho phethehileng feela, monna ea lulang fatše kannete a lahlela sohle kathoko haese Lentsoe. ’Me Lentsoe ke Manna ao. Oh, banna, ke Jesu! “Motho o tla phela ka Lentsoe ka leng le tsoang molomong oa Molimo.” Ao ke Manna a patuoeng a mohloli, oh, a kileng a bolokeloa bofe—bofe, boprista bofe bo latetseng.

²⁰⁷ Likolo tsa thutabomolimo, khale koana, li anantse Ntho e bokoang ena ka pitsa ea moapeho. Ke hantle haholo. E, monghali.

²⁰⁸ Joaloka ha Esau a entse. Joale, Esau, ka boitšoaro, o fetisitse Jakobo, a mpa a sa hlomphe litšoanelo tsa tsoalo ea hae e leng Lentsoe. Ba e tsebang ba bakae, litšoanelo tsa tsoalo e ne e le Lentsoe, pallo, mora oa letsibolo? Empa e le monna ea molemo, monna oa mekhoa, ntho e joalo, oh, joaloka Mokreste oa lipolelo tsa molomo kajeno, monna ea lōkileng. A sa bue leshano. A sa utsoe. A lōkile ho ntate oa hae. O entse lintho tsena tsohle. Empa, le a bona, litšoanelo tsa tsoalo ea hae, o itse ha a li tsotelle. “Li etsa phapang efe? Ke Moiseraele, le hona. Le a bona, ke—ke setho sa eona, leha ho le joalo.” Empa sehlooho e ne e le litšoanelo tsa tsoalo ea hae, le a bona. Ka tlhaho o ne a itōketse, empa a fosahetse ka botlalo ka moea.

²⁰⁹ Ho a tšoana le kajeno, pitsa, ho tsoaka kereke le lefatše, ntho e ‘ngoe ea tsena; meketjana ea bingo, metjeko, le boitšoaro ba mefuta eohle, ka kerekeng; basali ba pommeng moriri, ba tenang lishotso.

Be, u re, “Moena Branham, nthoana eo ke’ng?”

²¹⁰ Ke le leng la Mantsoe, hoba Bibebe e tlalehile mosali a le phoso ho kuta moriri oa hae. Ke hantle. Haeba a etsa, a ka kena joang? Le a bona? Botsa feela, moreri ofe le ofe o tla u bolella Lentsoe le rialo. Le a bona, “o tlottlolla hlooho ea hae,” o tlottlolla monna oa hae. O tlameha ho hlaloa. Ke hantle haholo. “Hoba ea kutang moriri oa hae, a beoloe ke hona, beoloa.” Le a bona, e a bontša ka hoo. Ha se ho kutoa feela, Molimo ha o e batle joalo. Ke Motlotlehi Ea-bohareng. Le se tšoenyane le ona. U beole kapa u tlohele o hole, ke seo Molimo o se buileng. Moreri ofe oa Evangelio a tseba ke ’Nete, leha u ka e bua kapa che. Empa eo ke ’Nete. Le a bona? Be, ho thusang, ha u etsa tse ling tsohle, u lesa eo?

²¹¹ Eng? Thojana ea mokha oa lefatše e sa ahile ka ho uena, e ntseng e leka ho itšoantšisa le likereke tse ling. Iseraele e ne e kene khathong hona moo. Ke hona moo ba shoang teng. Adama o kena khathatsong mono. Ke hona moo bohole ba keneng khathatsong. Lentsoe le le leng feela, e qosa seo feela, ntlha e le ’ngoe feela. Pitsa, e tsoakiloeng le lefatše! Bohashana ba lefatše, bohashana ba Hollywood, bohashana ba kereke, bohashana ba baithuti ba thutabomolimo, ’me le tšoere’ng?

²¹² Lemohang, Satane ha a hloleha mona, o tla leka sekema sa hae sa bobeli ho—ho se lumele Lentsoe, o tla... le—le ho ea seminaring. O tla leka sekema, se latelang. Joale mona u batla ho ela hloko haholo, lula feela metsotsi e meng e mehlano tabeng ena, ka kōpo. Ebe moo a u hlahisetsang phehelo e kaholim'a tlhaho. Ke tla khutlela tabeng ena eohle, pejana ho koaloa. O etsa... Le a bona, haeba a sa khone ho u ekela hole le Lentsoe, “Che, ke tla itulela le Lentsoe,” ke moo a tlang ho u behela tlhahiso e holim'a tlholeho.

²¹³ O itse, “Ke tla u bolella. Nyolohela koano u itihele tempeleng, le ho khutla hape. U a bona, bontša batho U ka etsa ntho e holim'a tlholeho.”

²¹⁴ Moshanyana, mono o ba tšoere. Joale le shebe sena, ena ke eona. Joale sheba ha u fihla qetellong, moo moleko ona o finyellang teng. A ka lumella bang ba lōna ho bua ka maleme, le hopole hobane le na le Oona. Le a bona? Kapa a u lumelle ho porofeta, leha koana bo sa khemisane le Lentsoe. Ke bone batho ba emang ba porofeta, athe e thulana le Lentsoe sa Bochabela hole le Bophirima. Le a bona? U phela ka Lentsoe. Lineo tseo tse holim'a tlholeho, Satane a ka li aba li tletse seatla. Ruri. Ha e bolele letho.

²¹⁵ Na Jesu ha rialo, “Ba bangata ba tla tla ho ’Na ka letsatsi lela, le ho re, ‘Morena, na ha kea porofeta ka Lebitso la Hao? Ka Lebitso la Hao ka leleka batemona. Ka etsa mesebetsi e matla. Ke bile monna e moholo mokhatlong. Ke entse tsena tsohle, lintho tsena’”? O tla re, “Tloha ho ’Na, uena ea sebetsang bokhopo.”

²¹⁶ Bokhopo ke’ng? Ke seo u se tsebang se lōkile, u a amohela feela ha u batle ho e phethisa, pelōng ea hao. Ha u tseba Bibebe e

ruta taba, u sa e phethise, boo ke bokhopo. 'Me Davida o itse, "Ha ke pata bokhopo pelōng ea ka, Molimo o ke ke oa utloa thapelo ea ka." Na ke 'Nete? Na eo ke Bibebe? [Phutheho e re, "Amen."—Mohl.] Joale, ruri le ke ke la halefisoa ke taba Eo, le a bona. Jesu o itse, "Ba bangata ba tla tla ho 'Na ka letsatsi lela, le ho re, 'Ke entse lintho tsena tsohle,' Ke tla re, 'Tlohang, lōna ba sebetsang bokhopo.'"

²¹⁷ Le Adama o entse hona hoo. Adama o itse, "Morena, ke entse *sena*, ke entse *sane*." Empa Lentsoe le le leng, le a bona, e entsoe ke Lentsoe le le leng. E hloka hoo feela, ho se utloe Lentsoe le le leng.

²¹⁸ E, ekaba ho porofeta khahlano le Lentsoe. Empa joale, mohla a tšoereng neo ena e holim'a tlholeho, o hapuoe haholo ke lerata, ke mahali-hali a eona. "Khanya ho Molimo, ke rapella *Seketekete*, ba ile ba ema ba tsamaea! Alleluia, ke khona ho bua ka maleme! 'Me motho a e toloke, ke ea makhonthe, 'neta."

²¹⁹ Pauluse o itse, "Nka bua ka leleme la batho le la Mangeloi, 'me ke se letho. Nka ba le tumelo ea ho sisinya lithaba, le joale ha ke letho." Na ke 'neta? [Phutheho e re, "Ke hantle."—Mohl.]

²²⁰ Empa, le a bona, o tla u nyehela seo. Oh, lōna batho ba Pentekosta, ke a le rata, nka be ke sa lule har'a lōna. Le hlolehile hona moo, le a bona. Shebang Lentsoe, e seng neo. Beha moabi leihlo, ho bona moo—moo e tsoang teng, le a bona. O hapuoe kahohle, o hobela ka moea, moshanyana. . . [Sekheo lebanteng—Mohl.] . . . ntho feela. O teetsoe hare ke batho ba bangata, 'me o hlabeloa mokhosi ke e mong le e mong, mona le mane, 'me o lebala Lentsoe.

²²¹ Oh, u a tsebahala ha feela u suthela hole le Lentsoe leo. Empa kena Lentsoeng leo, khetlo le le leng, sheba na ke mang ea tlang ho sebetsa 'moho le uena. Le a bona? Sheba se hlahellang. Re tla kena tabeng ena, khatong e 'ngoe ea tlhaho, motsotsong. Le a bona, sheba ea—ea u batlang lekhatheng leo, ha ho mang ea etsang joalo. "Oh, tlosang matsoho nthong Eo!" Joalokaha mokhatlo o itseng o ileng oa phutheha mona liveke tse 'maloa tse fetileng oa ipopa khahlano le 'na, moreri ofe ea fihlang motseng, oa Evangelie e tletseng, ea ka ntumellang motseng ho rapella bakuli ba bona, o tla khaoloa ka botlalo settlamong. Ke hantle, hoba ke rapella bakuli. Ho lōkile. "Le se ke la Le utloa," ho rialo. 'Me Lentsoe ke leo le nétefalitsoe.

²²² Le Morena oa rōna ba mo sebelitse joalo. Ba sebelitse monna e mong le e mong joalo, mongoaheng o mong le o mong. Ke seo ba se entseng ka Luther, Wesley, le bohile. Ba entse hoo ka lōna, tšimolohong, joale le boetse seretseng seo le monyohileng ho sona. Lemohang mokhoa, haesale ho le joalo. Ha eso hlolehe, Satane o etsa hona hoo.

²²³ Joale o hapuoe ke lerata la mahalihali hakaale, le joalo-joalo, ho fihlela, khele, ha a tsotelle Lentsoe ka letho. "Oh, moena,

Moena *Sekete-kete* o buile *hore-le-hore*, 'me ke tlameha ho ea ka mona. Ke . . ." Le a bona, o hapuoe hole haholo, eibile ha a Le eelhoe. Hore ke Lentsoe kapa ha se Lentsoe, ha e etse phapang ea letho. "Ba bang bohole ba bona ba itse e ne e itōketse, Seo ha se etse phapang ea letho." Mokha oa bolumeli o re, "Moshanyana, u e tšoere, u se lumelle motho ho u bolella!" U tšoere eng? Le a bona? Lemohang.

²²⁴ Satane esale a bolokile, esita le mohlang oo, le shebe tulo e le 'ngoe ena mona, o soeufalitse Lentsoe. Esita le khato ena e kaholim'a tlholeho eo a lekileng ho e etsisa Jesu, ntho e kaholim'a tlholeho, le a bona, ho tšoara ntho e kaholim'a tlholeho, ho ka thoeng hola Jesu a mo mamela? Le a bona? O itse, "Joale bea butle. U batla ho tsepama le Lentsoe, ha ke re Uena? U batla ho tsepama holim'a Lentsoe?" Ho re, "Ho ngoliloe, O tla U laella Mangeloi a Oona lebakeng lena. Esere Ua klothometsa leoto la Hao lejoeng, A tla U jara." Empa O ne a sa klothometsa leoto la Hae lejoeng la letho. Le a bona? Shebang. Hola a le tiisetsa teng? O . . . Na le lemohile, ha ke a re o qotsitse Lentsoe; o Le soeufalitse, ho Le soeufatsa, joaloka ho maneha leloapi la tsoekere holim'a k'hek'he, ho Le koahela, ho Le soeufatsa, le a bona, Le ne le sa hlongoa litulong tsa Lona tse lōketseng.

²²⁵ Ba ntse ba leka ho rialo kajeno, ho leka ho Le soeufatsa, feela ha u khone ho Le khemisa le Lengolo lohle. Eka khona e be ntho e 'ngoe le e 'ngoe, "Jesu Kreste ke oa maobane, kajeno, le kamehla." Le a bona, ho sa tsottelehe kamoo u lekang ho soeufatsa Lentsoe, hoo ha ho etse . . .

²²⁶ Le tlameha ho qotsua kamoo A Le buileng. Hape, haeba Le qotsitsoe hantle, O tla Le nétefatsa joalo bophelong ba hao. "Batho ba tla tseba joalo hobane le liepistole tse ngoliloeng tse baloang tsa Molimo." *Epistole* e ngoliloeng ke "Bibele" ena. Ho joalo na? Epistole ke Bibele. 'Me lōna le Bibele e ngotsoeng e halimisang Lentsoe la Oona, monna ea phethehileng eo hape, ka ho Molimo.

Empa Jesu o itse, "Ho boetse, ho ngoliloe." Le a bona?

²²⁷ Empa lemohang Eva khatong eona ena, a hla a fafoloa ke kutloisiso ea hae e kaholim'a tlholeho, o ne a fumane boiphihlelo ba thutabomolimo. Thuto ea hae e ne e phahametse ea moithuti ofe oa thutabomolimo naheng mehleng eo. Le a bona, a hla a haptjoa a thoteloa hole, o ne a sa e tsebe. O itsebile a fumane seo Adama a esong ho se finyelle. Mohlomong hona joale a ka khona ho mo busa, hobane o e tsebile ho feta, Adama oa hae. Shebang seo bo-Adama ba bona ba se etsang kajeno. O ne a tseba botle le bobe, thuto e khabane ea 'Nete. Ke hantle. A thotse thuto e khabane ea 'Nete, a sa kang a e tseba pele, 'me e le 'Nete ea Molimo. Empa o ne a shoele, ka ho roba Lentsoe. Yaa, o ne a thotse thuto ea hae, hantle.

²²⁸ Le seminari e u apesa boiphihlelo ba thutabomolimo, u ka qotsa qhoku e 'ngoe le e 'ngoe ea Testamente ea Khale kapa e Ncha. Empa ela hlоко seo u se etsang, haeba e sa khaole Lentsoe leo hantle mono, haeba u hlile u re feela, "Be, e baletsoe bona." Che, e baletsoe uena, e mong le e mong ea batlang! Le a bona? Le a bona? Le ele hlоко. "Oh, e ne e baletsoe kereke khale koana." Ke oa maobane, kajeno, le kamehla! O ne a ithutetse thuto e khabane, empa o ne a boetse a shoele sebeng le litlolong.

²²⁹ Joale sekema sa borarō sa Satane. Re tla e finyella ka potlako kaha re sa batle ho minya nako ho feta ha e le ntho e ka etsoang, ha re re e leshome le hlano, metsotso e mashome a mabeli, ha le batla ho khatha tema hakaalo. Shebang sekema sa hae sa borarō ke hona, sa hae, kapa moleko oa hae oa borarō. Tse ling ha li hlollehile, sena se ke ke, le a bona. Joale o u abela litulo ka kerekeng, joalokaha a sebelitse Jesu. "Ke tla U neha lefatše. U be khosi, ke tla U etsa seo. Ke tsa ka kaofela, ka hona ke U nea Lona."

²³⁰ Ke mang ea ka etsang monna moreri? Ke mang ea ka fang monna neo ka pehō ea matsoho? "Molimo o beile ba bang ka kerekeng!" Le a bona? Na le bona kamoo ba sothang Lentsoe. Joaloka Eva joale, ka tsebo ea hae e ncha, tsebo, a ka tsokoletsa Adama oa hae koana. A ka etsa seo a se batlileng, le a bona, hang hoba a khone ho etsa hore Adama a e amohele.

²³¹ 'Me, empa mohla a tlileng ho Jesu, ha A e amohela. O itse, "Tloha ho 'na, Satane." Ka mantsoe a mang, ke se ke ka e qotsa ka phoso, empa ho e ekeletsa feela. "Ho ngoliloe, motho e mong le e mong o tla phela ka Lentsoe le leng le le leng la Molimo; e seng ka tlhahiso ea hao, 'Ke tla u hloma mookameli oa kakaretso, mopresbeteri, kapa—kapa motikone, kapa ke tla u letsisa piano, khaitseli.' Le a bona, litlhahiso tsena tsona, 'U motho ea tsebjoang haholo, 'me re hloka talenta ea hao kerekeng ea rōna.'" Le a bona, tloo Lentsoeng!

²³² A ka mo laola, kapa ho mo ruta, joaloka sejalo sa kajeno. Ba e sebetsa joalo kajeno, ho fetoha D.D., presbeteri ea seteiti, mookameli, manejara oa lebatooa, kapa ntho esele e kang eo.

²³³ Jesu o ne a fapane hakakang! O ile a tiisetra Lentsoe. Joale, metsotso e 'maloa e latélang, ke batla ho kholisa lintho tsena tsohle li lōkile, le a bona, ka tlhaho le ka Lentsoe 'moho, ho e momahanya 'moho. Hona ho Mo paka e ne e le Lentsoe le entsoeng nama, bakeng sa Bohobe. E ne e le Lentsoe le entsoeng nama. Hoba O ile a halimisa eng? Lentsoe le inotši.

²³⁴ Ha u le epistole e ngotsoeng, u halimisa Lentsoe le inotši; e seng seo seminari e se buang, seo mang a se buang, seo Mofn Jones a se nahangang ka Lōna, seo Ngaka *Sekete-kete* a se nahangang ka Lona, empa seo Molimo o se buileng ka Lona. "Lentsoe la motho ke leshano, la Ka ke 'Nete! Ekareha e mong a roba o monyenyanee oa melao ena, a ruta banna bao tse joalo!"

Ekareha e mong a tlosa Lentsoe le le leng Bukeng ena, kapa a ekeletsa lentsoe le le leng ho Eona! Motho a ke ke a phela ka bohobe feela, empa le ka Lentsoe le leng le le leng le tsoang molomong oa Molimo.” Phela ka Bosafeleng ka Lentsoe leo!

²³⁵ Joalokaha u tlameha ho nka lintho tse shoeleng ho phela ka tsona, u tlameha ho phela ka Kreste mona ho seng joalo u a shoa. ‘Me Kreste ke eng?’ “Lentsoe le ne le le t̄simolohong, ‘me Lentsoe le ne le le ho Molimo, ‘me Lentsoe e ne e le Molimo. ‘Me Lentsoe le ne le etsoe nama la aha hara rōna.”

²³⁶ ‘Me le uena u epistole e t̄šoanang e ngoliloeng, e ’ngoe ea mongoaha o mong le e ’ngoe ea o mong, bakeng sa Leseli la hora eo; empa ba hloleha ho e bona. U halimisa Lona feela.

²³⁷ Ba bang ba tlanngoe, leha e le nthong e le ’ngoe, ho hloleha ntlheng e le ’ngoe feela; empa ha A ka a etsa joalo. ‘Me joalokaha ke boletse, ho T̄šenolo 22:18, O itse, “Ekareha e mong a ekeletsa Sena!”

²³⁸ Joale elang hloko ruri joale. Mattheu 24:24 e a hlolla, kamoo ba... “Hofihlela, matsatsing ana a qetelo,” Jesu o itse, “bona bakhethoa ba ka thetsoa ke ntho ena.” Shebang meeaa. “Matsatsing a qetelo,” joale Lengolo leo le tlameha ho phethisoa. Le a e lumela na? [Phutheho e re, “Amen.”—Mohl.] Joale, e ne e le, “Matsatsing a qetelo, bona bakhethoa, ba reriloengpele, ho khethelo teng, ba ka thetsoa...” E phethahetse hakaale, e khema le Lengolo hakaale, e shebeha hantle ‘me e hlakile, ebile ha u bone phoso ho eona, le hona, ke bakhethoa feela ba tlang ho e phema. Joale ke seo Jesu a se boletseng. Le a e lumela na? [“Amen.”] “Ho ka thetsang le bona bakhethoa hola e le ntho e ka etsoang.”

²³⁹ “Khele, ke Mangolo ka phethahalo, le ka e bona ka leihlo la tlhaho.” Empa, le a bona, ha se eona. Jesu... Bafarisi bao ba ne ba t̄šoere Lengolo leo ka phetheho eo Le ka bang ka eona, empa ka boitlhalosetso ba bona.

²⁴⁰ Ba tsebile joang hore O ne a sa fosa? Hobane Molimo o no o nétefalitse Lentsoe le leng le le leng leo O Mo t̄sepisitseng lona mongoaheng oo. Ba tsebile ke hona hobane E ne e le Messia. Le a bona?

²⁴¹ Joale lemohang, “hola e le ntho e ka etsoang,” matsatsing ana. Lentsoe le le leng feela, ho hlokoa Lentsoe le le leng feela. Ke phetho seo Satane a ileng a tlameha ho se etsisa Adama, ho Mo t̄šoara ka Lentsoe le le leng feela. Ke phetho seo a tlamehang ho se fumana kajeno, ho hlanamisa ntho e le ’ngoe feela. Ke phetho, ke phetho seo a se hlokang. Joale, le a tseba hoo ke ‘Nete. Ho ekeletsa le le leng, kapa ho tlosa le le leng, ke ho hloleha ho phethahetseng. Nthoana e ’ngoe le e ’ngoe, “Lentsoe le leng le le leng la Molimo!” Ako nahane joale lithhaloso tsa liseminari, e ’ngoe e hosele ho e ’ngoe.

²⁴² 'Nete e tlameha ho fumanoa nqa e 'ngoe, 'me ke Eona *ena*, Bibele. Joale Jesu o itse . . .

²⁴³ U re, "Be, Moena Branham, ba rapela ka bokhabane bo fetisisang."

²⁴⁴ Jesu o itse, "Ba Ntšebeletsa lefeela, ha ba ruta thuto eo e leng thutamolimo ea motho, e seng Lentsoe," motho, kakanyo ea hae ka sebele ea Lentsoe le tolokoang.

²⁴⁵ Joalokaha ke boletse, Molimo ha o hloke toloko ea letho. O toloka Lentsoe le leng le le leng ka sebele sa Oona. Le a bona, ha u hloke motho ho u tollokela Lona, Molimo o u tollokela eona ha u ikemiselimetse ho Le amohela. Le a bona, ke bona Bophelo, boo ke Bophelo ka sebele sa Bona.

²⁴⁶ Jesu o itse, "Ba Ntšebeletsa lefeela." Ba rapela Molimo kannete. Kaine o rapetse Molimo kannete, tšimolohong. "Empa ba 'Ntšebeletsa lefeela." *Lefeela ke'ng?* "Ha e thused letho."

²⁴⁷ Ba ka re, "Be, ke etsa *sena*. Ke hobela ka moea. Ke, ke bua ka maleme. Ke, ke a porofeta. Ke bolela Evangel." Empa o sitoa ho holisa moriri oa hao, ho sitoa nthong e le 'ngoe, u bone se etsahalang, Moea o tla u tlohela hona moo. Ke sona se hlahetseng likereke tsa rōna, ho hloleha.

²⁴⁸ "Lefeela, ba 'Ntšebeletsa. Oh, ke borapeli bo khabane. Empa ba 'Ntšebeletsa lefeela, ba ruta thuto eo e leng melao ea motho."

²⁴⁹ Bafarisi bao e ne e le baithuti ba thutabomolimo ba rutehile. U se ke oa re kajeno re tšoere ntho e ka bapisoang le bona. Che, lekhale. Ba tsebile lentsoe le le leng, lentsoe le leng le le leng, hantle feela kamoo le neng le ngoliloe kateng, empa ba rapela lefeela. E nahane, "lefeela," likolo tse khōlō tse khabane, le liseminar, le baruti, le mohlankana, le sohle ka mokhoa oo, empa ho lahleha!

²⁵⁰ Ho a tšoana le felleng, O itse, "Bohole ba jele manna a tsoang Lefikeng leo la moea nahathote, bohole ba noele Lefikeng leo, ke rialo, 'me bohole ba jele manna a tšoan teng." 'Me Jesu o itse, "'Me bao, e mong le e mong, ba shoele." *Lefu* le bolela "karohano ea Bosafeleng." Hobane ba sitiloe ho lumela tšepiso ea Molimo.

²⁵¹ Oh, ha ke batle ho le tšoarella ka mokhoa ona, empa ke tlameha ho e bua feela. Shebang, nke ke ka qeta motsotsotso tabeng ena. E mong le e mong oa batho bao o tsoile tlas'a Topallo ea Mollo, ba tsoile ho kena felleng, ba lumetse Molimo, ba hoanta ba tsoelapele. Empa mohla ba bonang kemokhahlano, mohla e—mohla banna ba leshome ba khutlileng ba re, "Re sitoa ho hapa lefatše. Oh, banna, lifonthoane li teng mono. Ba *sena, sane*, le se *seng*. Ba mpa feela . . . Re ka sitoa. E ke ke ea etsahala."

²⁵² Empa Kalebe le Joshua ba entseng? Ba khutsitsa batho. Ba itse, "Re khona ka ho fetisa ho le hapa." Hobaneng? Batho bao ba ne ba shalimile se bonoang, le a bona, ho shalima se bonoang.

Empa Kalebe le Joshua ba ne ba shebile tsepiso ea Molimo. Molimo o itse, "Ke le neile lefatše leo. Tlohang le le hape!"

²⁵³ Joale Baheberu oa 6, ha nka e qotsa, "Ha se ntho e ka etsoang ho bao ba seng ba kile ba bonesetsoa, le ba latsoitseng Moea o Halalelang, matla a lefatše le tlang ho tla, bao ha ba ka oa hape, ho latola, ho furalla."

²⁵⁴ Joaloka mathaka ao a nyolohetseng mono ho ja merara e tsoang koana lefatšeng le leng, ho ema mono; empa mohla ba neng ba tlameha ho sala Lentsoe morao, ho tšeleta koo, ba itse, "Re ka sitoa." 'Me ba shoeletse felleng.

²⁵⁵ Re fihlile mono. Re latsoitse Lentsoe le monate la Molimo. Empa, tsepiso e tletseng, "Che, che, re ke ke ra etsa seo, le a bona, hoba Ngaka *Sekete-kete* kapa motho ea itseng o re re ka sitoa. Eo e baletsoe baapostola. Mono e ne e le letsatsi le leng." Mono o a shoa.

²⁵⁶ Le a bona, Lengolo lohle le lohana 'moho, Lentsoe le leng le le leng la Eona le lohana 'moho. 'Me le ke ke la hlahisoa ke kakanyo efe e entsoeng ke motho, tsamaiso, kapa le letho. Le senoloa ke Moea o Halalelang o inotši. Jesu o itse, "Ntate, Ke a U leboha hoba lintho tsena U li patetse ba bohlale le ba masene, oa li senolela masea a tlang ho ithuta."

²⁵⁷ Ha re potlake leng mohopolo o latélang ona ha re ka khona joale. "Ba 'Ntšebeletsa lefeela." Bafarisi bao, ba rutehileng, oh, boitšoaro bo bottle; empa ba bitsitsoe, ke Jesu, "boliabolosi." Baithuti bao ba rutehileng ba thutabomolimo, Jesu o itse, "Le boliabolosi, 'me le etsa mesebetsi ea ntata lōna." Ho re, "Le khabisa mabitla a baporofeta, athe bontata lōna morao mehleng eona eo . . . Baporofeta bao ba ile ba theoha ba heletsa litsamaiso tseo tsa borapeli." Ke sona seo ba se entseng.

²⁵⁸ Baporofeta! Lentsoe le tlela'ng, moithuti oa bolumeli kapa moporofeta? [Phutheho e re, "Mopropfeta."—Mohl.] E seng ho baithuti ba thutabomolimo le likolo. Le tlela moporofeta, kamehla. Molimo ha o fetole tsamaiso ea Oona, le ka mohla. Esale ho le joalo, kamehla! E seng ho sehlopha; ho motho a le mong! E seng ho sehlopha le ka mohla; motho a le mong, e, monghali, moporofeta. 'Me ba itse . . .

²⁵⁹ Jesu o itse, "Le khabisa mabitla a baporofeta, athe bontata lōna ke bona ba ba kentseng teng." 'Me ba etsa hona hoo tlas'a bofofu ba seminari ea Satane. Le a bona?

²⁶⁰ 'Me joale, Pentekosta, honyollang nko ea lōna Mokhatlong oa Lefatše oa likereke. Joale, lōna bareri mona, le tla ngolla lintlukhōlō, ho—ho batho bana. Joale, le ke ke la tlameha ho ngolla ho—ho Assemblies le tse ngata tsa tsona, hoba li se li hlophositse ntho eo, ha li batle ho amana le eona ka letho. 'Me lōna baena ba Baptise, hape, le ntše hlooho ea lōna mono. Na ha le bone ehlile ke letšoao la sebata le tlang ho tla? Na le a tseba

sohle se tla metsoa ke mang, haeba le tseba letho ka Lengolo. Haeba Mantsoe a Ikhalmisa ka ho uena, suthela hole le ntho eo. Mokha oa hao oa bolumeli o tla mathela ka ho eona. 'Me u tla tlameha ho e phethisa kapa ho khaoloe mokha oa lōna oa bolumeli. U ke ke oa ba mokha oa bolumeli u ntse u lutse mono, hobane u tlameha ho kena kapa ho lula kantle.

²⁶¹ Hape, ha u sa hlole u le mokhatlo, u se u iponahalitse. Ka népahalo. Molimo u e hlohonolofatse, haeba e etsa hoo. Ho thata ho bolela bongata bo tlang ho e phethisa. Empa ba bang ba tla khona, ntle le pelaelo. E, monghali.

²⁶² Ho thetsoa, 'me Jesu o ba bitsitse "boliabolosi." Joale, empa mohla Jesu a ne a eme mono, (eng) moleko o mong le o mong, O o khalemetsé ka Lentsoe, le ho ema mono ka Lentsoe. Molimo o ile oa Mo nétefatsa.

²⁶³ Joaloka koo, bosiu bo bong, ke rerile ka Michelangelo. Ba bakae ba fihlileng Forest Lawn ba bone monumente oa Moshe mono, ka Michelangelo? O ne o khahla, mohla ke etetseng mono khetlo la pele ke o bona. Michelangelo o batlide a qeta bophelo bohole ba hae, a ntse a se betla. Kelellong ea hae, a bolokile seo—seo Moshe a tšoanetseng a be a bile sona. 'Me a—a batlide ho mo hlophisa—etsa pele a eshoa. 'Me o qetile lilemo le lilemo, a se ntšeletsa, a qhetsola *mona*, a pshatla *mona*, a hohla *mona*. Ho fihlela, qetellong letsatsi le leng, ka morao ho lilemo le lilemo, o ne a eme mono ka lesela letsohong la hae, ka mokhoa *ona*. A chechella morao a se boha, pono e kileng ea bōba mohopolong oa hae, hoba ho tloha a utloetse ka Moshe khetlo la pele, e tlameha e be e bonahetse joalo. E ne e le eo, ea halima ka pel'a hae. A susumetsoa ke mosebetsi oa hae hakaale, a phamola noto a se otla moomong, a hooeletsa, "Bua, Moshe!" A hopola e le Moshe a tlameha ho bua, a tšoana hantle haholo le ntho e neng e bobile mohopolong oa hae. 'Me tšenyo e sa le teng moomong mono. Ke sefika se phethahetseng haese sekhetše se moomong, moomo o motona. Še shebe Forest Lawn, ha u kena monyako, hlabollo ea sona. Moshe oa Michelangelo, mosebetsi oa hae o tsoileng-matsoho, seo, tiiso ea bophelo ba hae.

²⁶⁴ Molimo ke 'Metli e moholo, hantle, O entse motho ka setšoants̄o sa Oona, ho Mo halimisa, 'me Ke Lentsoe. 'Me O entse'ng? O lekile Adama; a hloleha, Moshe a hloleha, bao bohole ba hloleha. Empa Ea phethahetseng ke enoa, alleluia, (e ne e le eng?) e se letho le tlasana le Molimo ka sebele sa Oona nameng, Lentsoe le halimisitsoe ka ho Eéna, ho hlahisa botlalo ba Bomolimo ka nama; e seng moporofeta, koana E ne e le moporofeta; e seng motho, koana E ne e le motho.

²⁶⁵ Bajuda, le se ke la Mo tseka ho ba oa lōna. E ne e se Mojuda leha e le Molichaba. E ne e le Molimo. Le a bona? U seo mali a hao a leng sona, le a bona, 'me, ehlile, u nama. 'Me Maria, ehlile, kemolo ea Maria ka Moea o Halalelang ha e a mo arubetsa ka

maikutlo. Molimo Ntate o bopile jeme, kapa—kapa lehe ka ho Maria, le sele ea Mali ka ho eéna, hape, 'me e ne e le Mali a Molimo.

²⁶⁶ Mali a tsoa ho e motona. Ka hona e ne e se letho la... Dihemotlelobini le mali li tlameha ho tsoa ho ntate, hoba lesea le ke ke la tšoaetsoa ke maloetse a 'mé, a kang TB. Le ka tšoaetsoa ke phefumoloho ea 'mé, mpa e seng ka lefutso, ke rialo, empa le ka e hema la—la tšoaroa ke eona. Empa le ke ke la e nka ho 'mé, hobane lona, o lokolohile ho eona, mali a hae ha se a 'mé oa hae.

²⁶⁷ Joale, empa Jesu e ne se mali a Mojuda leha e le Molichaba, E ne e le Mali a bopiloeng ke Jehova ka Sebele. E ne e le Mali a Molimo. Bibebe e itse, "Re bolokehile ka Mali a Molimo." E seng mali a Mojuda leha e le a Molichaba, ekabeba ntho eohle ke kópano ea bong, empa ana e ne e le Mali a Molimo.

²⁶⁸ Le lemohe joale mohla A boneng Mophethehi enoa, O Mo otlide, ho Mo senya. Esaia e itse, "Athe O hlabeltsoe littolo tsa röna, a tetekoa ka baka la bokhopo ba röna." E ne e le Mang? E ne e le Lentsoe le phethehileng leo, ho halimisa hore e be Bohobe, boo e mong le e mong a tlang ho phela ka bona. E ne e le koro eo ea Lentsoe la Molimo e neng e ka siloa ea kenngoa Lievangeling tse 'ne, Libuka tse mashometšeleta-tšela. 'Me motho o tla phela ka Seo, 'me Seo se inotsi, le Lentsoe ka leng la Eona. Amen. E ne e le mosebetsi o tsoileng-matsoho oa Michelangelo. 'Me mohla Molimo o nong o Ipona o halimisitsoe ka ho Monna, O ne a khonne ho fumana Monna ea phethehileng eo a bopiloe ka setšoantsö sa Oona ka Sebele. Oh, banna, Monna ea mokakang! O ile a tlameha ho re shoela bohole. Re ka lula tabeng eo, empa re ke ke. O ile a tlameha ho re shoela bohole. 'Me O shoele, ea phethehileng Eo; hore röna, ba sa phethehang, ba phethahatsoe ka ho Eéna, ka ho nka kabelo Lentsoeng le leng le le leng la Bibebe ea Oona. Joale, eaba O boela a Mo tsosa, bakeng sa tokafatso ea röna, re tle re be le tokelo, joaloka Jesu ea tsohileng, O hona mona joale ho re sebeletsa, Lentsoe le leng le le leng la Molimo, re tle re phele ka lona.

²⁶⁹ Joale, ka potlako joale, re ntano koala. Joale, monyaluo Eva oa bobeli.

²⁷⁰ Joale, monyali oa pele, Adama; o ile a tlameha ho fetisoa letotong le le lelele la baporofeta, le joalo-joalo, le ho bitoha ka phetheho, le ho lökela ho shoa e tle e be Bohobe ho bona bohole.

²⁷¹ Joale ho ka thoeng ka Eva? O tlameha ho etsa hona hoo. Empa mohla Jesu a ttileng... Le hopole, Eva e ne e le mosali. Kamehla kereke e emeloa ke mosali ka Bibeleng, hoba ke monyaluo. Joale shebang seo a se entseng. O lekile ho Mo qophella nqa thuto ea hae. Ha feela a ka rera seo ba se hopotseng, E ne e le Mothaka e moholo.

²⁷² Empa ka letsatsi le leng a qala a bua, le ho re, "Na le Ntate re bang."

²⁷³ “Oh, O Itekanya le Molimo, u a bona. Oh, banna! Ha re batle ho amana le Mothaka eo ka letho, hape.”

²⁷⁴ Le lintho tse ling tsena tsohle tseo A qalileng a li bolela, “Ha le sa je Nama ea Mora motho.” Le re ngaka e ka nahana’ng, e lutse mono? Le re motho ofe a ka be a entseng, monahano oa tloaelo feela? “Le lōkela ho ja Nama ea Ka le noe Mali a Ka.”

²⁷⁵ Ba itse, “Monna enoa ke semomonamali, ha se moreri. Le suthele hole le Monna eo, O a hlanyana. Le suthele hole le Eéna.”

²⁷⁶ Empa e ne e le ’Nete. Le a bona, e ne e le ’Nete. “Ekare ha le sa E je, le tla timela. Le tla shoa bohle, ha le sa E je.”

²⁷⁷ Ho a tšoana le kajeno. Bohobe le veine ke tšoantšiso, u se lumelle ntho eo ea tlhaho ho o tetebetsa. U tlameha ho ja Kreste, e leng Lentsoe leo u phelang ka lona, “Lentsoe le leng le le leng le tsoang,” Bibele eohle ho qala Genese ho isa Tšenolo.

²⁷⁸ Joale, Eva oa bobeli, mo behe leihlo. O ile a boptjoa bocha, joaloka Eéna, Letsatsing la Pentekosta, ho tlatsoa ka Moea, le ho feptjoa ka Lentsoe. Amen. Joale ke hlile ke tlala borapeli. Ke ikutloa monate. Kereke eo ea pele, Eva eo oa pele, e neng e tla ba Monyaluoa oa Kreste. Ba ka reng “amen” ho eona ba bakae? [Phutheho e re, “Amen.”—Mohl.] E ne e tla ba Monyaluoa oa Kreste. O tsoetsoe Pentekosta, e seng Nicaea, Roma; e seng Landane, Engelane; kapa e seng Linaha tse Kópaneng; e seng Jeremane ka Luthere, e seng Engelane ka Wesele, e seng Linaha tse Kópaneng ka Mapentekosta, bao ho thoeng ke bona. O tsoetsoe ka Letsatsi la Pentekosta. O ne a tletse Moea. ’Me O ne a tletse Moea, ’me a fepuoe Lentsoe, “Lentsoe le leng le le leng le tsoang molomong oa Molimo.” Esita le ho Judase. . . . ’Me, oh, ba ne ba tlameha feela ho nka ntho eohle, Lentsoe ka Lentsoe feela, semela se tlokomang kannete lefatšeng la Molimo, se emetseng Eéna, sefate se seng sa Monyaluoa.

²⁷⁹ Lentsoe la Oona la tšepiso le Mo halimisitse ka ho Eéna. Ba ile ba tlameha ho lemoha Petrose le bao. Ba sa ka ba kena seminari, ’me ba tsebile seo. Ba sa ka ba kena sekolo sefe sa Bibele, seminari e itseng ea thutabomolimo. Ba se na thuto, hoba ba sitiloe le ho ngola lebitso la bona. Bibele e itse, “Ba ne ba sa bala ba sa ruteha.” Empa ha etsahala’ng? Ba lemoha hobane ba tsamaile le Jesu, hoba A ne a le ka ho bona, a halimisa tšepiso ea Hae. Alleluia! Khanya ho Molimo! Ke sona seo re se hlokang mongoaheng ona. Lentsoe la Oona le Mo halimisitse ka ho eéna, kereke. O ne a phela ka Lentsoe le leng le le leng le tsoang molomong oa Molimo.

²⁸⁰ Empa eaba, joaloka Eva, a oela tlolong, ea Lentsoe, mane Nicaea, Roma, moo mokhatlo oa pele o kileng oa hlophisoa le ka mohla, kereke ea Bokreste e ka lefatšeng lohle. Na moithuti oa Bibele o teng ka mona? Na ho na le. . . . Na moithuti oa thutabomolimo o teng ea tsebang seo e le ’nete? Mokhatlo oa pele o ne o le Nicaea, Roma. Molimo ha o eso ithuele mokhatlo, o ke

ke oa ba le oona le ka mohla. Ntho eo e laoloa ke motho. Ke hona moo bao bohole . . .

²⁸¹ Ke Mokreste. “U setho sa kereke efe?” Ho fumanoa e le ’ngoe feela. Ke bile le-Branham, lilemo tse mashome a mahlano le metso e mehlano, ha ke eso ingolise lelokong, ke tsoetsoe ke le e mong. Le ’Musong oa Molimo o tsolloa joalo, ’me u khalimiso ea Lentsoe la Oona.

²⁸² Lemohang, Eva o oetse ho ea hae. Le Eva oa bobeli o tlotse Nicaea, Roma, a e abela mokha oa bolumeli, tumeloana, ho amohela litšomo litulong tsa Lentsoe; ho theola liséto tsa bopagane tse kang Jupitere le joalo-joalo, le ho nyolla Pauluse le Barnabase. Le—le ho theola molimo-letsatsi le molimo-khoeli, Ashtaroth, molimo-khoeli, senkhoa se khilikoe holimo mono, le ho mo etsa ’m’ a molimo-letsatsi e leng Jupitere. Ho ntoo fetoloa tsoalo ea Jesu ho tloha ho ’Mesa, athe tlhaho eohle, moo A hlahetseng tlas’ a pheleu, hoba E ne e le pheleu, le ho fetolela ntho eo tsoalong ea molimo-letsatsi ho mahlahana a letsatsi mono, moo e etsang letsatsi le le leng . . . Phapang ekaba motsotso o le mong letsatsing ha le feta ka letsatsi la mashome a mabeli a metso e mehlano la Tšitoe, tsoalo ea letsatsi-molimo, e seng Mora Molimo. ’Me e mong le e mong oa rōna o bapala Santa Klause, le ho khabisa lifate, bohetene, le lintho tse kang tseo, re ntoo ipitsa Bakreste? Molato ke ofe ka kereke ea Bokreste?

²⁸³ Na le ka mohla ho tla hlahara rōna motho, ea ka rerang Lentsoe ’me a bolela ’Nete, le Molimo oa e nétefatsa oa e kholisetsa batho e le Oa maobane, kajeno, le kamehla? Ha re hloke seminari. Ha re hloke moithuti oa thutabomolimo. Re hloka moporofeta. Ke hantle. Molimo o e tsepisitse, le hona.

²⁸⁴ Eaba Eva o a hloleha, le kereke e entse hoo; ho inehela mokha oa bolumeli, litaeloana tsa motho, ho laola ke motho, ho se hlole ho laola Moea. O furaletse Lentsoe, le ho amohela litšomo. Ke mang ea ka reng “amen”? [Phutheho e re, “Amen!”—Mohl.] Ehlide. Empa na le tsebile rōna Maprotestanta re amohela litšomo tse lekanang le tsa bona ka bongata, ha re ekeletsa letho Lentsoeng lena kapa ho fokotsa ho Lona? Satane o ile a mo kola, ka oona maqiti a hae a khaleng a sebelisetseng ho Eva, ho qeka. Ke hona moo a e fumaneng teng, ho bua taba e fapanang le Lentsoe, tumeloana kapa mokha oa bolumeli.

²⁸⁵ Ea tšimoloho e kene mobung, ea bolaeloa tumelo, maloala a Roma a silakantse koro eo e tsoang Pentekosta, ho kena leröleng, ho ba chesa lithupeng le ho ba fepa litau. Ba kene joalokaha koro e ’ngoe e kene, ke hantle, empa O ile a qala a mo tsosa hape hlabollong, eéna eo, khetlo la bobeli.

²⁸⁶ Joalokaha A sebelitse ka Adama oa Bobeli. Hoba Adama a tlolle, A qala a hlahisa Adama oa Bobeli. ’Me Adama oa Bobeli a tlola, eaba E a nyolloa. Adama oa pele o oele sebeng sa hae

'me a itulela teng. Adama oa Bobeli o oele, e le ho lopolla motho sebeng, 'me a nyolloa.

²⁸⁷ Joale, kereke ea pele e tlotse Nicaea, Roma, pele, ka Lentsoe le le leng la 'Nete kantle ho Bibele, moo kereke ea Roma e ileng eketsa litšomo tsa bona le litumeloana. Teng ha fihla moprista e monyenyanee ea bitsoang Martin Luther, ea itseng, "Ntho ena ha se selallo, oona ha se 'mele oa Kreste. Ke bohobe bo sa lomosoang. 'Me, motho, 'ea lōkileng o tla phela ka tumelo.'" A se lahlela fulurung, a e hanetsa. Naleli ea lōna ea pele ke eo e hlaha e phatsima ka morao ho mongoaha oa Thiatire. E, monghali, ho beoa ea lōkileng ka tumelo! Eéna, 'Metli e moholo, a lula fatše ho betla mosebetsi o tsoileng-matsoho oa Monyaluoa ea neng a tla halimisa Lentsoe la Oona.

²⁸⁸ Empa Maluthere a entse'ng ka morao ho lefu la Luther? Ba kōpane le Satane, ba bopa mokha oa bolumeli ka eona, ba shoa. Ha e a hlola e entse letho ka morao ho moo, keha e timetse, ea fetoha sekhakhatha se seholo feela sa batho. Ke hantle.

²⁸⁹ Molimo oa boela oa e phahamisa, matsatsing a John Wesley, ho halimisa 'Nete e 'ngoe. O entse'ng? O itse, "Khalaletso ke mosebetsi oa bobeli oa mohau." 'Me Molimo oa etsa'ng? A e hlohonolofatsa. 'Me a hanetsa kereke ea Anglican, le kereke ea Zwingli, le bao bohle, le boramolao bohle, le Calvin eohle, kapa e—e maCalvinisi, ke rialo, 'me a e hanela. Le—le ho re, "'Ba lōkileng ba tla phela ka tumelo,' ho itsalo Luther. 'Me mosebetsi oa bobeli oa mohau ke khalaletso." 'Me eo ke 'Nete. Ke hantle. Le a bona?

²⁹⁰ Eaba o etsa'ng? Eona ntho eo, ka morao ho lefu la Wesley, le Asbury le bao, sona se entsoeng ke Luther, ho hlophissa, ho shoa. E shebeng joale.

²⁹¹ Ho ea koo, nakoana e fetileng mona, ho rapella mosali kokelong, a tla etsoa oporeishene. Ke ile ka kena ka mono. A itse, "Moena Branham, ke u letselitse. Ha u ntsebe," a re, "empa na u tla nthapella? Ke tšoanelha ho etsoa oporeishene hoseng."

Ka re, "Ehlile, khaitseli."

²⁹² Monna e mong a le teng mono, mosali, le moshanyana, ba lutse mono, moshanyana a ka ba lilemo tse leshome le metso e robeli, eaba ba mpehile leihlo ka kelohloko. Ka retoloha ke re, "Na le ka ntšoarela, ke tlilō . . ."

A re, "Koala lesira leo!"

Ka re, "Athe ha u Mokreste?"

A re, "Rōna re Methodise!"

²⁹³ Ka re, "Ha se seo ke u botsitseng sona. Ke u botsitse . . . Ha u le Methodise feela, ke tla koala lesira. Ha u le Mokreste, ha u batle ha lesira le koaloa." Ka hona, yaa, ke hantle.

²⁹⁴ Ka hona, phapang e ngata lipakeng tsa ho ba Methodise, kapa Baptise, kapa Presbeteriene, le ho ba Mokreste; ha se ho ba moCampbellaete, empa ho ba Mokreste, le a bona. O entse'ng? Ntho e tšoanang.

²⁹⁵ Eaba ho etsahala'ng? Molimo oa thonaka sehlotsaana tlase mona Boroa, monnana oa 'mala ea pelekaneng mahlo. 'Me, Eéna, O ile a etsa'ng? A tšela khutlisetso ea lineo, ebile Pentekosta. Lōna mekaubere e mengata joaloka Moena Valdez ea lutseng morao mane, mohale ea holileng, o rerile ke sa le lilemo li hlano. O sa ntse a hopola Pentekosta ea hoseng. Moshanyana, u se ke oa bua le mathaka ao ka mokhatlo, ba ne ba tsoile nthong e nyonyehang eo. 'Me ba ne ba tšoere Molaetsa oa Molimo.

²⁹⁶ Empa ba etsa'ng? Se entsoeng ke ba bang bohle, ho e hlophisa. Joale ba teile mekhatlo e mashome a mararō kapa e mashome a mane e fapaneng, bongoe, bobeli, bo-borarō. Ho fihlela, mohau, khilili, ha ke eso utloe ntho e joalo bophelong ba ka! Le entseng? Le shoetse setṣeng sona seo. Le khonne ho khatha tema hakaalo feela. Mokhatlo oa lōna o ke ke oa amohela Sena. Lōna, eaba le thonya monna, "Monna enoa, haeba a sa lumele le rōna, se mo tliseng koano mona. Bolekane ba rōna ha bo e batle." Oh!

²⁹⁷ Shebang, ho potlaka, eka khona ho hlahe Peō ea mannte. E tlameha e be teng feela, hobane O tlela Monyalua ea se nang letheba kapa letsika. O tlela eona, Monyalua oa Lentsoe le nétefalistsoeng. Oh, e tla be e le sehlotsaana se sa reng letho se senyenyan. Jesu o itse, "Joaloka matsatsing a Nohe, ho bolokehile meeā e robeli," (na ho joalo?) "ho tla ba joalo ho tleng ha Mora motho." Ba bakae? Ha ke tsebe.

²⁹⁸ Empa, le a bona, Monyalua o tla boptjoa ka bohle bao tsela e haolang e theoha, ba kileng ba tšoara Lentsoe mongoaheng oa bona. Ha se sehlotsaana sena sa ho qetela feela, Molimo o tla ntša ntho eohle mono. Oh, che.

²⁹⁹ E tla ba—e tla ba nyenyane haholo, e tla hlolla. Ba tla tsoha feela ba nyametse, u ke ke oa tseba hore ba falletse. Hola A ka nka makholo a mahlano matsatsing ana a qetelo? Le ke ke la e tseba le ka mohla. Ho nka makholo a mahlano nakong ea matsatsi a 'maloa a latélang, matsatsing a mabeli kapa a mararō? Batho ba bangata hakaalo ba ntse ba nyamela lefatṣeng ka bophara, ha ho tsebjoe moo ba leng teng, ha ho utluoe letho ka bona le ka mohla. Ho Khutla ha Morena Jesu ka lekunutu, O tla tlsooa.

³⁰⁰ 'Me ba bang bohle ba tla tsoelapele ba ntse ba rera, joaloka matsatsing Nohe, "Khanya ho Molimo, re E tšoere, alleluia," athe ba tiisitsoe ho isa lefung la bona. Ke seo Bibele e se buang, 'me E ke ke ea hlolleha.

³⁰¹ Joaloka Nohe, Moshe, Davida, ba kile ba halimisa ho fihla ha Monyalu enoa ea phetheleng; le Luther o e entse hona hoo,

Wesley, le Pentekosta, ho halimisa ho fihla ha Monyaluoa ea phethehileng.

³⁰² Lemohang, nako le nako ha a ne a supisa, o ile a etsa'ng? Nako le nako, kereke ena, joaloka Eva ha a entse, e qopheletse bo-Adama ba eona ho lumela leseli la hae le lecha, sekema sa hae, ea shoela mono le lona. “Rōna, be, sehlopha sa rōna se tla teana, le a bona, oh, maseho a macha a seo re se fumaneng, le joalo-joalo.”

³⁰³ Hona hohle ha etsa'ng ho Eva? Nako ea rōna e khutšoane joale. Hona hohle ho entse'ng ho Eva, ka 'mē oa pele oa kereke, monyaluoa oa pele ho Adama oa pele? E entse'ng ho eéna? Joale sekehang tsebe, le ke ke la lumellana le Sena. Empa e hlahisitse “peō ea sepente.” Ka tšoanelo.

³⁰⁴ Mora oa hae oa pele e ne e se mora oa Adama. Haeba ho ne ho le joalo, o ne a tšoere litōkelo tsa tsoalo. Bibebe, ho Juda, e boletse Adama . . . ha thoe, “Henoke oa bosupa ha ho qaloa ka Adama.” Na ho joalo? ’Me a simolla, “Adama a tsoala mora oa hae, Setha.” Ho ka thoeng ka Kaine, ea tšoereng litōkelo tsa tsoalo? E ne e se mora oa Adama. Setha, ’me Setha a tsoala; Jared, le ho theohela ho Adama, e leng tlase ho . . . “e leng oa bosupa ha ho qaloa ka Adama.” Hola Kaine e le mora oa hae, ha ho tulo se le seng Bibeleng, esita le ho Luka ha a e khutlela hape, ha a tlalehe Kaine e le mora oa Adama. ’Me, haeba e ne e se eéna, athe e ne e le mora oa mang? ’Me haeba e ne e le mora oa Adama, e ne e le mora oa hae oe letsibolo, ea neng a tšoere litōkelo tsa tsoalo. Oh!

³⁰⁵ Ke eo kereke eo ea nama (na ha le e bone?) e amohetseng se seng, e le bofebe sebakeng sa Lentsoe. Batho ba Pentekosta, le hlohonolofatsoe. Ke hantle, ho Eva o hlahisitse eng? Peō ea sepente. E entse'ng matsatsing ana a qetelo, ka mokha oa bolumeli? Ho hlahisitsoe peō ea sepente, hape, ho latōla Lentsoe. O ile a nyehela eng? Litholoana le lintho, e seng Mali.

³⁰⁶ Ka tšenolo ea Lentsoe, Lentsoe la Molimo le pele Le ka ngoloa, “Abele ka tumelo o hlahiselitse Molimo sehlabelo se fetisang sa Kaine, ka sona a pakoa hobane o ne a lōkile,” Lentsoe le Ikhalmisang ka eéna, ka nyehelo ea hae.

³⁰⁷ Oh, Kaine o tlohile a nka litholoana tsa tšimo, o hopotse Eva a jele apole. Bongata ba liseminari tsa thutabomolimo joale li e fetoletse ho aporik'hote. E ne e le bofebe. Mang le mang o tseba seo, ea tsebang Bibebe. Ehlide, e ne e le bona.

³⁰⁸ Lemohang, peō ea sepente e hlahisitsoe ke Eva oa pele ka ho sutha Lentsoeng. Eva oa bobeli o entse hona hoo Nicaea, Roma. ’Me o fumane eng? Sekhakhatha sa bana ba mokha oa bolumeli. Ke hantle. Oh, boitšoaro bo botle; ehlide, khabane. Empa ho thoeng ka eona? Ba shoele, ka litumeloana tsa bona.

³⁰⁹ Ho a tšoana joale. Tšenolo ea Kaine ea Lentsoe e entse seo bana ba se entseng. Eng? Ho mo tšepisa. Nakong ea qetelo,

Eva enoa o tsepiso'a'ng joale? Sekehang tsebe joale, ke a koala. Tsepiso ea Eva enoa ke efe nakong ea qetello? Maruo, Laodisea, lebitso le phahameng, motho e moholo, leruo. "Empa shoele, le feela, 'me ha a tsebe." Ke sona seo mongoaha oa kereke o qeteletseng ka sona.

³¹⁰ Empa o latōla Lentsoe. Ho népahatsa Mattheu 24:24 ho eéna, o ntse a leka ho kena ka letomotomo la lerata, le ka letomotomo la *sena*, le ka letomotomo la seriti sechabeng, le ka lintho tse kang tsena, ho leka ho re, "Be, re na le matla! Khanya ho Molimo, alleluia, re na le matla!" Ba nang le sebopoho sa borapeli, ba mpa ba latōla Matla a jona, ho atamela ho ka thetsang le bona bakhethoa... Motha a ka hobela joang ka Moea a bua maleme, le ho latōla Lentsoe la Molimo ho ba 'Nete, e ntoo ba Moea o Halalelang? E ke ke ea etsoa.

³¹¹ "Lentsoe le leng le le leng!" Molimo o bolela taba, ke sona seo O se bolelang ka tšoanelo. U se ke oa Le toloka kahosele. Bibebe e re, ha thoe, "Ha E a itlela ka lithhalosetso tsa motho." E bue kamoo O E buileng.

³¹² Lemohang, matla a bohata. Ke sona hantle seo Satane a neng a batlike ho se neheletsa Jesu, ho hloella koo ho Mo etsisa Boipontši. Batho ba etsa seo, esita le Mokhatlo oa Lefatše, bao bohle. "Ke mang ea ka loanang le eéna," o boletse, Bibebe, "setšoantšo sena sa bohata se tlang ho hlaha?" Holane re e-na le nako, re ka kena (empa ha re na) ho eona. Lemohang Jesu, Adama Lentsoe la bobeli, letsatsing la hae, shebang matsatsing a kereke ena joale e tlang ho bapa hakaale. Mongoaha oa kereke ea ho qetela ke Laodisea. Ba bakae ba ka reng "amen" tabeng eo? [Phutheho e re, "Amen."—Mohl.] Ebe o etsa'ng? O kena joang khatong e khanyang? Fofo, kantle ho Molimo. 'Me o ile a etsa'ng?

³¹³ Joale, Adama o bone Eva ka boomo... kapa e seng ka boomo, empa a thetsoa ka ho hloka temoho, eaba Adama o qatsoha a tsoa le Eva ho mo lopolla. Na ho joalo? Bibebe e boletse, "Ha se Adama ea thetsitsoeng." Lebaka leo E thibelang basali ho rera Evangelii. Le a bona? Ha se Adama ea tlotseng, koana ke Eve. Ka lebaka leo ha a tšoanelo ho ruta, le a bona, kapa ho laola a busa monna ka tsela efe, kapa joalo-joalo. Ke seo—seo Lentsoe le se bolelang.

³¹⁴ U re, "Be, sena...!" Ha ke tsotelle se etsoang ke *sena* le se etsoang ke *sane*. Ke seo Lentsoe le se bolelang, moena, khaitseli. Ke ntse ke leka ho le fetisitsa eona, le a bona, ke seo Lentsoe le se bolelang. Re phela ka Lentsoe, e seng ka bopaki bo itseng, kapa ntho e itseng ea nama, kapa boiphihlelo ba mofuta. Ha e amane le eona le ka ntho le e 'ngoe. Boiphihlelo ba mofuta ofe bo ke ke ba sebetsa, haeba bo latōla Lentsoe. "Ba bangata ba tla tla ho 'Na ba re, 'Ke porofetile, ka leleka batemona. Ke buile ka maleme. Ka etsa tsena tsohle, ho bolela Evangelii, ke le Ngaka ea Bolumeli.' Ho re, 'Uena ea sebetsang bokhopo, ha Ke a u tseba

le mehla.” Ho tseba Lentsoe le bolela Seo, le ho qeka ka lebaka la mokhatlo o itseng kapa ntho e itseng, tsamaiso e itseng. Oh, motsoalle oa ka, nke ke u lemose, joaloka moena ea ratehang ea u ratang. Sekehetsa tsebe.

³¹⁵ Joale, Adama oa pele o qatsohile a tsoa le Eva, kaha tšali a ne a thetsitsioe. Empa, haeba motho a kile a phela mona Laodisea ena, tšali e tsebile hantle ho feta. E, monghali. Hobane tšali o Mo ntšelitse kantle ho liphate tsa hae, phaposi ea hae, sh-... O ne a eme kantle, a kokota, a leka ho khutlela kahare. Leha koana a ithuetse bochaba, a lutse nqalong e phahameng. Tšali o ne a, oh, banna, “a sa hloke letho,” o itse, athe ha a tsebe o feela, malimabe. Ke eona kereke e thetsang le bona bakhethoa holane e le ntho e ka etsoang. Lemohang, o ne a ruile matla, matla a bohata. O ile a nka karolo ea Lentsoe, feela a sa Le nka kaofela.

³¹⁶ Leshano le fetisang le kileng la phetoha ke lefe? Le momme ’Nete e etsang phesente tse mashorobong-robong ho lona. Ha motho a itse “William Branham, ka lehla le baliloeng lena, o ne a nyolohetse koana Houston, Texas, a tahiloe ho tahoia.” Ke leshano leo. Le a bona? “Oh,” ho re, “che, o ne a le Phoenix, Arizona. A ntse a rerela borakhoebo ba Bakreste, a rera ka tema e itseng, teng ho etile batho ba baliloeng, ba mamela hofihlela mashome a mararō ka morao ho leshome. ’Me, ka mashome a mararō ka morao ho leshome, na le tseba seo a se entse’ng? A isa letsoho a fupa tahi, a noa.” Joale leshano ke leo. Tse ling tsohle li ne li lōkile. Le a bona, e tšoanelia ho tšoana le ’Nete hantle, ho ka thetsa.

³¹⁷ Batho ba sebetsa joalo kajeno. Ba tšoere ’Nete a kana, ba thetsa le bona bakhethoa... Empa, Lentsoe le le leng, ke phetho se hlokoang. ’Me ke e kholisitse ka Bibele.

³¹⁸ Lemohang, ha A ka a tsoa le eéna. O Mo ntšitselitse kantle, Lentsoe, ho Mo latöla. Joale ena ke pono e haulang, ha re fihla qetellong.

³¹⁹ Joalokaha ho etsehetse Babilona, motho a ke ke a khinoia ke letho haeba a leka ho itšibollela. A ke ke a khaotsa feela. Joaloka matsatsing a Nohe, ho sa tsottelehe kamoo Nohe a rerileng ’me a khalema, ha e a thusa le ka lethoana. Matsatsing a Akabe, o tšoanelia ho itubela bohobe ba hae ho ikisa liheleng ka sebele sa hae. Ke eona hantle. O tlameha ho itubela bohobe ba hae hore lehokelo le khaphe, a tle a ithomele liheleng. Joalo feela ka Akabe le Jesebele. Bao, empa, taba ea eona, ha ba ka ba ikhopola ba etsa sebe. Ba hopotse ba sebetsa hantle.

³²⁰ Le a tseba, Jesu o itse, “Mehleng eo esita le ba tla le bolaea, ba hopola ba sebeletsa Molimo.” Le emele buka e ncha ena ea ka e tsoang. Ba thuntse batho ba itseng, bosiu bo bong, ha ba itse ho phoso ho teanya kereke ea Roma e Katolike le Protestanta. Likulo tse tharō tsa khabola hara moaho, oa motsoalle oa ka, tsa ba fosa ka lenqenqe feela. Emang hofihlela buka e phatlalatsoa.

Ha ba ikhopola ba etsa sebe; ka ho bona ba itse ba etsa ho lōka.
Ba ikhopola ba—ba sebeletsa Molimo, athe ha ba tsebe.

³²¹ Bajuda ba bolaile Jesu, ba hopotse ba etsa ho lōkileng, hobane thuto ea kereke ea bona e Mo tlalehile a le phoso. Oh, ho ba laela A... “Ba thakhositse bona Bohobe boo ba neng ba tlameha ho phela ka bona.”

³²² Joale, ka hona, “Ba Mo amohetseng hore ebe Bophelo ba bona, Bophelo Bosafeleng, ba phetse ka Eéna, ’me O ba file matla ho ba karolo ea Hae, bara ba Molimo.” Na ho joalo?

³²³ Ba itšoanelo le maraka a hlaha, lefu ka moapehong, ho tsoa sekolong sa bona sa baithuti ba thutabomolimo. Ha ba batle Jesu, Bohobe ba Bophelo. Ha ba Mo batle. Ba Mo ntšetsa kantle ho kereke ea bona. Ba tlameha ho e phethisa. Ha ke tsotelle seo ba se etsang.

³²⁴ U re, “U nahana hore o tla e fetola, Moena Branham?” Che, monghali. Empa ke ntse ke bua le Bakhethoa.

³²⁵ Ba Mo ntšitse. Hobaneng? Ba ikhethetse moapeho oa pitsa ea bona, o lubiloeng le lefatše, likakanyo tsa mofuta, tse lubiloeng ‘moho, ho pheha moapeho oa boiphihlelo ba thutabomolimo ea seminari. ’Me ba hana pheko ea phoofo ea moporofeta Elia.

³²⁶ Na ba e entse letsatsing leo? Elija o ne a tšoere phoofo. Phoofo eo e ne e le Kreste, nyehelo ea phoofo, e thumisitsoeng ka ho tšoana. Leloala ka leng le lōkela ho chehoa ka ho tšoana, ho e sila. Eaba o e faha ka mono, a phekola boloetse ba bona, kapa lefu la bona pitseng.

³²⁷ Empa kajeno lefu le ka pitseng ea bona, ’me ha ba batle Phoofo ea Elia, Kreste, Bohobe, Lentsoe. “Che, monghali! Ke bokhelohi!” Ha ba E batle. Le ka tsoelapele la e ja, ’me le tla shoa ruri. Chefu e ka pitseng. Ha ba amohele Phoofo ena (che, monghali) lipitseng tsa thutabomolimo ea bona. Ba mpa feela ba ke ke ba e phethisa. Joale ba tla u ntšetsa kantle ho eona, ha ba batle ho amana le eona ka letho.

³²⁸ Joale Eva oa bobeli, thollo ea bohobe, e ne e le Pentekosta, o etsisitse oa pele, Adama bohobe, o kene lefung tlas’ a maloala a Boroma, tlas’ a hloriso, tlas’ a boshoela-tumelo.

³²⁹ Empa khaitseli ea hae e fetohile seotsoa, (na Bibele e rialo?) ke hantle, e entse’ng? O falletse a ikenela lefatšeng hantle a tsoala bana. Ke mang ea tla re “amen” tabeng eo? [Phuthetho e re, “Amen.”—Mohl.] Tšenolo 17, “Seotsoa le barali ba sona,” ha se monna; basali, likereke. Ba teileng mokha oa bolumeli, o entsoe seotsoa ke’ng? O hanne Lentsoe a inkela mokha oa bolumeli, a fetoha seotsoa. Bana ba sona ba entse’ng? E ne e le lihlola, e leng ntho e tšoanang. Ba entse hona hoo, ho hanelo Lentsoe le ho inkela mokha oa bolumeli. “Bana ba sona,” barali, likereke, ba shebeng.

³³⁰ Joale le ntumelle ke bue taba ena, ka boporofeta. Na le tla utloisia? Khang e khōlō ea lelapa e letse. Bohle ba khutlelana. 'Mé oa khale o tla boela a nka bana ba hae. Bohle ba itšoanelā, le hona. Ba batla ho ba bang. Ke nako ea Kereke le Molimo, Kereke le Lentsoe, ho ba bang, hantle mona, hoba e le sona seo A se tlelang; e seng sehlopha se le "seng" ka mokhoa oo. Che, monghali.

³³¹ E tla ba thollo ea koro. Joale le behe tlhaho leihlo, 'me re koala ka mohopolonā. Le shebe tlhaho. Monna o jala koro.

³³² Ba ngotse buka, ke kholoa le e balile bohole, mohlomong lōna baithuti ba bang ba thutabomolimo, e bitsoang *Molimo O Ikhutselitseng*. Ke a kholoa u ka e thola ka—ka libukeng tsa lōna, e leng—e leng moo le rekisang libuka, litoro tsa libuka. *Molimo O Ikhutselitseng*, ho boletsoe kamoo... Mophehakhang, ha thoe, "Le lebeletse Molimo ho ba teng joang, o ka itulelang holimō Mane mehleng ea Mengoaha e Lefifi oa shebella bana ba banyenyane ba bolaoa, ka mollo; basali, meriri ea bona e melele e qoelisoa kahara tiri, e chesoaa; ho emisa pholo sephakeng se seng, le e 'ngoe ho se seng, ho ba harolaka, hobane ba hanne ho aka sefapano; le lintho tseo tsohle ka mokhoa oo?" Ho re, "Ho ea ka'ng ha Molimo, ha o félā o ne o le teng, o ka itulela koo oa shebella bana bao ba chesoaa?" Le a bona, eo ke ntho ea tlhaho, kelello ea nama. Le a bona?

³³³ Shebang, ana le tseba koro, ha e kena mobung, e tlameha ho robala moo e bole? Le kereke ea pentekosta e ne e tlamehe ho etsa joalo, ho robala mono le ho kena mobung, le ho shoa. Ea tlameha ho bola, e tle e hlahise Bophelo hape. Na ho joalo? [Phutheho e re, "Amen."—Mohl.] Joale shebang, joale ena ke mehopolo ea ka e koalang. Joale ho e akaretsa eohle, ha re nkeng tlhaho. Ba bakae ba lōna ba lumelang Molimo o sebetsa o ipapisitse le tlhaho, linthong tsohle? ["Amen."]

³³⁴ Eéna, shebang, O sebelitse lefatše. O lopolla lefatše joalokaha A lopolla motho. Motho o lumela ho eng? O a lumela, a ntoo kolobetsoa; a ntoo hloekisoa ka mali, khalaletso, e beng e le molaetsa oa Wesley; a ntoo tlatsoa ka Mollo oa Moea o Halalelang, ho honya lefatše ka ho eéna, a ntoo tlatsoa ka Moea, e leng Lentsoe. Na le lumela seo? [Phutheho e re, "Amen."—Mohl.] Joale le shebe eng. Molimo o tlil'o lopolla lefatše la Oona ka ho tšoana.

³³⁵ Ba bakae ba tšoereng e—e—*Lehae La Kamoso La Monyaluoa Le Monyali*, holim'a teipi? Le a bona, ke e ntšitse ka mono. Morena o ile a mpha eona. Ke le neha eona joalokaha A 'neha eona.

³³⁶ Shebang, ntho ea pele, lefatše le ile la tsuoaa, tlas'a tlolo ea Adama Lentsoeng. Thero ea Nohe e tlisitse tokafatso, eaba Molimo o kolobetsa lefatše ka metsi; ha ntoo latéla Mora a le rothetsa ka Mali a Hae, ho le hloekisa, ho le tseka ho ba la Hae

ka Sebele; sehlohlolong sa ho qetela, hlanamiso, e tla ba mollo o tlang ho chesa kokoanahloko e 'ngoe le e 'ngoe, ntho eohle, o tla lakomela holimō likete tsa limaele, leoaping.

³³⁷ E ntoo ba eng? “Ka bona Leholimō le lecha le lefatše le lecha, leholimō la pele le lefatše li ne li fetile. Ka nnto bona Motse o Halalelang, Jerusalema e Mocha a theoha ho Molimo, a tsoa Leholimōng, a itlhophisitse joaloka monyaluoa bakeng sa oa hae... a itlhophisitse joaloka monyaluoa ho monna oa hae, le a bona, ho theohela holim'a lefatše.” Eaba Molimo le motho...

³³⁸ Ho a tšoana le ka Jesu, shebang, mohla A neng a kolobetsoa metsing, le ho Mo hlophisa. O ile a hlatsuoa, le ho qaleng, ke Ntate; eaba O phahamisa matsoho a Hae, 'me Leeba ke lena le theohela holim'a Konyana. Molimo o no o etsa'ng ha O beha Leeba Mono? O ile oa tseka karolo eo ea bophelo; e—e ne e le karolo ea lefatše, Jesu o ne a tla lijo joaloka rōna, bohobe ba tlhaho. Empa joale Molimo o a le tseka, ha ho letho le tlang ho le fupara. Lefu le ke ke la le fupara. Ho re, “Qhaqhang Tempele ena, Ke tla E tsosa hape.”

³³⁹ 'Me monna le mosali ha ba kena ho Molimo, ba phethehile joale, e seng tlas'a sefitahlohoana sa mofuta, e seng tlas'a tšisimoho, empa ruri ha Lentsoe le Eéna ba eba bang; Molimo o pholositse motho eo, ho mo hlatsoa linthong tsa lefatše, ho hlanamisa ntho eohle ea lefatše ho e tlosa ho eéna, ka Mollo oa Moea o Halalelang, le ho phela ka ho motho eo, ho Ikhalmisa, monna le mosali ba phethehileng bao ba phelang ka Lentsoe. Le a bona, ke lona lefatše le hloekisitsoeng leo. Le lefatše O tla le sebelisa ka ho tšoana, O a le lopolla.

³⁴⁰ Joale le shebe, tlhaku ea koro e oela mobung. Joale, Jesu e ne e le tlhaku eo ea koro e oetseng mobung, e ileng ea phethisiso hamorao, E ne e ruile Bophelo ka ho Eona. Moshe ha a ka a tsoha. Adama ha ka a tsoha. Ha ho le a mong oa bona ea tsohileng. Empa Ea phethehileng enoa ea ileng a halimisa Lentsoe mokhoeng o mong le o mong, O phetse ka Lentsoe le leng le leng! Ba bakae ba ka reng “amen” ka seo? [Phutheho e re, “Amen.”—Mohl.] Lentsoe le leng le leng O phetse ka lona. Ho etsahetseng? Ba Mo suntse lebitleng. Empa, matsatsing a mararō, A le pshatla a le bula a boela a tsoa. Le a bona?

³⁴¹ Joale kereke ke ena e boela e khutla, le a bona, ho tla ho ea phethehileng Eo, bakeng sa Hloibilo hape. Joale ho etsahetse'ng hoba kereke e oele mobung mane Nicaea, Roma, ho mokhatlo oa pele? O teng motho ea ka omelang ka “amen,” ho thoe hoo ho népahetse? [Phutheho e re, “Amen.”—Mohl.] O ile a etsa'ng? O ile a tsoa hape tsohong ea nakoana, O ile a leka ka Luther joalokaha A entse ka Nohe. Empa o entse'ng? O ile a sitela Lentsoe, a hlophisa. Hoo ha etsa'ng?

³⁴² Ho joaloka thollo ea koro e melang. Ha thollo e nyoloha, ntho ea pele e nyolohang ke'ng? Mahlomela a mabeli. Joale

sekehetsang tsebe ruri. Ho nyolohang ke hofe, ka tlhaho joale? Re tla sala tlhaho morao ka ntho ea moea, bohobe ba tlhaho ka bohobe ba moea. Ho etsahala'ng? "Ebe Monna enoa e ne e ka ba Bohobe joang?" Shebang.

³⁴³ Eareha kereke e nyoloha, e ne e le lehlaku le le leng. Joale hoo ha ho tšoane le tlhaku e keneng mobung, ho hang, empa ke pelesa ea bophelo. Le a bona? Joale ho etsahala'ng? Joale monna o re, "Oh, ke na le tšimo e ntle ea koro." E seng joale. Ka setšoanelo. Ho etsahetse'ng? E hlahleng khetlo le latélang e ne e le Zwingli, khato e 'ngoe e hlahleng e hlahlama Luther. Le joale e sa ntse e se eona. Ke leqoba. Tlhaka ea ntoo hlahisa maqoba ba mangata, a kang Calvin, le ba joalo, ba ile ba nyoloha. Qetellong ha hlaha kereke ea Anglican, maqoba kaofela. Le a bona, a tšoana hantle kaofela, ntho e le 'ngoe.

³⁴⁴ Eaba ho etsahala'ng? Koro e a fetoha, le tlhaku e a fetoha, le ntho e 'ngoe le e 'ngoe e a fetoha. Ho hlaha litšohlo. Le ka e bitsa litšohlo. Be, hoba e etse, le shebe se leketlileng ho eona, lipholene tse nyenyane. Joale li batla li atametse li tšoana le thollo ea mantlha e keneng kahare, ho feta leqoba. Na ho joalo? Be, molaetsa oa Wesley o ne o atametse Bibebe ho feta oa Luther. Le tseba seo. Na ho joalo? Matšohlo ao ohle a manyenyane ke'ng joale? E ne e le Wesleyan Methodist, Nazarenes, Pilgrim Holiness, United Brethren, bao bohle ba leng tlas'a khalaletso. 'Me mono eaba ho tsoa eng? Eona, qetellong, e entse'ng? Ho hlaphisa, ho shoa!

³⁴⁵ Se tsoileng mono e ne e le Mapentekosta. U re, "Oh, moena!"

³⁴⁶ Joale ka tšabo ea hlompho, 'me sena ke se bua ka lerato le halalelang. 'Me Ntate e moholo Eo ke sa tsoa le bolella, tšimolohong, a le teng mona, motlalahohle. Ha ke e bua ka leeme, ke moo A tlang ho nkahlola. Ha ke e bua ka 'Nete, O tla ntlhohonolofatsa. O tla le lumella ho E bona, haeba u reretsoe Bophelong.

³⁴⁷ Mohla thollo ea pele ea koro e ne e tsoa ho tlhaka ea koro, e tšoana le thollo ka botlalo. Na ho joalo? Empa ke'ng? Ha se thollo. Ke ntho eo ea Mattheu 24:24 eo, "ho bapa ho ka thetsang le bona bakhethoa holane ke ntho e ka etsoang." Lemohang, e tšoana le thollo hantle. Empa ha u lula fatše u e phetla, u tšoara galase ea maekroskoupu u qala u phetla. Ke lekhapetla le holim'a tlhaku feela, kapa lekhapetla holim'a koro. Le mpa le entse joalo ho e sireletsa feela, empa le tšoana le thollo hantle feela. Joale ba e tsebang e le 'nete ba bakae, phahamisang matsoho a lóna? Ehlide. Empa ke lekhapetla.

³⁴⁸ Joale, baena ba Pentekosta, le se nkuke hampe, empa ena ke 'Nete. Le ke ke la hanela tlhaho. 'Me tlhaho e tako Molimo linthong tsohle, 'Mopi oa eona.

³⁴⁹ Joale shebang lekhapetla leo. Le tšoana... Ba entse'ng? Ba buile ka maleme. Ba etsositse bao ba Pentekosta hantle feela.

Empa ha u ka khaola ntho eo, oa tšoara nthoana eo oa e phetla, e na le makhapetlanyana a mangata ka ho eona. 'Me ha u e phetla, u bona motšeо koana ho eona, u tlameha ho tšoara galase e lōkileng, ho sheba motšeо mane. Ho mela monokonyana oa tlhakunyana, ke eona ntho ea manneta. Ke pelesa. Hobaneng? E tlameha e be teng ho sireletsa thollo eo. E sebetsa ka kutloano, empa ke ho sireletsa thollo eo. Joale ha thollo e nyoloha mobung, ho nyoloha e haola ka Maluthere, ho haola ka likereke tseo, ho haola ka Wesley le ho haola mono, ho tsoa e haola ka matšohlo, le ho theoha ho kena ho lekhapetla. Joale e itšoanelka ho phethahala feela. Ha ho makatse Jesu a itse, "Ho ka thetsang le bona bakhethoa holane ke ntho e ka etsoang." E itšoanelka le thollo hantle, hantle malulong ao thollo e tlamehang ho lula teng, empa ho etsahetse'ng? E etsisitse tse ling tse tlileng pele ho eona, ho hlophisa! E ile ea fetoha eng? Pelesa.

³⁵⁰ Joale matsatsing ao re phelang ho ona, ranalane ofe mona o tseba tsoseletso e tsoella lilemo tse ka bang tharō, 'me tsoseletsong eo ho tsoa mokhatlo. Moena, khaitseli, tsoseletsong e khōlō ena ea lilemo tse leshome le metso e mehlano tseo ke li phetseng, ka fuoa monyetla ho e phela le lōna 'moho, ha ho eso tsohe mokhatlo ho eona. Mekhatlo ha e sa fumanoa. E ke ke ea e-ba teng. Eo ke ea ho qetela. Joale, Pentekosta e ne e tlameha ho ba teng mono ho sireletsa sena. Re ka be re ile kae ka Molaetsa o kang ona holane Pentekosta e o lumelang e sa ka ea fumanoa? Joale le khutlele morao Nokeng ea Ohio, ka 1933. Le a bona?

³⁵¹ Tšoarelang sena, empa ke batla le tsebe 'Nete. 'Me ha ke a salloo ke nako e kaalo, le tseba seo, ke mashome a mahlano le metso e mehlano. Empa liteipi tsena li tla tsoelapele le mohla ke iketseng, le tla bona haeba e népile, kapa che, haeba ke le mohlanka oa sebele kapa moporofeta oa bohata. Ha ke eso le bolelle taba le joale haese e hlahileng, ka baka leo le sena se tla etsahala.

³⁵² Ke pelesa. E ne e tlamehile joalo. Empa ha koro eo e qala e hola, joalokaha kereke pele e ne e le pelesa ho Jesu, empa mohla A neng a qala a ba bolella 'Nete ea Molimo, ba arohane le Eéna. Joale ho etsahala'ng? Ha ho tšebelisano-'moho. Hobaneng? Eka khona ho be joalo, hore koro ka sebele e robale ka pel'a letsatsi, l-e-t-s-a-t-si, hape le hore koro ea moea e robale ka pel'a M-o-r-a, ho fetoloa thollo ea Lentsoe e bosehla ba gauta, le a bona, ho etsoa Lentsoe, Molimo o entsoeng nama, ho nétefatsoa. E... "Ea lumelang ho 'Na, mesebetsi eo Ke e etsang o tla e etsa le eéna." Kereke e phelang ka Lentsoe leo, ka népahalo, e seng ka mokhatlo, empa Pontšeng ea Lentsoe, Mora, e fetoha (eng?) lona Lentsoe le theohileng ka Letsatsi la Pentekosta.

³⁵³ Joale, na Malakia 4 ha e re rute, pele letsatsi le leholo le te tšabehang la Morena le fihla, ha thoe sena se tla etsahala? Ba bakae ba tsebang seo? "Me O tla busetsa lipelō tsa bana ho

bontate,” na ho joalo, “eona Tumelo ea bontate ba tšimoloho ba pentekosta.”

³⁵⁴ “Me ka letsatsi leo,” Luka 17:20, ke a kholoa ke eona, Jesu o itse, “mohla Mora motho a senoloang,” e seng banna. “Mora motho,” e seng mokhatlo. “Mora motho,” Lentsoe le Iphelang hape har’ a batho! Le a bona?

³⁵⁵ Lentsoe, ka Sebele, le entsoe nama ka ho uena, u khalimiso ea hora ena, Molaetsa, khalimiso ea oona. Le a bona, u boela u phela, ho phela Bophelo bo nong bo le ka ho Jesu Kreste. U ka pel’ a Sefahleho sa Mora. Ka hona ho . . .

³⁵⁶ Ho etsahalang ka eona? Ho etsahala’ng ka Kereke eo? Qetellong, mamelang, lekhapetla leo le ikhula korong eo, ha e qala e bonahatsoa. Ho etsahetseng? Bophelo bo nong bo le ka ho lekhapetla, bo tsoile ba kena ho koro. Bophelo bo ke ke ba fetoha. Lipelesa li a fetoha, ba bopa mokhatlo; le a bona, maqoba, matšohlo, lekhapetla. Empa koro e ke ke ea fetoha. Eka khona e be tšebetso e holim’ a Lentsoe joalokaha A ne a tsepame Lentsoeng, le joalokaha Kereke ea pele e ne e tsepame Lentsoeng, e tletse Moea, ho feptjoa Lentsoe; ho se feptjoe mokha oa bolumeli. Ho feptjoa Lentsoe!

³⁵⁷ Joale tlhaho ke eo, le Lentsoe la Molimo. Ke Eéna Bohobe boo. “Motho a ke ke a phela ka bohobe feela, empa ka Lentsoe le leng le le leng le tsoang molomong oa Molimo.”

³⁵⁸ Ho koala joale, pele ho thapelo. Lemohang mona, mona ho latéla seo ke batlang ho se bua.

³⁵⁹ Joale lekhapetla leo le tlameha ho ikhula ho koro eo, ke ho latela pabalio ea Molimo. Ba bakae ba reng “amen”? [Phutheho e re, “Amen.”—Mohl.] Lekhapetla le tšoanelia ho ikhula ho koro, hoba hona joale e a butsoa. È fihfile. Joale, lekhapetla leo le ne le le sieo mono, e ne e le motšehtsi, e ne e le pelesa ea Bophelo, eaba Bophelo bo leng ka mono bo tsoa hantle bo kena ho koro. Joale, ke lona lebaka.

³⁶⁰ Mamelang, metsoalle, re phela letsatsing lefe? Re bile le tsoseletso ea lilemo tse leshome le metso e mehlano. Ba bakae ba ka reng “amen” tabeng eo? [Phutheho e re, “Amen.”—Mohl.] Ho hlahile mokhatlo ofe? Le letho. Ba kile ba leka ho nketsisa mokhatlo, ha tho, “Na u tla etsa mokhatlo, Moena Branham, ka bosebeletsi ba hao? E tla ba . . .” Joale, e seng ’na, ke ntse ke sa bua ka ’na. Ke ntse ke bua ka Molaetsa oa hora, oa letsatsi.

³⁶¹ Eaba ba nyolohela holimō mane Canada ba fihlela baena ba ’maloa ba pula-hoetla. E ile ea shoella hona moo. Le sa hopola pula-hoetla, lóna baena? E feletse kae? Ntho efe esele e feletse kae? Empa mokhatlo o unne’ng ho eona? Basokolloa ba limilione, ba ba fetola makhoba, a litumeloana tsa bona, ba eba barui, le ho haha mehaho ea limilione le libilione tsa didolara le lintho tse kang tseo, ’me ho tho “Morena o a tla,” ho romela

bareri liseminaring le linthong, le ho ba ruta ka thutabomolimo e entsoeng ke motho, joaloka Luther, Wesley, le lōna bohle. E fetoha lekhapetla.

³⁶² Empa, ho lebohuoe Molimo, thollo e tsoelapele. Haeba taba eo e népahetse ka Lentsoe, moo re phelang teng, e népahetse ka tlhaho, e nétefalitsoe, tlhaku ea koro, ka mokhoa ofe le ofe, re saletsoe ho le hokae? Le a tseba ke'ng? Ke utloa ho hōba ha sekele e tlang, Mokhatlo oa Lefatše, o tla e khetha. Ebe o etsa'ng? Ho e kuta litlhaka tsa eona. Empa sehloelello se Mo emetse. O tla ea Hae, moso o mong ona. Oh, e. Le a utloisia, e reng "amen"? [Phutheho e re, "Amen."—Mohl.]

³⁶³ Ke a tseba lefatše ha le lumele seo. Ha ba khone ho e lumela. Le se... Le mpe le ba utloele bohloko, hoba, "Hoba ha ho ea ka tlang ho 'Na a sa huloe ke Ntate oa Ka; 'me bohle bao Ntate oa Ka a 'Neileng bona ba tla tla." Ha lebitso la hae le le le Bukeng ea Bophelo, ruri o tla elelloa Lentsoe. O tlamehile joalo, e se e le nako e telele. Le nétefalitsoe ka ho phethehala hakaale, hofihlela e le 'Nete e tiileng.

³⁶⁴ Ha re sa tla fumana mekhatlo hape, empa mekhatlo eohle e tla nyamella ho o le mong. Molemo oa oona ke ofe? Ho tla... Hoba ba etsang ka litlhokoa? Ho e chesa. Jesu o itse, "Mangeloi a tla tla ho bokellela koro molikong." "Me ho tla etsahala'ng? "Litlhaka, le mahlokoa, le meutloa, li tla chesoa ka mollo o sa timeng." Le a bona? "Me se tlamehang ho etsoa pele ke sefe? Mangeloi a tsoile a tlama mahola pele. Na ho joalo? Le a bona, ba ntse ba itlama 'moho mokhatlo oa motonana o le mong o moholo, mekhatlo ha e sa le eo.

³⁶⁵ Koro e teng mona. Ho lebohuoe Molimo, koro e teng mona. Kreste o teng mona. O kholisa Lentsoe la Hae, Ke 'Nete. Koro e teng mona, e ntse e butsoa joale, e robetse Pontšeng ea Mora.

³⁶⁶ Ha se motho mang le mang ea ka E amang, e ikhula eohle, "Re ke ke ra amana le Eona ka letho." U tlameha ho etsa seo.

³⁶⁷ Oh, moena, kena ho koro, e re Bophelo ba hao bo leng ka ho uena bo tsoe bo kene ho koro eo. Na u tla etsa joalo? Lumela Molimo. U se ke... Lula ho Molimo feela. Na u kholisehile hore u tla e etsa? Ho ka thoeng haeba motho a itse... Ha ke tsotelle.

³⁶⁸ Joalokaha ke balile pale, mohla o mong. Ho kile ha ba le ngaka, e le monna ea khabane, 'me a rata bafumanehi. 'Me nako le nako ha bafutsana ba sitoa ho lefa melato ea bona, le tseba seo a se entseng? A e tekena ka enke e bofubelu feela, ho re, "U lebaletsoe." Qetellong, ngaka ea shoa. 'Me hoba ngaka e shoe, mosali oa hae o ne a khohlahetse. A fapané, a itšoanelá le kereke kajeno. A potoloha a ba silakanya bohle 'moho. A ba kata lisamane, a ba hlahlela lekholteng, "Le tla lefa melato ena, le hona!"

³⁶⁹ Empa moahloli a sela lirasiti tse ling, ho re, "Tloo mona, mofumahali." A re, "Ana enke e bofubelu ena ke kotsoana ea monna oa hao?"

A re, "E, monghali, ke eona."

³⁷⁰ Ho re, "Ha ho lekhotla le ka ba qosang naheng. Ba lokolohile."

³⁷¹ Ba leseng ba bue seo ba se batlang. O tekenile Lentsoe la Oona ka Mali a Oona ka Sebele. Ha ho letho le ka re amohang eona, moena. Re lokolohile.

³⁷² A re rape leng. Ruri le...[Moena ea phuthehong o a khotthatsa. Sekheo lebanteng—Mohl.] Amen.

³⁷³ Joale ka lihlooho tsa lōna tse inamisitsoeng. Haeba ke utloisia, e mong hara bona o kile a ema, litšiung tsa khosi, a ba a porofeta, moo ba ka khahlanang le sera ba ba timetsa. Joale, haeba ke utloisia taba eo ka tšoanelo, nqalo ea ho khahlana le sera sa hao e 'ngoe, ke Lentsoeng. Le sona se leka ho kōpana le uena teng. Khahlana le sona mono ka HO RIALO MORENA.

³⁷⁴ Ke ba bakae ka mona, le sa inamisitse lihlooho tsa lōna, (e batla e le motše share o moholo, ha ke na nako ea ho memela aletare haese sena) na le ka phahamisa matsoho a lōna, ka lihlooho tsa lōna tse inamisitsoeng, mahlo a lōna a koetsoe, "Ke batla ho ba karolo ea Hae. Ke batla ho iketsa setlama le Oona le Lentsoe la Oona. Ho sa tsottelehe se tlāng le se fallang, seo lefatše le se buang, ke batla ho ba karolo ea Oona," phahamisa letsoho la hao le ho re, "Ke etsa seo"? Molimo a o hlohonolofatse. Lipheresente tse lekholo, ke a kholoa.

³⁷⁵ Re sa inamisitse lihlooho, re sa ntse re nahana, ha re bineleng sefelana sena hasesane ka marameng joale. E mong le e mong o ntse a rapela.

Ho bokoe tlamo e tlamang (leo ke Lentsoe)
 Lipelō tsa rōna ka lerato la Bokreste;
 Bonngoe ba mehopolo e joalo
 Bo tšoana le boo ba Holimō. ("Joalokaha 'Na
 le Ntate oa Ka re le bang, le bang le Oona, le
 lōna.")

Koana ha re arohana,
 Re hlabe hisoa kahare;
 Empa re tla hlola re kōpane pelōng,
 Re ntse re tšepile ho kōpane hape.

³⁷⁶ Hoseng ha Moqebelo o hlahlamang koana Flagstaff, Arizona, ha Morena a ratile, ke tšepile ho kōpane le lōna hape. Le a Mora na? [Phuthehong e re, "Amen."—Mohl.]

³⁷⁷ Joale ke tla e lesa e le joalo, le a bona. Bibele e itse, "Ba lumetseng ho Oona, le ba amohetseng Lentsoe." Le a bona? Nke ke ka bolela ea joalo kapa ea sang joalo, e itšetlehile ho lōna. Empa haeba u itšoareletse ka tumeloana ea mofuta, ba bang

ba lōna Mamethodise, Mabaptise, kapa Mapentekosta, kapa u ka bang mang, ea itšoareletseng ka ntho e khahlano le Lentsoe leo, ka kōpo hleng, batho ba hesō ba ratehang, suthang ho eona, kajeno. Na le ke ke? Suthang ho eona, le retolohelo ho Oona. Le se ke la lumella Lentsoe le le leng ho u khaola setsoalleng sa Kreste. Moea oa Oona o abe sena.

³⁷⁸ Ntate Molimo, batho bana esale ba lutse mona nako e telele. E nkhopotsa lekhetlo le leng ha Pauluse, mohla a neng a rera ka tšobotsi eona ena, e ne e le Evangelī, ba qeta bosiu bohole ba mo mametse, eaba mohlankana o oela sefesetereng a shoa. Eaba Pauluse o tlöha a hamarela 'mele oa mohlankana ka oa hae, le ho re, "Bophelo bo khutlele ho eéna." Joale, Ntate, mona ho lutse bakuli le ba mahlomoleng, ho na le batho ba qellang mebele ea bona thapelo. Ke a rapela, Molimo o Ratehang, ho se emele kōpano. Ha ba tlameha ho emela kōpano efe. Lentsoe le mona kamehla, eo ke Kreste. Ke U rapela ho folisa e mong le e mong oa bona. E mong le e mong oa bona a phekoloë ka botlalo, Molimo. Aba sena. Ba lhlohonolofatse, maiteko a bona. Ba ka be ba sa lula mona, Morena, ba ka be ba sa mamela Sena, holane ba ne ba sa Se lumele. Joale, Morena, ba phahamisitse matsoho a bona, ba Le lumela, joale Le ke le amoheloe lipelōng tsa bona, moreri e mong le e mong, setho se seng le se seng sa phutheho. Moetsalibe, a ke a amohele Kreste; ea oeleng mohaung a khutle hape. Aba sena, Ntate. Mahlohonolo ana re a kōpa ka Lebitso la Jesu Kreste. Amen.

Ke a Mo rata, ke a Mo rata,

O behile lebitso la ka mono, lilemong tse ngata tse fetileng.

... a nthatile pele
Le ho lefella poloko ea ka
Fateng sa Kalvari.

³⁷⁹ Le a Mo rata na? Joale re sa se bina hape, nanabelang ka nqane ho tafole le tsukutlane le motho ka matsoho, ho re, "Mojaki ea ratoang, ke thabetse ho lula mona hoseng hona. Ke lumela Kreste. Uena ha u etse joalo?" Ntho e kang eo, ha re bina hape.

Ke . . . (. . . ? . . .)
... lefella poloko ea ka
Fateng sa Kalvari.

³⁸⁰ Joale, ho qala joale ho ea pele, na re qetile ka lefatše? Na re qetile ka lifeshene tsa lefatše? Le e . . . masaoana ohle, le mahalihali ana ohle, le ho tšoara Evangelī le ho hoeba ka eona, 'me—'me re qetile ka eona? Ha re etse joalo? Mpheng Jesu feela, ke phetho seo ke se batlang. "Ho Mo tseba ke Bophelo, ho Mo tseba." Ke a Mo rata. Ha le Mo rate na? [Phutheho e re, "Amen."—Mohl.] Oh, kamoo re Mo ratang!

³⁸¹ Joale ke tla fetisetsa tšebeletso ho Moena Carl, ha ke tsebe seo a tlang ho boela a se etsa.

³⁸² Molimo a le hlohonolofatse. 'Me ke tsepile ho le bona hape Sontaha se tlang, 'me ha ke sa le bone . . . kapa Moqebelo o tlang. Ha ke sa le bone mehleng eo, ho le bona tlase Tucson. Ha e se mehleng eo, ke tla boela ke le bona mona ka la leshome le metso e supileng. Haeba e se mohlang oo, ke tla le bona Khanyeng. Amen.

³⁸³ Moena Carl joale, ha ke tsebe seo a batlang ho se hantle nakong ena ea joale, Moena Williams.



NAKO EA KOTULO SST64-1212
(The Harvest Time)

Molaetsa wona, ka Moena William Marrion Branham, o rerilwe sethatong ka Senyesemane, Moqebelo hoseng, Tšitoe 12, 1964, borakefeseng ba Full Gospel Business Men's Fellowship International, Ramada Inn, Phoenix, Arizona, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org